



*Stabat mater dolorosa iuxta crucem lacrymosa dum pendebat filius*

# CANON MISSÆ.

Sacerdos extendens & jungens manus, elevans ad cœlum oculos, & statim demittens, profundè inclinat⁹ ante Altare, manibus super eo posit⁹, dicit:

**T**E igitur, clementissime Pater, per Jesum Christum Filium tuum Dominum nostrum, supplices rogāmus accipimus, **Osculatur Altare,** uti accepta hābeas, & benedicas, **Jungat manus, deinde signet ter super oblata,** hæc dona, hæc munera, hæc sancta sacrificia illibata, **Extensis manibus prosequitur;** in primis quæ tibi offerimus pro Ecclesia tua sancta catholica: quam pacificare, custodire, adunare, & regere digneris toto orbe terrarum: unā cum famulo tuo Papa nostro **N.** & Antistite nostro **N.** & omnibus orthodoxis, atque Catholicæ & Apostolicæ fidei cultoribus.

**Commemoratio pro vivis.**

**M**emento Domine famulorum famularumque

tuarum **N.** & **N.** Jungit manus, orat aliquantulum pro quibus orare intendit: **de manibus extensis prosequitur:** Et omnium circumstantium, quorum tibi fides cognita est, & nota devotio, pro quibus tibi offerimus: vel qui tibi offerunt hoc sacrificium laudis, pro se, suisque omnibus: pro redemptione animarum suarum, pro spe salutis & incolumitatis suæ: tibi que reddunt vota sua ætérno Deo, vivo & vero.

**Infra actionem.**

**C**ommunicantes, & memoriam venerantes, in primis gloriôsæ semper Virginis Mariæ, genitricis Dei & Domini nostri Jesu Christi: sed & beatôrum Apostolorum ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simonis & Thadæi: Lini, Cleti, Clementis,

Xyfti,



Xyſti, Cornélii, Cypriani, Laurentii, Chryſogoni, Joánnis & Pauli, Coſmæ & Damiáni: & ómnium Sanctórum tuórum: quorum méritis precibúſque concédas, ut in ómnibus protectiōnis tuæ muniámur auxilio. **Jungit manus.** Per eúmdem Chriſtum Dóminum noſtrum, Amen.

**Tenens manus expanſas ſuper oblata dicit:**

**H**anc igitur oblatiōnem ſervitútis noſtræ, ſed & cunctæ familiæ tuæ, quæſumus Dómine, ut placátus accípias: diésque noſtros in tua pace diſpónas, atque ab ætérna damnatiōne nos éripi, & in electórum tuórum júbeas grege numerári. **Jungit manus.** Per Chriſtum Dóminum noſtrum, Amen.

**Q**uam oblatiōnem tu Deus in ómnibus, quæſumus, **Signat ter ſuper oblata,** bene **✠** dictam, adſcri **✠** ptam, **✠** tam, rationábilem, acceptabílemque fácere dignéris: **Signat ſemel ſuper Hoſtiam, & ſemel ſuper Calicem:** ut nobis Cor **✠** pus, & San **✠** guis fiat dilectíſſimi Filii tui Dómini noſtri Jeſu Chriſti.

**Q**ui pridie quàm paterétur, **Accipit Hoſtiam:**

accépit panem in ſanctas ac venerábiles manus ſuas: **Elevat oculos ad coelum:** & elevátis óculis in coelum ad te Deum Patrem ſuum omnipoténtem, tibi grátias agens, **Signat ſuper Hoſtiam:** bene **✠** dixit, fregit, deditque diſcípulis ſuis, dicens: Accípite, & manducáte ex hoc omnes.

**Tenens ambabus manibus Hoſtiam inter indices & pollices, profert verba conſecrationis ſecretè, diſtinctè, & attentè.**

**Hoc eſt enim Corpus meum.**

**Prolatis verbis conſecrationis, ſtatim Hoſtiam conſecratam genuflexus adorat: ſurgit, oſtendit populo, reponit ſuper Corporale, iterum adorat: & non diſjungit pollices & indices, niſi quando Hoſtia tractanda eſt, uſque ad ablutionem digitorum. Tunc detecto Calice dicit:**

**S**imili modo poſtquam cœnátum eſt, **Ambabus manibus accipit Calicem,** accípiens & hunc præclárum Cállicem in ſanctas ac venerábiles manus ſuas: item tibi grátias agens, **Siniſtra tenens**

Calicem.

**Calicem, dextera ſignat ſuper eum,** bene **✠** dixit, deditque diſcípulis ſuis, dicens: Accípite & bíbite ex eo omnes.

**Profert verba conſecrationis ſecretè ſuper Calicem, tenens illum parum elevatum.**

**Hic eſt enim Calix Sanguinis mei, novi & ætérni teſtaménti: myſtérium fidei: qui pro vobis & pro multis effundétur in remiſſiōnem peccatórum.**

**Prolatis verbis conſecrationis, deponit Calicem ſuper Corporale, & dicens ſecretè: Hæc quotieſcúmque fecéritis, in mei memóriam faciétis.**

**Genuflexus adorat: ſurgit, oſtendit populo, deponit, cooperit, & iterum adorat. Deinde diſjunctis manibus dicit:**

**U**nde & mémores, Dómine, nos ſervi tui, ſed & plebs tua ſancta, ejúſdem Chriſti Filii tui Dómini noſtri tam beátæ paſſiōis, nec non

& ab inferis reſurrectiōis, ſed & in coelos glorióſæ aſcenſiōis: offerimus præcláre majeſtáti tuæ de tuis donis ac datis, **Jungit manus, & ſignat ter ſuper Hoſtiam & Calicem ſimul,** Hoſtiam **✠** puram, hoſtiam **✠** ſanctam, hoſtiam **✠** immaculatam, **Signat ſemel ſuper Hoſtiam, & ſemel ſuper Calicem:** Panem **✠** ſanctum vitæ ætérnæ, & Calicem **✠** ſalútis perpétuæ.

**Extenſis manibus proſequitur:**

**S**upra quæ propítio ac ſereno vultu reſpícere dignéris: & accépta habére, ſicuti accépta habére dignátus es múnera púeri tui juſti Abel, & ſacrificium patriarchæ noſtri Abrahæ: & quod tibi obtulit ſummus ſacerdos tuus Melchiſedech, ſanctum ſacrificium, immaculatam hoſtiam.

**Profundè inclinatus junctis manibus, & ſuper Altare poſitis dicit:**

**S**upplices te rogámus, ómnipotens Deus: jube hæc perférri per manus ſancti Angeli tui in ſublímè altáre tuum, in conſpectu divínæ majeſtátis tuæ: ut quotquot, **osculatur altáre,** ex hac altáris participatiōe,

B b b

ſacro



sacro sanctum Filii tui, **Jungit manus, & signat semel super Hostiam, & semel super Calicem,** Cor **X**pus, & San **X**guinem sumpserimus, **Seipsum signat,** omni benedictione coelesti, & gratia repleamur. Per eundem Christum Dominum nostrum, Amen.

**Commemoratio pro Defunctis.**

**M**emento etiam, Domine, famulorum famularumque tuarum **N. & N.** qui nos precesserunt cum signo fidei, & dormiunt in somno pacis. **Jungit manus, orat aliquantulum pro iis defunctis, pro quibus orare intendit, deinde extensis manibus prosequitur:** Ipsis Domine, & omnibus in Christo quiescentibus, locum refrigerii, lucis & pacis, ut indulgeas, deprecamur. **Jungit manus, & caput inclinat.** Per eundem Christum Dominum nostrum, Amen.

**Manu dextera percutit sibi pectus, elata parum voce dicens:**

**N**obis quoque peccatoribus famulis tuis, de multitudinis miserationum tuarum sperantibus, partem aliquam & societatem donare

digneris, cum tuis sanctis Apostolis & Martyribus: cum Joanne, Stephano, Mathia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cecilia, Anastasia, & omnibus Sanctis tuis: intra quorum nos consortium, non aestimator meriti, sed veniam, quaesumus, largitor admittre. **Jungit manus.** Per Christum Dominum nostrum.

**P**er quem haec omnia, Domine, semper bona creas, **Signat ter super Hostiam, & Calicem simul, dicens:** sancti **X**ficas, vivi **X**ficas, bene **X**dicis, & praestas nobis. **Discooperit Calicem, genuflectit, accipit Sacramentum dextera, tenens sinistra Calicem: signat cum Hostia ter a labio ad labium Calicis, dicens:** Per ip **X**sum, & cum ip **X**so, & in ip **X**so, **bis signat inter Calicem & pectus, est tibi Deo Patri **X**omnipotenti, in unitate Spiritus **X**sancti, Elevans parum Calicem cum Hostia, dicit: omnis honor & gloria. Reponit Hostiam, cooperit Calicem, genuflectit, surgit & dicit:**

✠ (o) ✠

Per

**P**er omnia secula seculorum. **X. Amen.**

**O**remus. **P**raeceptis salutari

bus moniti, & divina institutiōne, formati audemus dicere.

**P**ater noster, qui es in coelis: Sanctificetur no-

men tuum: Advéniat regnum tuum: Fiat voluntas tua, sicut in coelo, & in terra. Panem nostrum quotidianum da nobis hodie: Et dimitte nobis debita nostra, sicut & nos dimittimus debitoribus

toribus



tóribus nostris. Et nè  
nos inducas in tenta-  
ti ò nem. *R.* Sed libera  
nos à malo.  
*Sacerdos secretè dicit,*  
*Amen.*

¶ Sequens cantus dicitur  
in Festis Simplicibus, & die-  
bus Ferialibus, & in Missis  
Defunctorum.

*P*er ómnia sæcula sæcu-  
lòrum. *R.* Amen.

*O* rê mus. *P*ræceptis salu-  
táribus móniti, & divína  
institutiòne formáti au-  
démus dicere.

*P*Ater noster, qui es in  
coelis: Sanctificetur no-  
men tuum: Advéniat re-  
gnum tuum: Fiat volún-

tas tua, ficut in coelo,  
& in terra. Panem no-  
strum quotidianum da no-  
bis hódie: Et dimitte  
nobis débita nostra, ficut  
& nos dimittimus debi-  
tóribus nostris. Et nè  
nos inducas in tenta-


ti ò nem. *R.* Sed libera  
nos à malo.  
*Sacerdos submissa voce di-  
cit, Amen.*

*Deinde accipit Patenam  
inter indicem & medium di-  
gitos, & dicit:*


*L*ibera nos, quæsumus Dó-  
mine, ab ómnibus malis,  
præteritis, præsentibus, &  
futúris: & intercedente beá-  
ta & gloriósa semper Virgine  
Dei genitrice Maria, cum be-  
átis Apóstolis tuis Petro &  
Paulo, atque Andréa, & ó-  
mnibus Sanctis, *Signat se  
cum Patena à fronte ad pe-  
ctus, & eam osculatur: da  
propítius pacem in diébus  
nostris: ut ope misericórdiæ  
tuæ adjúti, & à peccáto simus  
semper liberi, & ab omni per-  
turbatióne secúri. Submit-  
tit Patenam Hostiæ, discoo-  
perit Calicem, genuflectit,  
surgit, accipit Hostiam, fran-  
git eam super Calicem per  
medium, dicens: Per eúm-  
dem Dóminum nostrum Je-  
sum Christum Filium tuum:*



Partem, quæ in dextera est, ponit super Patenam. Deinde ex parte quæ in sinistra remansit, frangit particulam, dicens: Qui tecum vivit & regnat in unitate Spiritus sancti Deus, Aliam mediam partem cum ipsa sinistra ponit super Patenam, & dextera tenens particulam super Calice, sinistra Calicem, dicit:




Per omnia sæcula sæcu-



lorum. R. Amen.


Cum ipsa particula signat ter super Calicem, dicens:



Pax ✠ Dómini fit ✠ sem-



per vobis ✠ cum. R. Et



cum spiritu tuo.

Particulam ipsam immittit in Calicem, dicens secrete:

**H**æc commixtio & consecratio Corporis & Sanguinis Dómini nostri Jesu Christi, fiat accipientibus nobis in vitam æternam, Amen.

Cooperit Calicem, genuflectit, surgit, & inclinatus Sacramento, junctis manibus ter pectus percutiens, dicit:

Agnus Dei, qui tollis peccata mundi, miserere nobis.

Agnus Dei, qui tollis peccata mundi, miserere nobis.

Agnus Dei, qui tollis peccata mundi, dona nobis pacem.

In Missis pro Defunctis non dicitur, miserere nobis, sed ejus loco, dona eis requiem. & in tertio additur, sempiternam. Deinde junctis manibus super Altare, inclinatus dicit sequentes Orationes.

**D**omine Jesu Christe, qui dixisti Apóstolis tuis: Pacem relinquo vobis, pacem meam do vobis: ne respicias peccata mea, sed fidem Ecclesiæ tuæ: eamque secundum voluntatem tuam pacificare, & coadunare digneris. Qui vivis & regnas Deus, per omnia sæcula sæculorum, Amen.

Si danda est pax, osculatur Altare & dans pacem, dicit:

Pax

Pax tecum. R. Et cum Spiritu tuo. In Missis Defunctorum non datur pax, neque dicitur præcedens Oratio.

**D**omine Jesu Christe, Fili Dei vivi, qui ex voluntate Patris, cooperante Spiritu sancto, per mortem tuam mundum vivificasti: libera me per hoc sacrosanctum Corpus, & Sanguinem tuum, ab omnibus iniquitatibus meis, & universis malis: & fac me tuis semper inhærere mandatis, & a te nunquam separari permittas. Qui cum eodem Deo Patre & Spiritu sancto vivis & regnas Deus in sæcula sæculorum, Amen.

**P**recæptio Corporis tui, Domine Jesu Christe, quod ego indignus sumere præsumo, non mihi proveniat in iudicium & condemnationem: sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia sæcula sæculorum, Amen.

Genuflectit, surgit, & dicit:

**P**anem coelestem accipiam, & nomen Dómini invocabo.

Deinde parum inclinatus, accipit ambas partes Hostiæ inter pollicem, & indicem sinistræ manus, & Patenam inter eundem indicem & medium, & dextera percutiens pectus, elevata aliquantulum voce dicit ter devotè & humiliter:

**D**omine, non sum dignus, ut intres sub tectum meum: sed tantum dic verbo, & sanabitur anima mea.

Postea dextera se signans cum Hostia super Patena, dicit:

**C**orpus Dómini nostri Jesu Christi custodiat animam meam in vitam æternam, Amen.

Sumit reverenter ambas partes hostiæ, jungit manus, & quiescit aliquantulum in meditatione sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:

**Q**uid retribuam Dómino pro omnibus, quæ retribuit mihi? Calicem salutæ accipiam, & nomen Dómini invocabo. Laudans invocabo Dóminum, & ab inimicis meis salvus ero.

Accipit



Accipit Calicem manu dextera, & eo se signans, dicit:

**S**anguis Dómini nostri Jesu Christi custodiat animam meam in vitam æternam, Amen.

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit:

**Q**uod ore sumpsimus Dómine, pura mente capiamus: & de múnere temporáli fiat nobis remédium sempiternum.

Interim porrigit Calicem ministro, qui infundit in eum parum vini, quo se purificat: deinde prosequitur.

**C**orpus tuum Dómine, quod sumpsi, & Sanguis quem potavi, adhæreat viscéribus meis: & præsta, ut in me non remaneat scelerum mácula, quem pura & sancta refecerunt sacramenta. Qui vivis & regnas in sæcula sæculórum, Amen.

Abluit digitos, extergit, & sumit abluionem: extergit os, & Calicem, quem operit, & plicato Corporali, collocat in Altari ut prius: deinde prosequitur Missam.

Dicto, post ultimam Orationem, Dóminus vobiscum. **R.** Et cum spíritu tuo, dicit pro Missæ qualitate vel, **Ite** Missa est. **vel**, Benedicamus Dómino. **R.** Deo grátias.

In Missis Defunctorum dicit, **Requiescant in pace.** **R.** Amen.

Tempore Paschali, hoc est, à Missa Sabbati sancti usque ad Sabbatum in Albis inclusive.

**Ite** missa est, Allelúja,

**al le lú ja.**

In Festis solemnibus.

**I** te e

**e**

**e**

**e**

**e**

e missa

**e** **mis** **sa** **est.**

In Festis Duplicibus.

**I** te **e**

**e** **missa** **est.**

In Missis beatæ Mariæ.

**I** te **e**

**mis** **sa** **est.**

In Dominicis infra annum, in Festis Semiduplicibus, & infra Octavas, quæ non sunt beatæ Mariæ.

**I** te **e**

**e**

**mis** **sa** **est.**

In Festis Simplicibus.

**I** te **mis** **sa** **est.**

In Dominicis Adventus & Quadragesimæ.

**Benedicamus** **Dó-**

**mi** **no.**

In Feriis.

**Benedi** **câ** **mus** **Dómino.**

In Missa Vigiliæ Nativitatis Domini, & in festo sanctorum Innocentium.

**Benedi** **câ** **mus** **Dó-**

**mi** **no.**

D d d

o o





mino.

In Missis Defunctorum.



Requiescant in pace.

Dicto, Ite Missa est, vel Benedicamus Domino, Sacerdos inclinat se ante medium Altaris, & manibus junctis super illud, dicit:

**P**Láceat tibi sancta Trinitas, obsequium servitutis meæ, & præsta: ut sacrificium, quod oculis tuæ majestatis indignus obtuli, tibi sit acceptabile, mihiq; & omnibus, pro quibus illud obtuli, sit, te miserante, propitiabile. Per Christum Dominum nostrum, Amen.

Deinde osculatur Altare: & elevatis oculis, extendens, elevans, & jungens manus, caputque Cruci inclinans, dicit: Benedicat vos omnipotens Deus, & versus ad populum, semel tantum bene-

dicens, etiam in Missis solem-nibus, prosequitur, Pater, & Filius, & Spiritus sanctus. R. Amen.

In Missa Pontificali ter benedicitur, ut in Pontificali habetur. Deinde in cornu Evangelii, Dicto, Dominus vobiscum, & Initium vel Sequentia sancti Evangelii, signans Altare, vel librum, & se, ut supra in Evangelio Missæ, legit Evangelium secundum Joannem, In principio erat Verbum, vel aliud Evangelium, ut dictum est in Rubricis generalibus. Cum dicit, Et Verbum caro factum est, genuflectit. In fine R. Deo grátias.

Initium sancti Evangelii secundum Joannem.

**I**N principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso vita erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum.

Non

Non erat ille lux, sed ut testimonium perhiberet de lumine. Erat lux vera: quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit; & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt.

Et \* Verbum caro factum

est, & habitavit in nobis, & vidimus glóriam ejus, glóriam quasi unigeniti à Patre, plenum grátiae & veritatis. R. Deo grátias.

In Missis Defunctorum non datur benedictio, sed dicto, Requiescant in pace, dicit: Pláceat tibi sancta Trinitas: deinde osculato Altari legit Evangelium S. Joannis. Finito Evangelio sancti Joannis, discedens ab Altari, pro gratiarum actione dicit Antiphonam, Trium puerorum. cum reliquis, ut habetur in principio Missæ.



DOMI-





Christus resurgens ex mortuis iam non moritur.

# DOMINICA RESURRECTIONIS.

Statio ad S. Mariam maiorem.

Introitus.

Psal.  
118.

**R**

Esurrexi; & adhuc tecum sum.  
Alleluya: posuisti super me manum tuam, Alleluya: mirabilis

facta est scientia tua, Alleluya, alleluya. **Psalmus.** Domine probasti me, & cognovisti me: tu cognovisti sessionem meam, & resurrectionem meam. **V.** Gloria Patri, & Filio, & Spiritui sancto. Sicut erat in principio, & nunc, & semper, & in secula seculorum, Amen.

Oratio.

**D**EUS, qui hodierna die per Unigenitum tuum, aternitatis nobis aditum devicta morte reserasti: vota nostra, quae praeveniundo aspiras, etiam adjuvando prosequere. Per eundem Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia secula seculorum. Amen.

**L**ectio Epistolae beati Pauli Apostoli ad Corinthios.

1. Cor.  
5. c.

**F**ratres, Expurgate vetus fermentum, ut sitis nova conspersio, sicut estis azymi: Etenim Pascha nostrum immolatus est Chri-

stus. Itaque epulemur: non in fermento veteri, neque in fermento malitiae & nequitiae: sed in azymis sinceritatis, & veritatis.

**Graduale.** Haec dies, quam fecit Dominus: exultemus, & laetemur in ea. **V.** Confitemini Domino, quoniam bonus: quoniam in saeculum misericordia ejus. Alleluya, alleluya. **V.** Pascha nostrum immolatus est Christus.

**Sequentia.** Victimae Paschali laudes immolent Christiani. **Agnus** redemit oves: Christus innocens Patri reconciliavit peccatores. **Mors** & vita, duello conflixere mirando: dux vitae, mortuus regnat vivus. **D**ic nobis Maria, quid vidisti in via? **S**epulchrum Christi viventis: & gloriam vidi resurgentis. **A**ngelicos testes, sudarium & vestes. **S**urrexit Christus spes mea: praecedet vos in Galilaeam. **S**cimus Christum surrexisse a mortuis vere: tu nobis victor Rex miserere, Amen, alleluya.

**Sequentia dicitur usque ad Sabbatum in Albis inclusive.**

**Sequentia sancti Evangelii** secundum Marcum.

**I**n illo tempore: Maria Magdalene, & Maria Jacobi, & Salome, emerunt aromata, ut venientes ungerent Jesum. Et valde ma-

E e e

ne



nè una sabbatòrum, veniunt ad monumentum, orto jam sole. Et dicébant ad invicem: Quis revolvit nobis lapidem ab ostio monumenti? Et respicientes, viderunt revolutum lapidem. Erat quippe magnus valde. Et introeúntes in monumentum viderunt juvenem sedentem in dextris, coopertum stola candida, & obstupuerunt. Qui dicit illis: Nolite expavescere: Jesum queritis Nazarenum, crucifixum: surrexit, non est hic, ecce locus ubi posuerunt eum. Ite, dicite discipulis ejus, & Petro, quia præcedit vos in Galilæam: ibi eum videbitis, sicut dixit vobis. **Credo.**

**Offertorium.** Terra tremuit, & quievit, dum resurgeret in iudicio Deus, Allelúja.

**Secreta.**

**U**scipe, quæsumus Dómine, precibus populi tui cum oblationibus hostiarum: ut Paschálibus initiata mysteriis, ad æternitatis nobis medelam, te operante proficiant. Per Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus.

**Præfatio.** Te quidem Dómine omni tempore, sed in hac potissimum die. **Pag. 252.**

**Infra actionem.** Communicantes. & Hanc igitur. **ut supra Pag. 253.**

**Et sic dicitur usque ad Sabbatum in Albis inclusivè.**

**Communio.** Pascha nostrum immolatus est Christus, Allelúja: itaque epulémur in ázymis sinceritatis

tis & veritatis, Allelúja, allelúja, allelúja.

**Postcommunio.**

**S**píritum nobis, Dómine, tuæ charitatis infunde: ut quos sacramentis Paschálibus satiasti; tuafacias pietate concordes. Per Dóminum nostrum Jesum Christum Filium tuum: Qui tecum vivit & regnat in unitate ejusdem Spíritus sancti Deus, per omnia sæcula sæculòrum. **R. Amen.**

**Post Dóminus vobiscum, dicitur** Ite missa est, Allelúja, allelúja. **R.** Deo grátias, Allelúja, allelúja.

**Et sic dicitur usque ad Sabbatum in Albis inclusivè.**

**Infra Octavam Paschæ non fit de aliquo Festo Duplici vel Semiduplici, sed post Octavam celebrantur. De Simplicibus autem occurrentibus post hoc triduum fit tantum, commemoratio.**

**FERIA II.**

*Statio ad sanctum Petrum.*

**Introitus.**

**I**ntroduxit vos Dóminus in terram fluentem lac & mel, Allelúja: & ut lex Dómini semper sit in ore vestro, Allelúja, allelúja. **Psalmus.** Confitemini Dómino, & invocáte nomen ejus: annuntiáte inter gentes ópera ejus. **Glória Patri.**

**Oratio.**

**D**EUS, qui solemnitatem Pascháli, mundo remédia contu-

listi:

luti: populum tuum, quæsumus, celesti dono proseguere; ut & perfectam libertatem consequi mereatur, & ad vitam proficiat sempiternam. Per Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus.

**Lectio Actuum Apostolorum.**

**I**n diébus illis: Stans Petrus in medio plebis, dixit: Viri fratres, vos scitis quod factum est verbum per universam Judæam: incipiens enim à Galilæa, post baptismum, quod prædicavit Joánnes, Jesum à Nazareth: quomodo unxit eum Deus Spíritu sancto, & virtute, qui pertransiit benefaciendo, & sanando omnes oppressos à diabolo, quoniam Deus erat cum illo. Et nos testes sumus omnium, quæ fecit in regione Judæorum, & Jerusalem, quem occiderunt suspendentes in ligno. Hunc Deus suscitavit tertia die, & dedit eum manifestum fieri, non omni populo, sed testibus præordinatis à Deo: nobis, qui manducavimus & bibimus cum illo, postquam resurrexit à mortuis. Et præcepit nobis prædicare populo, & testificari, quia ipse est, qui constitutus est à Deo iudex vivorum & mortuorum. Huic omnes Prophætæ testimonium perhibent, remissionem peccatorum accipere per nomen ejus omnes, qui credunt in eum.

**Graduale.** Hæc dies, quam fecit Dóminus: exultemus, & lætemur in ea. **Gl.** Dicat nunc Israël, quoniam bonus: quoniam in sæcu-

lum misericordia ejus. Allelúja, allelúja. **Gl.** Angelus Dómini descendit de celo: & accedens revolvit lapidem, & sedebat super eum.

**Sequentia.** Victimæ Paschális. **cum Allelúja in fine, ut supra in Dominica Paschæ. Pag. 301.**

**Sequentia sancti Evangelii secundum Lucam.**

**I**n illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerusalem, nomine Emmaus. Et ipsi loquebantur ad invicem de his omnibus quæ acciderant. Et factum est: dum fabularentur, & secum quærerent, & ipse Jesus appropinquans ibat cum illis: oculi autem illorum tenebantur, nè eum agnoscerent. Et ait ad illos: Qui sunt hi sermones, quos confertis ad invicem ambulantes, & estis tristes? Et respondens unus, cui nomen Cleophas, dixit ei: Tu solus peregrinus es in Jerusalem, & non cognovisti quæ facta sunt in illa, his diebus? Quibus ille dixit: Quæ? Et dixerunt: De Jesu Nazareno, qui fuit vir propheta, potens in opere & sermone, coram Deo & omni populo: Et quomodo eum traderunt summi sacerdotes & principes nostri in damnationem mortis, & crucifixerunt eum. Nos autem sperabamus quia ipse esset redempturus Israël: & nunc super hæc omnia, tertia dies est hodie, quod hæc facta sunt. Sed & mulieres quædam ex nostris terruerunt nos, quæ ante lucem fuerunt ad monumentum, & non invento

E e e 2

córpore



córpore ejus, venerunt, dicentes se etiam visionem Angelorum vidisse, qui dicunt eum vivere. Et abiérunt quidam ex nostris ad monumentum: & ita invenerunt sicut mulieres dixerunt, ipsum verò non invenerunt. Et ipse dixit ad eos: Ostulti, & tardi corde ad credendum in omnibus, quæ locuti sunt Prophætæ! Nónne hæc oportuit pati Christum, & ita intrare in glóriam suam? Et incipiens à Móyse, & omnibus Prophætis, interpretabatur illis in omnibus Scriptúris, quæ de ipso erant. Et appropinquaverunt castello, quò ibant: & ipse se finxit longius ire. Et coegerunt illum, dicentes: Mane nobiscum, quóniam advesperáscit, & inclinata est jam dies. Et intrávit cum illis. Et factum est, dum recumberet cum eis, accépit panem, & benedixit, ac fregit, & porrigébat illis. Et apérti sunt óculi eórum, & cognoverunt eum: & ipse evánuit ex óculis eórum. Et dixerunt ad invicem: Nónne cor nostrum ardens erat in nobis, dum loqueretur in via, & aperíret nobis Scriptúras? Et surgéntes eadem hora regressi sunt in Jerúsalem: & invenerunt congregátos undecim, & eos qui cum illis erant, dicentes: Quòd surrexit Dóminus verè, & apparuit Simóni. Et ipsi narrabant quæ gesta erant in via: & quómodo cognoverunt eum in fractione panis. **Credo.**

**Offertorium.** Angelus Dómini descendit de cælo, & dixit mulieribus: Quem queritis, surrexit sicut dixit, Allelúja.

**Secreta.**

**S**uscipe, quæsumus Dómine, precibus pópli tui cum oblationibus hostiarum: ut Paschálibus initiata mystériis, ad æternitatis nobis medelam, te operante, proficiant. Per Dóminum nostrum Jesum Christum Fílium tuum: Qui tecum vivit & regnat in unitate Spíritus sancti Deus.

**Communio.** Surrexit Dóminus, & apparuit Petro, Allelúja.

**Postcommunio.**

**S**píritum nobis, Dómine, tuæ charitátis infunde: ut quos sacraméntis Paschálibus satiasti, tuafácias pietate concordes. Per Dóminum. In unitate ejusdem Spíritus sancti Deus.

**FERIA III.**

*Statio ad sanctum Paulum.*

**Introitus.**

Qua sapientia potávit eos, Allelúja: firmabitur in illis, & non flectetur, Allelúja: & exaltábit eos in ætérnum, Allelúja, allelúja.

**Psalms.** Confitemini Dómino, & invocáte nomen ejus: annuntiáte inter Gentes ópera ejus. **Glória Patri.**

**Oratio.**

**D**EUS, qui Ecclesiám tuam novó semper foetu multiplicas: concède famulis tuis; ut sacraméntum vivendo téneant, quod fide perceperunt. Per Dóminum nostrum Jesum Christum.

Lectio

**Lectio Actuum Apostolorum.**

**I**n diébus illis: Surgens Paulus, & manu silentium indicens, ait: Viri fratres, filii generis Abraham, & qui in vobis timent Deum, vobis verbum salutis hujus missum est. Qui enim habitabant Jerúsalem, & principes ejus, ignorantes Jesum, & voces Prophetarum, quæ per omne sabbatum leguntur, judicantes impleverunt: & nullam causam mortis inveniéntes in eo, petierunt à Piláto, ut interficerent eum. Cumque consummasset omnia, quæ de eo scripta erant, deponentes eum de ligno, posuerunt eum in monumento. Deus verò suscitávit eum à mortuis tertia die: qui visus est per dies multos his, qui simul ascenderant cum eo de Galilæa in Jerúsalem: qui usque nunc sunt testes ejus ad plebem. Et nos vobis annuntiámus eam, quæ ad Patres nostros repromissio facta est: quóniam hanc Deus adimplévit filiis nostris, resuscitans Jesum Christum Dóminum nostrum.

**Graduale.** Hæc dies, quam fecit Dóminus: exultemus, & lætemur in ea. **V.** Dicant nunc, qui redempti sunt à Dómino: quos redemit de manu inimici, & de regionibus congregávit eos. **Allelúja, allelúja.** **V.** Surrexit Dóminus de sepúlchro, qui pro nobis pepéndit in ligno.

**Sequentia.** Víctimæ Paschali. ut supra in Dominica Paschæ. Pag. 301.

**Sequentia sancti Evangelii secundum Lucam.**

**I**n illo tempore: Stetit Jesus in medio discipulorum suorum, & dicit eis: Pax vobis: ego sum, nolite timere. Conturbati verò, & conterriti, existimabant se spíritum videre. Et dixit eis: Quid turbati estis, & cogitationes ascendunt in corda vestra? Videte manus meas, & pedes, quia ego ipse sum: palpáte, & videte: quia spíritus carnem & ossa non habet, sicut me videtis habere. Et cum hoc dixisset, osténdit eis manus, & pedes. Adhuc autem illis non credentibus, & mirantibus præ gaudio, dixit: Habetis hic aliquid, quod manducetur? At illi obtulerunt ei partem piscis assi, & favum mellis. Et cum manducasset coram eis, fumens reliquias, dedit eis. Et dixit ad eos: Hæc sunt verba, quæ locutus sum ad vos, cum adhuc essem vobiscum, quóniam necesse est impleri omnia, quæ scripta sunt in lege Móysi, & Prophetis, & Psalmis de me. Tunc aperuit illis sensum ut intelligerent Scriptúras. Et dixit eis: Quóniam sic scriptum est, & sic oportebat Christum pati, & resurgere à mortuis tertia die: & prædicari in nómine ejus pœniténtiam & remissionem peccatorum in omnes gentes. **Credo.**

**Offertorium.** Intónuit de cælo Dóminus, & Altíssimus dedit vocem suam: & apparuerunt fontes aquarum, Allelúja.

E e e 3

Secreta.



## Secreta.

**S**uscipe Domine, fidelium preces cum oblationibus hostiarum: ut per hac pie devotionis officia, ad celestem gloriam trans-eamus. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Communio.** Si confurrexistis cum Christo, quæ sursum sunt quaerite, ubi Christus est in dextera Dei sedens, Alleluja: quæ sursum sunt sapite, Alleluja.

## Postcommunio.

**C**oncede quæsumus omnipotens Deus: ut Paschalis perceptio sacramenti, continua in nostris mentibus perseveret. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

## FERIA IV.

Statio ad S. Laurentium extra muros.

## Introitus.

**V**enite benedicti Patris mei, percipite regnum, Alleluja: quod vobis paratum est ab origine mundi, Alleluja, alleluja, alleluja.

**Psalmus.** Cantate Domino canticum novum: cantate Domino omnis terra. ✠ Gloria Patri.

## Oratio.

**D**EUS, qui nos Resurrectionis Dominicæ annua solemnitate

beneficis: concede propitius; ut

per temporalia festa quæ agimus, pervenire ad gaudia æterna mereamur. Per eundem Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Ab hac die usque ad Sabbatum in Albis inclusivè, post Orationem diei dicitur una ex sequentibus Orationibus tantum, nisi facienda sit commemoratio alicujus Festi Simplicis occurrentis.**

**Contra persecutores Ecclesiæ.**

## Oratio.

**E**cclésiæ tuæ, quæsumus Domine, preces placatus admittite: ut, destructis adversitatibus, & erroribus universis, secunda tibi serviat libertate. Per Dominum nostrum Jesum Christum Filium tuum: Qui tecum.

**Vel pro Papa. Oratio.**

**D**EUS omnium fidelium Pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, una cum grege sibi credito, perveniat sempiternam. Per Dominum nostrum Jesum Christum.

## Lectio Actuum Apostolorum.

**I**n diebus illis: Apertis Petrus os suum, dixit: Viri Israël, & qui timetis Deum, audite. Deus Abraham, & Deus Isaac, & Deus Jacob, Deus patrum nostrorum glorificavit Filium suum Jesum, quem vos quidem tradidistis, & negastis ante faciem Pilati, judicante illo dimitti. Vos autem san-

ctum

ctum & justum negastis, & peristis virum homicidam donari vobis: auctorem verò vitæ interfecistis, quem Deus suscitavit à mortuis, cum jus nos testes sumus. Et nunc, fratres, scio quia per ignorantiam fecistis, sicut & principes vestri. Deus autem, quæ prænuntiavit per os omnium Prophetarum, pati Christum suum, sic implèvit. Penitèmini igitur, & convertimini, ut deleantur peccata vestra.

**Graduale.** Hæc dies, quam fecit Dominus: exultemus, & lætemur in ea. ✠ Dextera Domini fecit virtutem, dextera Domini exaltavit me. Alleluja, alleluja. ✠ Surrexit Dominus verè, & apparuit Petro.

**Sequentia.** Victimæ Paschali. *ut supra in die Paschæ. Pag. 301.*

**Sequentia sancti Evangelii secundum Joannem.**

**I**n illo tempore: Manifestavit se iterum Jesus discipulis ad mare Tiberiadis. Manifestavit autem sic: Erant simul Simon Petrus, & Thomas, qui dicitur Didymus, & Nathanaël, qui erat à Cana Galilææ, & filii Zebedæi, & alii ex discipulis ejus duo. Dicit eis Simon Petrus: Vado piscari. Dicunt ei: Venimus & nos tecum. Et exierunt, & ascenderunt in navim: & illa nocte nihil prederunt. Mane autem facto stetit Jesus in litore: non tamen cognoverunt discipuli quia Jesus est. Dicit ergo eis Jesus: Pueri numquid pulmentarium habetis? Responderunt ei: Non. Dicit eis: Mittite in dextram navigii rete: & inveniètis. Mi-

serunt ergo: & jam non valébant illud trahere præ multitudinem piscium. Dicit ergo discipulus ille, quem diligebat Jesus, Petro: Dominus est. Simon Petrus cum audisset quia Dominus est, tunica succinxit se (erat enim nudus) & misit se in mare. Alii autem discipuli navigio venerunt (non enim longè erant à terra, sed quasi cubitis ducèntis) trahentes rete piscium. Ut ergo descenderunt in terram, viderunt prunas positas, & piscem superpositum, & panem. Dicit eis Jesus: Afferte de piscibus, quos prederistis nunc. Ascendit Simon Petrus, & traxit rete in terram, plenum magnis piscibus centum quinquaginta tribus. Et cum tanti essent, non est scissum rete. Dicit eis Jesus: Venite, prandete. Et nemo audèbat discumbentium interrogare eum, Tu quis es? scientes, quia Dominus est. Et venit Jesus, & accipit panem, & dat eis, & piscem similiter. Hoc jam tertio manifestatus est Jesus discipulis suis, cum resurrexisset à mortuis. **Credo.**

**Offertorium.** Portas celi aperuit Dominus: & pluit illis manna, ut ederent: panem celi dedit eis: panem Angelorum manducavit homo, Alleluja.

## Secreta.

**S**acrificia, Domine, Paschalibus gaudiis immolamus: quibus Ecclesiæ tua mirabiliter & pascitur & nutritur. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Contra**



Contra persecutores Ecclesie.

Secreta.

**P**rotege nos, Domine, tuis mysteriis serviētes: ut divinis rebus inhārentes, & corpore tibi famulēmur, & mente. Per Dominum nostrum Jesum Christum.

Vel pro Papa. Secreta.

**O**blatis, quæsumus Domine, placare munēribus: & famulum tuum **N.** quem pastorem Ecclesie tue præesse voluisti, assidua protectione guberna. Per Dominum nostrum Jesum Christum Filium tuum: Qui tecum.

**Communio.** Christus resurgens ex mortuis, jam non moritur, Alleluja: mors illi ultra non dominabitur: Alleluja, alleluja.

Postcommunio.

**A**b omni nos, quæsumus Domine, vetustate purgatos, sacramenti tui veneranda perceptio innovam transferat creaturam. Qui vivis & regnas cum Deo Patre.

Contra persecutores Ecclesie.

Postcommunio.

**Q**uæsumus Domine Deus noster: ut quos divina tribuis participatione gaudere, humanis non finas subiacere periculis. Per Dominum nostrum Jesum Christum.

Vel pro Papa. Postcommunio.

**H**æc nos, quæsumus Domine, divini sacramenti perceptio protegat: & famulum tuum **N.** quem pastorem Ecclesie tue præesse voluisti, una cum commissio tibi grege, salvet semper & muniat. Per Dominum nostrum Jesum Christum Filium tuum.

## FERIA V.

Statio ad SS. duodecim Apostolos.

Introitus.

**V**ertricem manum tuam Domine laudaverunt pariter, Alleluja: quia sapientia aperuit os mutum, & linguas infantium fecit disertas, Alleluja, alleluja. **Psalmus.** Cantate Domino canticum novum: quia mirabilia fecit. **Gloria Patri.**

Oratio.

**D**EUS, qui diversitatem Gentium in confessione tui nominis adunasti: da, ut renatis fonte baptismatis, una sit fides mentium, & pietas actionum. Per Dominum nostrum Jesum Christum.

**Secunda Oratio.** Ecclesie tue. Vel Deus omnium fidelium. ut in Feria præcedenti. Pag. 306.

## Lectio Actuum Apostolorum.

**I**n diebus illis: Angelus Domini locutus est ad Philippum, dicens: Surge, & vade contra meridiānum, ad viam quæ descendit ab Jerusalem in Gazam: hæc est deserta. Et surgens abiit. Et ecce vir Æthiops eunuchus, potens Candacis reginæ Æthiopum, qui erat super omnes gazas ejus, venerat adorare in Jerusalem: & revertebatur sedens super currum suum, legensque Isaiam Prophetam. Dixit autem Spiritus Philippo: Accede, & adijunge te ad cur-

rum

rum istum. Accurrens autem Philippus, audivit eum legentem Isaiam Prophetam, & dixit: Putasne intelligis quæ legis? Qui ait: Et quomodo possum, si non aliquis ostenderit mihi? Rogavitque Philippum ut ascenderet & sederet secum. Locus autem Scripturæ, quam legebat, erat hic: Tamquam ovis ad occisionem ductus est: & sicut agnus coram tondente se, sine voce, sic non aperuit os suum. In humilitate iudicium ejus sublatum est. Generationem ejus quis enarrabit, quoniam tollitur de terra vita ejus? Respondens autem Eunuchus Philippo, dixit: Obsecro te, de quo Propheta dicit hoc? de se, an de alio aliquo? Apertis autem Philippus os suum, & incipiens a Scriptura ista, evangelizavit illi Jesum. Et dum irent per viam, venerunt ad quamdam aquam: & ait Eunuchus: Ecce aqua, quid prohibet me baptizari? Dixit autem Philippus: Si credis ex toto corde, licet. Et respondens, ait: Credo Filium Dei esse Jesum Christum. Et jussit stare currum: & descendērunt uterque in aquam. Philippus & Eunuchus, & baptizavit eum. Cum autem ascendissent de aqua, Spiritus Domini rapuit Philippum, & amplius non vidit eum Eunuchus. Ibat autem per viam suam gaudens. Philippus autem inventus est in Azoto. Et pertransiens evangelizabat civitatibus cunctis (donec veniret Cæsaream) nomen Domini Jesu Christi.

**Sequentia.** Victimæ Paschali. ut in Dominica Pasche. Pag. 301.

## Sequentia sancti Evangelii secundum Joannem.

**I**n illo tempore: Maria stabat ad monumentum foris, plorans. Dum ergo fieret, inclinavit se, & prospexit in monumentum: & vidit duos Angelos in albis, sedentes, unum ad caput, & unum ad pedes, ubi positum fuerat corpus Jesu. Dicunt ei illi: Mulier, quid ploras? Dicit eis: Quia tulerunt Dominum meum: & nescio ubi posuerunt eum. Hæc cum dixisset, conversa est retrorsum, & vidit Jesum stantem: & non sciebat quia Jesus est. Dicit ei Jesus: Mulier, quid ploras? quem quæris? Illa existimans quia hortulanus esset, dicit ei: Domine, si tu sustulisti eum; dicito mihi ubi posuisti eum: & ego eum tollam. Dicit ei Jesus: Maria. Conversa illa, dicit ei: Rabboni (quod dicitur Magister.) Dicit ei Jesus: Noli me tangere, nondum enim ascendi ad Patrem meum: vade autem ad fratres meos, & dic eis: Ascendo ad Patrem meum, & Patrem vestrum; Deum meum, & Deum vestrum. Venit Maria Magdalene annuntians discipulis: Quia vidi Dominum, & hæc dixit mihi. **Credo.**

**Graduale.** Hæc dies, quam fecit Dominus: exultemus, & lætē-

F f f

Offer.



**Offertorium.** In die solemnitate vestra, dicit Dominus, inducam vos in terram fluentem lac & mel, Allelúja.

**Secreta.**

**S**uscipe, quæsumus Domine, muna populorum tuorum propitius: ut confessione tui nominis & baptismo renovati, sempiternam beatitudinem consequantur. Per Dominum nostrum.

**Altera Secreta, vel Protege nos, vel Oblatis.** ut in Feria IV. precedenti. Pag. 308.

**Communio.** Populus acquisitionis, annuntiante virtutes ejus: Allelúja: qui vos de tenebris vocavit in admirabile lumen suum, Allelúja.

**Postcommunio.**

**E**xaudi Domine preces nostras: ut redemptionis nostræ sacrosancta commercia, & vitæ nobis conferant præsentis auxilium, & gaudia sempiterna concilient. Per Dominum nostrum.

**Altera Postcommunio, vel Quæsumus Domine.** vel Hæc nos. ut in Feria præcedenti. Pag. 308.

## FERIA VI.

Statio ad S. Mariam ad Martyres.

**Introitus.**

**E**duxit eos Dominus in spe, Allelúja: & inimicos eorum operuit mare, Allelúja, allelúja, allelúja.

**Psalmus.** Attendite popule meus legem meam: inclinâte au-

rem vestram in verba oris mei. **Glória Patri.**

**Oratio.**

**O**mnipotens sempiternæ Deus, qui Paschale sacramentum in reconciliationis humanæ fœdere contulisti: da mentibus nostris; ut quod professione celebramus, imitemur effectu. Per Dominum nostrum Jesum Christum.

**Secunda Oratio, vel Ecclesiæ tuæ, vel Deus omnium fidelium.** ut in IV. Feria præcedenti. Pag. 306.

**Lectio Epistolæ beati Petri Apostoli.**

**C**harissimi: Christus semel pro peccatis nostris mortuus est, justus pro iniustis, ut nos offerret Deo, mortificatus quidem carne, vivificatus autem spiritu. In quo & his, qui in carcere erant, spiritibus veniens prædicavit: qui increduli fuerant aliquando, quando expectabant Dei patientiam in diebus Noë; cum fabricaretur arca, in qua pauci, id est, octo animæ salvæ factæ sunt per aquam. Quod & vos nunc similis formæ salvos facit baptisma: non carnis depositio sordium, sed conscientie bonæ interrogatio in Deum per resurrectionem Jesu Christi Domini nostri, qui est in dextera Dei.

**Graduale.** Hæc dies, quam fecit Dominus: exultemus, & lætemur in ea. **V.** Benedictus qui venit in nomine Domini: Deus Dominus, & illuxit nobis. Allelúja, allelúja. **V.** Dicite in Gentibus: quia Dominus regnavit à ligno.

Sequen

**Sequentia. Victimæ Paschali.** ut in Dominica Paschæ. Pag. 301.

**Sequentia sancti Evangelii** secundum Matthæum.

**I**n illo tempore: Undecim discipuli abiierunt in Galilæam, in montem, ubi constituerat illis Jesus. Et videntes eum adoraverunt: quidam autem dubitaverunt. Et accedens Jesus locutus est eis, dicens: Data est mihi omnis potestas in cælo, & in terra. Eúntes ergo docete omnes gentes, baptizantes eos in nomine Patris, & Filii, & Spiritus sancti: docentes eos servare omnia, quæcúmque mandavi vobis. Et ecce ego vobiscum sum omnibus diebus, usque ad consummationem sæculi. **Credo.**

**Offertorium.** Erit vobis hæc dies memoriâlis, Allelúja: & diem festum celebrabitis solennem Domino in progenies vestras: legitimum sempiternum diem, Allelúja, allelúja.

**Secreta.**

**H**ostias, quæsumus Domine, placatus assûme: quas & pro renatorum expiatione peccati deferimus, & pro acceleratione cœlestis auxilii. Per Dominum nostrum Jesum Christum Filium tuum.

**Altera Secreta, vel Protege nos, vel Oblatis, quæsumus.** ut in Feria IV. præcedenti. Pag. 308.

**Communio.** Data est mihi omnis potestas in cælo & in terra, Allelúja: eúntes docete omnes gentes, baptizantes eos in nomine Patris, & Filii, & Spiritus sancti, Allelúja, allelúja.

**Postcommunio.**

**R**espice, quæsumus Domine, populum tuum: & quem æternis dignatus es renovare mysteriis; à temporalibus culpis dignanter absolve. Per Dominum nostrum Jesum Christum Filium tuum.

**Altera Postcommunio, vel Quæsumus Domine.** vel Hæc nos. ut in Feria præcedenti. Pag. 308.

## SABBATO.

In Albis.

Statio ad S. Joannem in Laterano.

**Introitus.**

**E**duxit Dominus populum suum in exultatione, Allelúja: & electos suos in lætitia, Allelúja, allelúja. **Psalmus.** Confrimini Domino, & invocâte nomen ejus: annuntiante inter Gentes opera ejus. **V.** Glória Patri.

**Oratio.**

**C**oncède quæsumus omnipotens Deus: ut qui festa Paschalia venerando egimus; per hæc contingere ad gaudia æterna mereamur. Per Dominum nostrum Jesum Christum Filium tuum: Qui tecum vivit & regnat.

**Secunda Oratio, vel Ecclesiæ tuæ, vel Deus omnium fidelium.** ut in Feria IV. præcedenti. Pag. 306.

**Lectio Epistolæ beati Petri Apostoli.**

**C**harissimi: Deponentes omnem malitiam, & omnem

F f f 2

dolum



dolum, & similationes, & invidias, & omnes detractiones, sicut modò geniti infantes, rationabiles, sinè dolo lac concupiscite; ut in eo crescatis in salutem: si tamen gustastis quoniam dulcis est Dominus. Ad quem accedentes lapidem vivum, ab hominibus quidem reprobatum, à Deo autem electum, & honorificatum: & ipsi tamquam lapides vivi superedificamini, domus spiritalis, sacerdotium sanctum, offerre spirituales hostias, acceptabiles Deo per Jesum Christum. Propter quod continet Scriptura: Ecce pono in Sion lapidem summum angularem, electum, pretiosum, & qui crediderit in eum, non confundetur. Vobis igitur honor credentibus: non credentibus autem lapis, quem reprobaverunt edificantes, hic factus est in caput anguli; & lapis offensionis, & petra scándali, his qui offendent verbo, nec credunt in quo & positi sunt. Vos autem genus electum, regale sacerdotium, gens sancta, populus acquisitionis: ut virtutes annuntiatis ejus, qui de tenebris vos vocavit in admirabile lumen suum. Qui aliquando non populus, nunc autem populus Dei: qui non consecuti misericordiam, nunc autem misericordiam consecuti.

**Ab hac die usque ad Octavam Pentecostes, tam in Officio de Tempore, quam de Sanctis, non dicitur Graduale: sed ejus loco dicuntur duo Versus cum quatuor Allelúja, ordine infra scripto: praterquam in Missis Rogationum, & Vigiliis Pentecostes, in quibus dicitur unum Allelúja, cum uno**

**Versu: similiter & post quamlibet Lectionem in Sabbato Quatuor Temporum post Pentecosten. Alio tempore usque ad Septuagesimam, quando dicitur Graduale, dicuntur tria Allelúja, post Graduale, bis ante Versum, & semel post Versum: cum autem dicitur Sequentia, Allelúja, quod dicendum esset post Versum, dicitur post Sequentiam. Allelúja, allelúja. Hæc dies, quam fecit Dominus: exultemus, & lætemur in ea. Allelúja. Laudate pueri Dominum, laudate nomen Domini.**

**Sequentia. Victimæ Paschali. in supra in die Paschæ. Pag. 301.**

**Sequentia sancti Evangelii secundum Joannem.**

**In illo tempore: Una sabbati Maria Magdalene venit manè, cum adhuc tenebræ essent, ad monumentum: & vidit lapidem sublatum à monumento: Cucurrit ergo, & venit ad Simónem Petrum, & ad alium discipulum, quem amabat Jesus, & dicit illis: Tulerunt Dominum de monumento, & nescimus ubi posuerunt eum. Exit ergo Petrus, & ille alius discipulus, & venerunt ad monumentum. Currabant autem duo simul, & ille alius discipulus præcucurrit citius Petro, & venit primus ad monumentum. Et cum se inclinasset, vidit posita linteamina, non tamen introivit. Venit ergo Simon Petrus sequens eum, & introivit in monumentum, & vidit linteamina posita, & sudarium, quod fuerat super caput ejus, non cum lintaminibus positum, sed separatim involutum in unum locum. Tunc ergo introivit & ille discipulus, qui venerat primus ad monumentum: & vidit, & credidit: nondum enim sciebant Scripturam, quia oportebat eum à mortuis resurgere. Credo.**

**Offertorium. Benedictus qui venit in nomine Domini: benediximus vobis de domo Domini: Deus Dominus, & illuxit nobis, Allelúja, allelúja.**

**Secreta.**

**Concede, quesumus Domine, semper nos per hæc mysteria Paschalia gratulari: ut continuæ nostræ reparationis operatio, perpetuæ nobis fiat causa lætitiæ. Per Dominum nostrum Jesum Christum Filium tuum: Qui tecum vivit & regnat.**

**Alia Secreta, vel Protege nos, vel Oblatis, quesumus. ut in Feria IV. præcedenti. Pag. 308.**

**Communio. Omnes qui in Christo baptizati estis, Christum induistis, Allelúja.**

**Postcommunio.**

**Redemptionis nostræ munere vegetati, quesumus Domine: ut hoc perpetuæ salutis auxilio, fides semper vera proficiat. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti.**

**Altera Postcommunio, vel Quesumus Domine. vel Hæc nos. in Feria IV. præcedenti. Pag. 308.**



## DOMINICA IN ALBIS.

**In Octava Paschæ.**

**Statio ad S. Pancratium.**

**Introitus.**



**Q**uasi modò geniti infantes, Allelúja: rationabiles, sinè dolo lac concupiscite, Allelúja, allelúja, allelúja.

**Psalmus. Exultate Deo adjutori nostro: jubilate Deo Jacob. Gloria Patri.**

**Oratio.**

**Præsta quesumus omnipotens Deus: ut qui Paschalia festa perégimus; hæc, te largiente, moribus & vita teneamus. Per Dominum nostrum.**

**LECTIO Epistolæ beati Joannis Apostoli.**

**Charissimi: Omne quod natum est ex Deo, vincit mundum: & hæc est victória, quæ vincit mundum, fides nostra. Quis est, qui vincit mundum, nisi qui credit, quoniam Jesus est Filius Dei? hic est, qui venit per aquam, & sanguinem. Jesus Christus: non in aqua solum, sed in aqua & sanguine. Et spiritus est, qui testificatur, quoniam Christus est veritas. Quoniam tres sunt, qui testimonium dant in cælo: Pater, Verbum, & Spiritus sanctus: & hi tres unum sunt. Et tres sunt, qui testimonium dant in terra: Spiritus, & aqua, & sanguis: & hi tres unum sunt. Si testimonium hominum accipimus, testimonium Dei majus**



est: quoniam hoc est testimonium Dei, quod majus est: quoniam testificatus est de Filio suo. Qui credit in Filium Dei, habet testimonium Dei in se.

*Matth. 28.* **A**llelúja, allelúja. *Joan. 20.* In die resurrectionis meae, dicit Dominus, praecedam vos in Galilaeam. Allelúja. Post dies octo, januis clausis, stetit Jesus in medio discipulorum suorum, & dixit: Pax vobis. Allelúja.

**Sequentia sancti Evangelii**  
secundum Joannem.

*Joan. 20. c.* **I**n illo tempore: Cum sero esset die illo, una sabbatorum, & fores essent clausae, ubi erant discipuli congregati propter metum Judaeorum: venit Jesus, & stetit in medio, & dixit eis: Pax vobis. Et cum hoc dixisset, ostendit eis manus, & latus. Gavisi sunt ergo discipuli, viso Domino. Dixit ergo eis iterum: Pax vobis. Sicut misit me Pater, & ego mitto vos. Hae cum dixisset, insufflavit, & dixit eis: Accipite Spiritum sanctum: quorum remisistis peccata, remittuntur eis: & quorum retinueritis, retenta sunt. Thomas autem unus ex duodecim, qui dicitur Didymus, non erat cum eis, quando venit Jesus. Dixérunt ergo ei alii discipuli: Vidimus Dominum. Ille autem dixit eis: Nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam. Et post dies octo, iterum erant discipuli ejus intus; & Thomas cum eis. Venit Jesus januis clausis, &

stetit in medio, & dixit: Pax vobis. Deinde dicit Thomae: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. Dixit ei Jesus: Quia vidisti me Thomas, credidisti: beati qui non viderunt, & crediderunt. Multa quidem & alia signa fecit Jesus in conspectu discipulorum suorum, quae non sunt scripta in libro hoc. Haec autem scripta sunt, ut credatis, quia Jesus est Christus Filius Dei: & ut credentes, vitam habeatis in nomine ejus. **Credo.**

**Offertorium.** Angelus Domini descendit de caelo, & dixit mulieribus: Quem queritis? surrexit sicut dixit, Allelúja.

**Secreta.**

**S**uscipe múnera, Domine quæsumus, exultantis Ecclesiae: & cui causam tanti gaudii praestitisti; perpetuae fructum concede laetitiae. Per Dominum nostrum.

**Communio.** Mitte manum tuam, & cognosce loca clavorum, Allelúja: & noli esse incredulus, sed fidelis, Allelúja, allelúja.

**Postcommunio.**

**Q**uæsumus Domine Deus noster, ut sacrosancta mysteria, quae pro reparationis nostrae munimine contulisti, & praesens nobis remedium esse facias, & futurum. Per Dominum nostrum.

**A Feria II. post Octavam Paschae, usque ad Ascensionem, post Orationem diei dicuntur Orationes**

nes sequentes, nisi sit festum Duplex.

**De beata Maria.**

**Oratio.**

**C**oncede nos famulos tuos, quæsumus Domine Deus, perpetua mentis & corporis fanitate gaudere; & gloriosa beatae Mariae semper Virginis intercessione, a praesenti liberari tristitia, & aeterna perfrui laetitia. Per Dominum nostrum.

**Contra persecutores Ecclesiae.**

**Oratio.**

**E**cclēsiae tuae, quæsumus Domine, preces placatus admitte: ut, destructis adversitatibus & erroribus universis; secura tibi serviat libertate. Per Dominum nostrum Jesum Christum.

**Vel pro Papa.**

**Oratio.**

**D**eus omnium fidelium Pastor & rector, famulum tuum N. quem pastorem Ecclesiae tuae praeselle voluisti, propitius respice: da ei, quæsumus, verbo & exemplo, quibus praest, proficere; ut ad vitam, una cum grege sibi credito, perveniat sempiternam. Per Dominum nostrum Jesum Christum.

**De beata Maria.**

**Secreta.**

**T**ua Domine propitiatione, & beatae Mariae semper Virginis intercessione; ad perpetuam atque praesentem haec oblatio nobis proficiat prosperitatem & pacem.

**Contra persecutores Ecclesiae.**

**Secreta.**

**P**rotege nos, Domine, tuis mysteriis servientes: ut divinis rebus inhaerentes, & corpore tibi

famulemur, & mente. Per Dominum nostrum Jesum Christum Filium tuum: Qui tecum.

**Vel pro Papa.**

**Secreta.**

**O**blatis, quæsumus Domine, placare muneribus: & famulum tuum N. quem pastorem Ecclesiae tuae praeselle voluisti, assidua protectione gubernare. Per Dominum nostrum Jesum Christum.

**De beata Maria.**

**Postcommunio.**

**S**umptis, Domine, salutis nostrae subsidiis, da quæsumus: beatae Mariae semper Virginis patrocinii nos ubique protegi; in cujus veneratione, haec tuae obtulimus majestati.

**Contra persecutores Ecclesiae.**

**Postcommunio.**

**Q**uæsumus Domine Deus noster: ut quos divina tribuis participatione gaudere, humanis non sinas subjacere periculis. Per Dominum nostrum Jesum Christum Filium tuum: Qui tecum vivit & regnat in unitate.

**Vel pro Papa.**

**Postcommunio.**

**H**aec nos, quæsumus Domine, divini sacramenti perceptio protegat: & famulum tuum N. quem pastorem Ecclesiae tuae praeselle voluisti, una cum commissio sibi grege, salvet semper & muniat. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia saecula saeculorum. Amen.



**FERIA VI.**  
Post Dominicam in Albis.  
**IN BOHEMIA FESTUM**  
Lanceæ & Clavorum Domini.

## Introitus.

**O**dérunt manus meas & pedes meos: dinumeraverunt omnia ossa mea: & sicut aqua effusus sum, Alleluja, alleluja, alleluja.

**Psalmus.** Factum est cor meum tamquam cera liquefscens in medio ventris mei. **Gloria Patri.**

## Oratio.

**D**EUS qui in assumptæ carnis infirmitate, Clavis affigi, & Lancea vulnerari pro mundi salute voluisti: concede propitius; ut qui eorundem Clavorum & Lanceæ solémnia veneramur in terris, de gloriôso victoriæ tuæ triumpho gratulémur in cœlis. Qui vivis & regnas cum Deo Patre.

## Lectio Zachariæ Prophætæ.

**H**æc dicit Dominus: Effundam super domum David, & super habitatores Jerúsalem, spiritum gratiæ & precum: & aspicient ad me, quem confixerunt, & plangent eum planctu quasi super unigenitum, & dolébunt super eum, ut doleri solet in morte primogeniti. In die illa magnus erit planctus in Jerúsalem, & dicetur: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Fræmea suscitare super pastorem meum & super virum coherentem mihi, dicit Dominus exercituum: percutite pastorem, & dispergentur oves: ait Dominus omnipotens.

rem meum & super virum coherentem mihi, dicit Dominus exercituum: percutite pastorem, & dispergentur oves: ait Dominus omnipotens.

**Alleluja, alleluja.** **Ave** Rex noster: tu solus nostros es miseratus errores: Patri obédiens, ductus es ad crucifigendum, ut agnus mansuetus ad occisionem. Alleluja. **Tibi gloria hosanna, tibi triumphus & victoria, tibi summæ laudis & honoris corôna, Alleluja.**

## Sequentia sancti Evangelii secundum Joannem.

**I**n illo tempore: Sciens Jesus quia omnia consummata sunt, ut consummareretur scriptura, dixit: sitio. Vas ergo erat positum aceto plenum. Illi autem spongiam plenam aceto, hyssopo circumponentes obtulerunt ori ejus. Cum ergo accepisset Jesus acetum, dixit: Consummatum est. Et inclinato capite tradidit spiritum. Judæi ergo (quoniam Parasceve erat) ut non remanerent in cruce corpora sabbatho (erat enim magnus dies ille sabbathi) rogaverunt Pilatum, ut frangerentur eorum crura, & tollerentur. Venérunt ergo milites: & primi quidem fregérunt crura, & alterius, qui crucifixus est cum eo. Ad Jesum autem cum venissent, ut viderent eum jam mortuum, non fregérunt ejus crura, sed unus militum lancea latus ejus aperuit, & continuo exiit sanguis & aqua. Et qui vidit, testimonium perhibuit: & verum est testimonium ejus. Et ille scit, quia vera dicit, ut & vos credatis. Facta sunt

sunt enim hæc, ut scriptura impleatur: os non comminuétis ex eo. Et iterum alia scriptura dicit: videntur, in quem transfixerunt. **Credo.**

**Offertorium.** Insurrexerunt in me viri iniqui: absque misericordia, quasiérunt me interficere: & non pepercerunt in faciem meam sperere: lanceis suis vulneraverunt me, & concussa sunt omnia ossa mea. Alleluja, alleluja.

## Secreta.

**S**anctificet nos, quæsumus Domine, hoc sanctum & immaculatum sacrificium vespertinum: quod unigenitus Filius tuus in cruce obtulit pro salute mundi. Qui tecum vivit & regnat.

**Præfatio de S. Cruce.** Qui salutem humani. **Pag. 250.**

**Communio.** Videntur, in quem transfixerunt, cum moverentur fundamenta terræ, Alleluja.

## Postcommunio.

**D**omine Jesu Christe, qui te metipsum in cruce holocaustum immaculatum & spontaneum Deo Patri obtulisti: quæsumus; ut ejusdem sacrificii oblatio veneranda, indulgentiam nobis obtineat, & gloriâ sempiternam. Qui vivis & regnas.

## DOMINICA II.

## Post Pascha.

## Introitus.

**M**isericordia Domini plena est terra, Alleluja: verbo Domini cœli firmati sunt, Alleluja, alleluja.

**Psalmus.** Exultate justi in Domino: rectos decet collaudatio. **Gloria Patri.**

## Oratio.

**D**EUS, qui in Filii tui humilitate, jacentem mundum existi: fidelibus tuis perpetuam concede lætitiâ; ut quos perpetuæ mortis eripuisti casibus, gaudiis facias perfrui sempiternis. Per eundem Dominum nostrum Jesum Christum Filium tuum: Qui tecum vivit & regnat in unitate.

**Alie Orationes.** Concede nos famulos tuos. & Ecclesiæ tuæ. **vel Deus omnium fidelium. ut supra post Octavam Paschæ. Pag. 315.**

## Lectio Epistolæ beati Petri Apostoli.

**C**harissimi: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus: qui cum malediceretur, non maledicebat: cum pateretur, non comminabatur: tradebat autem iudicanti se injuste: qui peccata nostra ipse pertulit in corpore suo super lignum: ut peccatis mortui, justitiæ vivamus: cujus livore sanati estis. Eratis enim sicut oves errantes, sed conversi estis nunc ad pastorem & Episcopum animarum vestrarum.

**Alleluja, alleluja.** **Cognoverunt** discipuli Dominum Jesum in fractione panis. Alleluja. **Ego** sum pastor bonus, & cognosco oves meas, & cognoscunt me meæ. Alleluja.



### Sequentia sancti Evangelii secundum Joannem.

**I**N illo tempore: Dixit Jesus Pharisæis: Ego sum Pastor bonus. Bonus Pastor animam suam dat pro ovibus suis. Mercenarius autem, & qui non est Pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor. **Credo.**

**Offertorium.** Deus Deus meus, ad te de luce vigilo: & in nomine tuo levabo manus meas, Allelûja.

**Secreta.**

**B**enedictionem nobis, Domine, conferat salutarem sacra semper oblatio: ut, quod agit mysterio, virtute perficiat. Per Dominum nostrum Jesum Christum.

**Alia Secreta.** Tua Domine. & protege nos. **vel Oblatis.** ut supra post Octavam Pasche. Pag. 315.

**Communio.** Ego sum Pastor bonus, Allelûja: & cognosco oves meas, & cognoscunt me meæ, Allelûja, allelûja.

**Postcommunio.**

**P**resta nobis, quæsumus omnipotens Deus: ut vivificationis tuæ gratiam consequentes, in tuo

semper munere gloriemur. Per Dominum nostrum Jesum Christum Filium tuum.

**Alia Postcommuniones.** Sumptis, Domine. & Quæsumus. **vel** Hæc nos. ut supra. Pag. 315.

### DOMINICA III.

Post Pascha

Introitus.

**U**bilate Deo omnis terra, Allelûja: psalmum dicite nomini ejus, Allelûja: date gloriam laudi ejus, Allelûja, allelûja, allelûja. **Psalmus.** Dicite Deo, quam terribilia sunt opera tua Domine: in multitudine virtutis tuæ mentientur tibi inimici tui. **✠.** Gloria Patri.

**Oratio.**

**D**EUS, qui errantibus, ut in viam possint redire justitiæ, veritatis tuæ lumen ostendis: da cunctis, qui Christiana professione censentur, & illa respondere quæ huic inimica sunt nomini; & ea quæ sunt apta, sectari. Per Dominum nostrum Jesum Christum Filium tuum.

**Alia Orationes.** Concède nos. & Ecclesiæ tuæ. **vel** Deus omnium. ut supra. Pag. 315.

**Lectio Epistolæ beati Petri**  
Apóstoli.

**C**harissimi: Obsecro vos tamquam advenas & peregrinos abstinere vos à carnalibus desideriiis,

riis, quæ militant adversus animam, conversationem vestram inter Gentiles habentes bonam: ut in eo, quod detractant de vobis tamquam de malefactoribus, ex bonis operibus vos considerantes, glorificent Deum in die visitationis. Subjuncti igitur estote omni humanæ creaturæ propter Deum: sive regi, quasi præcellenti: sive ducibus, tamquam ab eo missis ad vindictam malefactorum, laudem verò bonorum: quia sic est voluntas Dei, ut beneficientes obmutescere faciatis imprudentium hominum ignorantiam: quasi liberi, & non quasi velamen habentes malitiæ libertatem, sed sicut servi Dei. Omnes honorate: fraternitatem diligite: Deum timete: regem honorificate. Servi subditi estote in omni timore dominis, non tantum bonis & modestis, sed etiam dyscolis. Hæc est enim gratia: in Christo Jesu Domino nostro.

**Allelûja, allelûja. ✠.** Redemptionem misit Dominus populo suo. **Allelûja. ✠.** Oportebat pati Christum, & resurgere à mortuis: & ita intrare in gloriam suam. Allelûja.

**Sequentia sancti Evangelii**  
secundum Joannem.

**I**N illo tempore: Dixit Jesus discipulis suis: Modicum, & jam non videbitis me: & iterum modicum, & videbitis me: quia vado ad Patrem. Dixerunt ergo ex discipulis ejus ad invicem: Quid est hoc, quod dicit nobis: Modicum, & non videbitis me: & iterum modicum, & videbitis me, &

quia vado ad Patrem? Dicebant ergo: Quid est hoc, quod dicit, modicum? nescimus, quid loquitur. Cognovit autem Jesus, quia volebant eum interrogare, & dixit eis: De hoc quæritis inter vos, quia dixi: Modicum, & non videbitis me: & iterum modicum, & videbitis me. Amen, amen dico vobis: quia plorabitis, & flebitis vos, mundus autem gaudet: vos verò contristabimini, sed tristitia vestra vertetur in gaudium. Mulier cum parit, tristitiam habet quia venit hora ejus: cum autem pepererit puerum, jam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis, iterum autem videbo vos, & gaudet cor vestrum: & gaudium vestrum nemo tollet à vobis. **Credo.**

**Offertorium.** Lauda anima mea Dominum: laudabo Dominum in vita mea: psallam Deo meo, quamdiu ero, Allelûja.

**Secreta.**

**H**is nobis, Domine, mysteriis conferatur, quod terræna desideria mitigantes, discamus amare cœlestia. Per Dominum nostrum Jesum Christum.

**Alia Secreta.** Tua Domine. & protege. **vel Oblatis.** Pag. 315.

**Communio.** Modicum, & non videbitis me, Allelûja: iterum modicum, & videbitis me, quia vado ad patrem, Allelûja, allelûja.

**Postcommunio.**

**S**acramenta quæ sumpsimus, quæsumus Domine, & spiritualibus nos instaurent alimentis, & corporali-



talibus tueantur auxiliis. Per Dñm nostrum Jesum Christum.

**Alia Postcommuniones.** Sumptis, Dñmine. & Quæsumus Dñmine. **vel** Hæc nos. **ut supra. Pag. 315.**

## DOMINICA IV.

Post Pascha,

De Translatione S. Norberti,  
Episcopi & Confessoris, Pa-  
troni Regni.

Introitus.

**S**tauit ei Dñminus testamentum pacis: & principem fecit eum: ut sit illi sacerdotii dignitas in æternum, Alleluja, alleluja. **Psalmus.** Memento Dñmine David, & omnis mansuetudinis ejus. **V.** Glória Patri.

Oratio.

**O**Mnipotens sempiternè Deus, qui es gloriósus in sanctis tuis, & eorum nobis intercessiõne placabilis: da nobis hodie S. Norberti Confessoris tui atque Pontificis Translatione lætantibus, meritis ipsius & precibus, ad regni tui glóriam, triumphatam morte feliciter pervenire. Per Dñm nostrum Jesum Christum.

Deinde fit Commemoratio de Dominica occurrente.

Lectio libri Sapientie.

**E**Cce sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio.

Non est inventus similis illi, qui conservavit legem Excellsi. Ideo jurejurando fecit illum Dñminus crescere in plebem suam. Benedictiõnem omnium Gentiũ dedit illi, & testamentum suum confirmavit super caput ejus. Agnovit eum in benedictiõibus suis: conservavit illi misericordiam suam: & invenit gratiam coram oculis Dñmini. Magnificavit eum in conspectu regum: & dedit illi coronam glóriæ. Statuit illi testamentum æternum: & dedit illi sacerdotium magnum: & beatificavit illum in glória. Fungi sacerdotio, & habere laudem in nomine ipsius: & offerre illi incensum dignum, in odorem suavitatis.

Alleluja, alleluja. **V.** Tu es sacerdos in æternum secundum ordinem Melchisedech. Alleluja. **V.** Hic est Sacerdos, quem coronavit Dñminus. Alleluja.

Sequentia sancti Evangelii  
secundum Matthæum.

**I**N illo tempore: Dixit Jesus discipulis suis parabolam hanc: Homo peregrè proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secundum propriam virtutem: & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abscondit pecuniam domini sui. Post multum verò tem-

poris

poris venit dñminus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens: Dñmine, quinque talenta tradidisti mihi, ecce alia quinque superlucratus sum. Ait illi dñminus ejus: Euge serve bone, & fidelis, quia super pauca fuisti fidelis, super multa te constituam, intra in gaudium dñmini tui. Accessit autem & qui duo talenta acceperat, & ait: Dñmine, duo talenta tradidisti mihi, ecce alia duo lucratus sum. Ait illi dñminus ejus: Euge serve bone, & fidelis, quia super pauca fuisti fidelis, super multa te constituam, intra in gaudium dñmini tui. **Credo.**

**Offertorium.** Inveni David servum meum, oleo sancto meo unxi eum: manus enim mea auxiliabuntur ei, & brachium meum confortabit eum. Alleluja.

Secreta.

**S**ancti Norberti Confessoris tui atque Pontificis, quæsumus Dñmine, annua sollemnitas nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dñm nostrum Jesum Christum.

Secreta pro Dominica occurrente.

**Communio.** Fidelis servus & prudens, quem constituit Dñminus super familiam suam: ut det illis in tempore tritici mensuram. Alleluja.

Postcommunio.

**D**EUS fidelium remunerator animarum, presta: ut beati

Norberti Confessoris tui atque Pontificis, ejus venerandam celebramus Translationem, precibus Indulgentiam consequamur. Per Dñm nostrum Jesum Christum.

Postcommunio pro Dominica occurrente.

## DOMINICA IV.

Post Pascha.

Introitus.

**C**antate Dñmino canticum novum, Alleluja: quia mirabilia fecit Dñminus, Alleluja: ante conspectum Gentiũ revelavit justitiam suam, Alleluja, alleluja, alleluja. **Psalmus.** Salvavit sibi dextera ejus: & brachium sanctum ejus. **V.** Glória Patri.

Oratio.

**D**EUS, qui fidelium mentes unus efficit voluntatis: da populis tuis id amare quod precipis, id desiderare quod promittis: ut inter mundanas varietates ibi nostra fixa sint corda, ubi vera sunt gaudia. Per Dñm nostrum Jesum Christum Filium tuum.

**Alia Orationes.** Concède nos, & Ecclesiæ tuæ. **vel** Deus omnium fidelium. **ut supra. Pag. 315.**

Lectio Epistolæ beati Jacobi Apostoli.

**C**harissimi: Omne datum optimum, & omne donum perfectum desursum est, descendens à



Patre luminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus. Scitis fratres mei dilectissimi. Sit autem omnis homo velox ad audiendum: tardus autem ad loquendum, & tardus ad iram. Ira enim viri justitiam Dei non operatur. Propter quod abicientes omnem immunditiam, & abundantiam malitiæ, in mansuetudine suscipite insitum verbum, quod potest salvare animas vestras.

**Allelûja, allelûja.** ✠. **Dextera** Domini fecit virtutem: dextera Domini exaltavit me. **Allelûja.** ✠. Christus resurgens ex mortuis, jam non moritur: mors illi ultra non dominabitur. **Allelûja.**

**Sequentia sancti Evangelii secundum Joannem.**

**I**n illo tempore: Dixit Jesus discipulis suis: Vado ad eum, qui misit me: & nemo ex vobis interrogat me, Quò vadis? Sed quia hæc locutus sum vobis, tristitia, implevit cor vestrum. Sed ego veritatem dico vobis: expedit vobis ut ego vadam: si enim non abiero, Paráclitus non veniet ad vos: si autem abiero, mittam eum ad vos. Et cum venerit ille, arguet mundum de peccato, & de justitia, & de judicio. De peccato quidem, quia non crediderunt in me, de justitia verò, quia ad Patrem vado, & jam non videbitis me: de judicio autem, quia princeps hujus mundi jam judicatus est. Adhuc multa habeo vobis dicere: sed

non potestis portare modò. Cum autem venerit ille, Spiritus veritatis, docebit vos omnem veritatem. Non enim loquetur à semetipso: sed quæcunque audiet loquetur, & quæ ventura sunt annuntiabit vobis. Ille me clarificabit: quia de meo accipiet, & annuntiabit vobis. **Credo.**

**Offertorium.** **Jubiláte** Deo universa terra, psalmum dicite nomini ejus: venite, & audite, & narrabo vobis, omnes qui timetis Deum, quanta fecit Dominus animæ meæ. **Allelûja.**

**Secreta.**

**D**EUS, qui nos per hujus sacrificii veneranda commercia, unus summæ divinitatis participes effecisti: presta, quæsumus; ut sicut tuam cognoscimus veritatem, sic eam dignis moribus assequamur. Per Dominum nostrum, Jesum Christum.

**Alia Secreta.** **Tua** Domine. & **Protege** nos. **vel Oblatis,** quæsumus. **Pag. 315.**

**Communio.** Cum venerit Paráclitus Spiritus veritatis, ille arguet mundum de peccato, & de justitia, & de judicio. **Allelûja, allelûja.**

**Postcommunio.**

**A**desto nobis, Domine Deus noster: ut per hæc, quæ fideliter sumpsimus, & purgemur à vitiis, & à periculis omnibus eruamur. Per Dominum nostrum Jesum Christum Filium tuum: Qui tecum vivit & regnat.

**Alia Postcommuniones.** **Sumptis** Domine. & **Quæsumus** Domine. **vel Hæc** nos. **ut supra. Pag. 315.**

DOMI-

## DOMINICA V.

**Post Pascha.**

**Introitus.**



**V**ocem jucunditatis annuntiâte, & audiatur, **Allelûja:** annuntiâte usque ad extremum terræ: liberavit Dominus populum suum, **Allelûja, allelûja.** **Psalmus.** **Jubiláte** Deo omnis terra: psalmum dicite nomini ejus, date gloriam laudi ejus. ✠. **Gloria Patri.**

**Oratio.**

**D**EUS, à quo bona cuncta procedunt, largire supplicibus tuis: ut cogitemus te inspirante, quæ recta sunt; & te gubernante, eadem faciamus. Per Dominum nostrum Jesum Christum Filium tuum: Qui tecum vivit & regnat.

**Alia Orationes.** **Concede** nos, & **Ecclesiæ tuæ. vel Deus** omnium. **ut supra. Pag. 315.**

**Lectio Epistolæ beati Jacobi**

**Apóstoli.**

**C**harissimi: Estote factores verbi, & non auditores tantum: fallentes vosmetipsos. Quia si quis auditor est verbi, & non factor: hic comparabitur viro consideranti vultum nativitatis suæ in speculo: consideravit enim se, & abiit, & statim oblitus est qualis fuerit. Qui autem perspexerit in legem perfectam libertatis, & permanserit in ea, non auditor oblivisus factus, sed factor operis: hic beatus in facto suo erit. Si quis au-

tem putat se religiosum esse, non refrænans linguam suam, sed seducens cor suum, hujus vana est religio. Religio munda & immaculata apud Deum & Patrem, hæc est: Visitare pupillos & viduas in tribulatione eorum, & immaculatum se custodire ab hoc sæculo.

**Allelûja, allelûja.** ✠. **Surrexit** Christus, & illuxit nobis, quos redemit sanguine suo. **Allelûja.** ✠. **Exivi** à Patre, & veni in mundum: iterum relinquo mundum, & vado ad Patrem. **Allelûja.**

**Sequentia sancti Evangelii secundum Joannem.**

**I**n illo tempore: Dixit Jesus discipulis suis: Amen, amen dico vobis: si quid petieritis Patrem in nomine meo, dabit vobis. Usque modò non petistis quidquam in nomine meo: petite, & accipietis, ut gaudium vestrum sit plenum. Hæc in proverbiis locutus sum vobis. Venit hora, cum jam non in proverbiis loquar vobis, sed palam de Patre annuntiabo vobis. In illo die in nomine meo petetis: & non dico vobis quia ego rogabo patrem de vobis: ipse enim Pater amat vos, quia vos me amastis, & credidistis, quia ego à Deo exivi. **Exivi** à Patre, & veni in mundum: iterum relinquo mundum, & vado ad Patrem. Dicunt ei discipuli ejus: Ecce nunc palam loqueris: & proverbium nullum dicis. Nunc scimus quia scis omnia, & non opus est tibi ut quis te interroget: in hoc credimus quia à Deo existi. **Credo.**

**Offertorium.** **Benedicite** Gentes. **Domi-**



Dominum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedictus Dominus, qui non amovit deprecationem meam, & misericordiam suam a me. Allelúja.

**Secreta.**

**S**uscipe, Domine, fidelium preces cum oblationibus hostiarum: ut per hæc pie devotionis officia ad cœlestem gloriam transeamus. Per Dominum nostrum Jesum Christum Filium tuum.

**Alia Secreta.** Tua Domine, & Protege nos Domine. **vel** Oblatis, quasumus. **ut supra. Pag. 315.**

**Communio.** Cantate Domino, Allelúja: cantate Domino: & benedicite nomen ejus: bene nuntiâte de die in diem salutare ejus. Allelúja, allelúja.

**Postcommunio.**

**T**ribue nobis, Domine, cœlestis mensæ virtute satiatis, & desiderare quæ recta sunt, & desiderata percipere. Per Dominum nostrum Jesum Christum.

**Alia Postcommuniones.** Sumptis, Domine. & Quasumus Domine. **vel** Hæc nos. **ut supra. Pag. 315.**

### IN LITANIIS MAJORIBUS.

In festo S. Marci Evangelistæ, Statio ad sanctum Petrum. Et in minoribus ante Ascensionem, Feria II. Rogationum, Statio ad sanctam Mariam majorem. Feria III. Statio ad sanctum Joannem in Laterano. Feria IV. Statio ad sanctum Petrum.

**S**equens Missa dicitur in Litanis maioribus & minoribus ad Processionem, sine commemoratione Festi occurrentis. In Feriis autem Rogationum, in Missis privatis, si dicitur de Sancto, fit commemoratio Rogationum: si dicitur de Rogationibus, fit commemoratio Festi occurrentis. Feria verò III. si Festum non occurrat, dicatur Missa de Rogationibus, sine Gloria in Excelsis. licet in Officio dictum sit Te Deum. & Oratio Dominica.

**Introitus.**

**E**xaudivit de templo sancto suo vocem meam, Allelúja: & clamor meus in conspectu ejus introivit in aures ejus, Allelúja, allelúja. **Psalmus.** Diligam te Domine virtus mea: Dominus firmamentum meum, & refugium meum, & liberator meus. **Glória Patri.**

In hac Missa non dicitur Gloria in Excelsis, neque Credo.

**Oratio.**

**P**resta, quasumus omnipotens Deus: ut qui in afflictione nostra de tua pietate confidimus; contra adversa omnia, tua semper protectione muniâmur. Per Dominum nostrum Jesum Christum Filium tuum: Qui tecum vivit & regnat in unitate.

**Alia Orationes.** Concède nos, & Ecclesiæ tuæ. **vel** Deus omnium fidelium. **ut supra. Pag. 315.**

Lectio

### Lectio Epistolæ beati Jacobi Apóstoli.

**C**harissimi: Confitemini alterutrum peccata vestra, & orate pro invicem ut salvemini: multum enim valet deprecatio justi assidua. Elias homo erat similis nobis passibilis: & oratione oravit ut non plueret super terram, & non pluit annos tres, & menses sex. Et rursum oravit: & cœlum dedit pluviam, & terra dedit fructum suum. Fratres mei, si quis ex vobis erraverit a veritate, & converterit quis eum: scire debet, quoniam qui converti fecerit peccatorem ab errore viæ suæ, salvabit animam ejus a morte, & operiet multitudinem peccatorum.

**Allelúja. **Glória.**** Confitemini Domino, quoniam bonus: quoniam in sæculum misericordia ejus.

### Sequentia sancti Evangelii secundum Lucam.

**I**n illo tempore: Dixit Jesus discipulis suis: Quis vestrum habebit amicum, & ibit ad illum media nocte, & dicet illi: Amice, comoda mihi tres panes, quoniam amicus meus venit de via ad me, & non habeo quod ponam ante illum: & ille deintus respondens, dicat: Noli mihi molestus esse, jam ostium clausum est, & pueri mei mecum sunt in cubili, non possum surgere, & dare tibi. Et si ille perseveraverit pulsans: dico vobis, & si non dabit illi surgens eò quod amicus ejus sit, propter improbitatem tamen ejus surget, & dabit illi quotquot habet necessarios. Et ego dico vobis: Pœtite, & dabitur

vobis: quærite, & invenietis: pulsate, & aperiatur vobis. Omnis enim qui petit, accipit: & qui quærit, invenit: & pulsanti aperiatur. Quis autem ex vobis patrem petit panem, numquid lapidem dabit illi? aut piscem: numquid pro pisce serpentem dabit illi? aut si petierit ovum: numquid porriget illi scorpionem? Si ergo vos cum sitis mali, nostis bona data dare filiis vestris: quanto magis Pater vester de cœlo dabit spiritum bonum petentibus se?

**Offertorium.** Confitêbor Domino nimis in ore meo, & in medio multorum laudabo eum, qui assistit a dextris pauperis: ut salvam faceret a persecutibus animam meam. Allelúja.

**Secreta.**

**H**æc mûnera, quasumus Domine, & vincula nostræ pravitatis absolvant, & tuæ nobis misericordiæ dona concilient. Per Dominum nostrum Jesum Christum Filium tuum: Qui tecum.

**Alia Secreta.** Tua Domine, & Protege nos. **vel** Oblatis, quasumus. **Pag. 315.**

**Et dicitur Præfatio Paschalis. Pag. 269.**

**Communio.** Pœtite, & accipiētis: quærite, & invenietis: pulsate, & aperiatur vobis: omnis enim qui petit, accipit: & qui quærit, invenit: & pulsanti aperiatur. Allelúja.

**Postcommunio.**

**V**ota nostra, quasumus Domine: pio favore profèquere: ut dum dona tua in tribulatione percipimus, de consolatione nostra in tuo amore crescâmus. Per Dominum

H h h

minum



minum nostrum Jesum Christum  
Filiū tuum: Qui tecum vivit.

*Alia Postcommuniones. Sumptis Dómine. & Quæsumus Dómine. vel Hæc nos. Pag. 315.*

\*\*\*\*\*

## IN VIGILIA ASCENSIONIS.

Si hodie occurrat Festum Simplex, sit de ipso tantum commemoratio. Si verò occurrat Festum Duplex vel Semiduplex, Missa dicitur de Festo cum commemoratione Vigiliæ & Rogationum. Sed in Ecclesiis Collegiatis præter Missam de Rogationibus dicuntur duæ Missæ, una, de Festo, & alia de Vigilia.

### Introitus.



**V**ocem jucunditatis annuntiâte, & audiâtur, Allelûja: annuntiâte usque ad extremum terræ: liberâvit Dóminus pópulum suum, Allelûja, allelûja. *Psalmus.*

*Jubilâte Deo omnis terra: psallite dicitur nómīni ejus, date glóriam laudi ejus. ✠. Glória Patri. Et dicitur. Glória in Excelsis.*

### Oratio.

**D**EUS, à quo bona cuncta procedunt, largire supplicibus tuis; ut cogitemus te inspirante, quæ recta sunt, & te gubernante, eadem faciamus. Per Dóminum nostrum Jesum Christum.

*Secunda Oratio de Rogationibus. Præsta quæsumus. Pag. 324.*

*tertia de sancta Maria. Concède nos famulos tuos. Pag. 315.*

*In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de B. Maria: tertia, Ecclesiæ tuæ. vel Deus omnium. Pag. 315.*

### Lectio Epistolæ beati Pauli Apóstoli ad Ephésios.

**F**ratres: Unicuique nostrum data est grátia secundum mensuram donatiōnis Christi. Propter quod dicit: Ascēdens in altum: captivam duxit captivitatem: dedit dona hominibus. Quod autem ascēdit, quid est, nisi quia & descēdit primū in inferiōres partes terræ? Qui descēdit, ipse est & qui ascēdit super omnes cælos, ut impleret omnia. Et ipse dedit quosdam quidem Apóstolos, quosdam autem Prophétas, alios verò Evangelistas, alios autem pastores, & doctōres, ad consummationem sanctōrum in opus ministērii, in ædificationem corporis Christi: donec occurrāmus omnes in unitatem fidei, & agnitiōnis Filii Dei, in virum perfectum, in mensuram ætatis plenitudinis Christi.

*Allelûja, allelûja. ✠. Surrexit Christus & illuxit nobis, quos redemit sanguine suo. Allelûja. ✠. Exiit à Patre, & venit in mundum: iterum relinquo mundum, & vado ad Patrem. Allelûja.*

### Sequētia sancti Evangelii secundum Joānnem.

**I**n illo tempore: Sublevatis Jesus oculis in cælum, dixit: Pater venit hora, clarifica Filium tuum,

tuum, ut Filius tuus clarificet te: Sicut dedisti ei potestatem omnis carnis, ut omne quod dedisti ei, det eis vitam æternam. Hæc est autem vita æterna: Ut cognoscant te, solum Deum verum, & quem misisti Jesum Christum. Ego te clarificavi super terram: opus consummavi, quod dedisti mihi ut faciam: & nunc clarifica me tu Pater apud te ipsum, claritate quam habui prius, quam mundus esset, apud te. Manifestavi nomen tuum hominibus, quos dedisti mihi de mundo. Tui erant, & mihi eos dedisti: & sermonem tuum servaverunt. Nunc cognoverunt quia omnia, quæ dedisti mihi, abs te sunt: quia verba, quæ dedisti mihi, dedi eis: & ipsi acceperunt, & cognoverunt verè quia à te exivi, & crediderunt quia tu me misisti. Ego pro eis rogo: non pro mundo rogo, sed pro his, quos dedisti mihi: quia tui sunt, & mea omnia tua sunt, & tua mea sunt: & clarificatus sum in eis. Et jam non sum in mundo, & hi in mundo sunt, & ego ad te venio.

*Offertorium. Benedicite Genes Dóminum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedictus Dóminus, qui non amovit deprecationem meam, & misericordiam suam à me. Allelûja.*

### Secreta.

**S**uscipe, Dómine, fidélium preces cum oblationibus hostiarum:

ut per hæc piæ devotiōnis officia ad cœlestem glóriam transeamus. Per Dóminum nostrum Jesum Christum Filiū tuum: Qui tecum vivit & regnat in unitate Spíritus.

*Secunda Secreta de Rogationibus, Hæc múnera. Pag. 325. tertia, de B. Maria, Tua Dómine. Pag. 315.*

*Vel secunda de B. Maria: tertia, Prótege nos. vel Oblatis, quæsumus. Pag. 315.*

*Communio. Cantate Dómino, Allelûja: cantate Dómino, & benedicite nomen ejus: benè nuntiâte de die in diem salutare ejus. Allelûja, allelûja.*

### Postcommunio.

**T**ribue nobis, Dómine, cœlestis mensæ virtute satiâti, & desiderare quæ recta sunt, & desiderata percipere. Per Dóminum nostrum Jesum Christum Filiū tuum: Qui tecum vivit & regnat in unitate Spíritus sancti Deus, per omnia sæcula sæculorum. Amen.

*Secunda Postcommunio de Rogationibus. Vota nostra. Pag. 325. tertia de B. Maria, Sumptis, Dómine. Pag. 315.*

*Vel secunda de B. Maria: tertia, Quæsumus Dómine. vel Hæc nos, quæsumus. Pag. 315.*







*Ascendens Christus in altum captivam duxit captivitatem.*

## IN DIE ASCENSIONIS DOMINI.

*Statio ad sanctum Petrum.*

*Introitus.*

**V**iri Galilæi, quid admiramini aspicientes in cælum? Allelûja: quemadmodum vidistis eum ascendentem in cælum, ita veniet, Allelûja, allelûja, allelûja. *Psalmus.* Omnes Gentes plaudite manibus: jubilate Deo in voce exultationis. *V.* Glória Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen.

*Oratio.*

**C**oncède quaesumus omnipotens Deus: ut qui hodierna die Unigenitum tuum Redemptorem nostrum ad cælos ascendisse credimus; ipsi quoque mente in cælestibus habitemus. Per eundem Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

*Lectio Actuum Apostolorum.*

**P**rimum quidem sermonem feci de omnibus, O Theóphile, quæ cepit Jesus facere, & docere, usque in diem, qua, præcipiens

Apóstolis per Spiritum sanctum, quos elêgit, assumptus est: quibus & præbuit seipsum vivum post passionem suam in multis argumentis, per dies quadraginta apparens eis, & loquens de regno Dei. Et convalescens, præcepit eis, ab Ierósolymis nè discederent, sed expectarent promissionem Patris, quam audistis (inquit) per os meum: quia Joánnes quidem baptizavit aqua, vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum Israël? Dixit autem eis: Non est vestrum nòsse tempora vel momenta, quæ Pater posuit in sua potestate: sed accipietis virtutem superveniéntis Spiritus sancti in vos, & eritis mihi testes in Jerúsalem, & in omni Judæa, & Samaria, & usque ad ultimum terræ. Et cum hæc dixisset, videntibus illis, elevatus est: & nubes suscepit eum ab oculis eórum. Cumque intuerentur in cælum euntem illum, ecce duo viri astiterunt juxta illos in vestibus albis, qui & dixerunt: Viri Galilæi, quid statis aspicientes in cælum? Hic Jesus, qui assumptus est à vobis in cælum, sic veniet, quemadmodum vidistis eum euntem in cælum.

H h h 3

Alleluja,



**Alleluja, alleluja.** *Psalm.* **✠. Ascendit**  
Deus in jubilatione, & Dominus  
in voce tubæ. **Alleluja.** *Psalm.* **✠. Dó-**  
minus in Sina in sancto, ascendens  
in altum, captivam duxit captivi-  
tatem. **Alleluja.**

**Sequéntia sancti Evangelii se-**  
cúndum Marcum.

**I**n illo tempore: Recumbénti-  
bus undecim discipulis; appá-  
ruit illis Jesus: & exprobrávit in-  
credulitatem eórum, & durítiam  
cordis: quia iis, qui viderant eum  
resurrexisse, non crediderunt. Et  
dixit eis: Eúntes in mundum uni-  
vérsum, prædicáte Evangelium  
omni creaturæ. Qui crediderit,  
& baptizátus fuerit, salvus erit: qui  
verò non crediderit, condemná-  
bitur. Signa autem eos, qui cre-  
diderint, hæc sequéntur: In nó-  
mine meo dæmónia ejicient: lin-  
guis loquéntur novis: serpentes  
tollent: & si mortíferum quid bí-  
berint, non eis nocébit: super  
ægros manus impónent, & bene  
habébunt. Et Dóminus quidem  
Jesus, postquam locútus est eis,  
assúptus est in cælum, & sedet  
à dextris Dei. Illi autem profecti,  
prædicavérunt ubique, Dómino  
cooperante, & sermónem confir-  
mante, sequéntibus signis.

Dicto Evangelio extinguitur  
Cereus Paschalis, nec ulterius ac-  
cenditur, nisi in Sabbato Pente-  
costes ad benedictionem Fontis.  
**Credo.**

**Offertorium.** Ascendit Deus in  
jubilatione, & Dominus in voce  
tubæ. **Alleluja.**

**Secreta.**

**S**uscipe Dómine múnera, quæ  
pro Filii tui gloriósa ascensio-  
ne deferimus: & concède propi-  
tius; ut à præsentibus periculis li-  
berémur, & ad vitam perveniámus  
æternam. Per eúndem Dóminum  
nostrum Jesum Christum Fílium  
tuum: Qui tecum vivit & regnat  
in unitate Spíritus sancti Deus.

**Præfatio.** Qui post resurrecti-  
nem suam. *Pag. 254.* Et dicitur  
usque ad Vigiliam Pentecostes ex-  
clusivè.

**Infra actionem.** Communicán-  
tes, & diem sacratíssimum.

Et dicitur per Octavam tantum.

**Communio.** Psállite Dómino  
qui ascendit super cælos cælórum  
ad Orientem. **Alleluja.**

**Postcommunio.**

**P**ræsta nobis, quæsumus omni-  
potens & misericors Deus: ut  
quæ visibilibus mystériis suménda  
percépimus, invisibili consequá-  
mur effectû. Per Dóminum no-  
strum Jesum Christum Fílium tu-  
um: Qui tecum vivit & regnat in  
unitate Spíritus sancti Deus.

**I**nfra Octavam Ascensionis  
dicitur Missa de Ascensione, nisi  
occurrat festum Duplex, vel Semi-  
duplex, de quo tunc fit cum com-  
memoratione Octavæ: de Simpli-  
ci autem fit tantum commemoratio.  
Post Orationem dici dicitur  
secunda Oratio de sancta Maria.  
Concède nos famulos tuos. & ter-  
tia, Ecclesiæ tuæ. **vel Deus omnium**  
fidélium. **ut suprà. Pag. 315.**

**DOMINICA**

**Infra Octavam Ascensionis.**

**Introitus.**

**E**xaudi Dómine  
vocem meam,  
qua clamávi ad  
te, **Alleluja:** tibi  
dixit cor meum,  
quæsi vultum

tuum, vultum tuum Dómine re-  
quíram: nè avértas faciém tuam à  
me, **Alleluja, alleluja.** *Psalm.*  
Dóminus illuminatio mea, & salus  
mea: quem timébo? **✠. Glória**  
Patri.

**Oratio.**

**O**mnípotens sempitérne Deus,  
fac nos tibi semper & devò-  
tam gerere voluntatem, & majestá-  
ti tuæ sincéro corde servíre. Per  
Dóminum nostrum Jesum Chri-  
stum Fílium tuum: Qui tecum vi-  
vit, & regnat.

**Et fit commemoratio de Ascen-**  
**sione tantum.** Concède quæsumus.  
*Pag. 329.*

**Lectio Epístolæ beati Petri**  
Apóstoli.

**C**haríssimi: Estóte prudentes  
& vigiláte in orationibus. An-  
te ómnia autem, mútuam in vobis-  
metípsis charitatem continuam ha-  
béntes: quia charitas óperit mul-  
titudinem peccatórum. Hospitá-  
les invicem sinè murmuratióne.  
Unusquisque, sicut accépit grá-  
tiam, in alterútrum illam admini-  
strátes, sicut boni dispensátóres  
multifórmis grátie Dei. Si quis ló-  
quitur, quasi sermónes Dei: si quis

ministrat, tamquam ex virtute,  
quam administrat Deus: ut in ó-  
mnibus honorificétur Deus per Je-  
sum Christum Dóminum nostrum.

**Alleluja, alleluja.** **✠. Regnavit**  
Dóminus super omnes gentes:  
Deus sedet super sedem sanctam  
suam. **Alleluja.** **✠. Non vos re-**  
linquam órphanos: vado & vénio  
ad vos, & gaudébit cor vestrum.  
**Alleluja.**

**Sequéntia sancti Evangelii**  
secúndum Joánnem.

**I**n illo tempore: Dixit Jesus di-  
scípulis suis: Cum venerit Pará-  
clitus, quem ego mittam vobis à  
Patre, Spíritum veritátis, qui à Pa-  
tre procedit, ille testimonium per-  
hibébit de me: & vos testimonium  
perhibébitis, quia ab initio me-  
cum estis. Hæc locútus sum vo-  
bis, ut non scandalizémini. Abs-  
que synagógis facient vos: sed ve-  
nit hora, ut omnis qui interficit  
vos, arbitrétur obsequium se præ-  
stare Deo. Et hæc facient vobis,  
quia non novérunt Patrem, neque  
me. Sed hæc locútus sum vobis:  
ut cum venerit hora, eórum remi-  
niscámini, quia ego dixi vobis.  
**Credo.**

**Offertorium.** Ascendit Deus in  
jubilatione: & Dominus in voce  
tubæ. **Alleluja.**

**Secreta.**

**S**acrificia nos, Dómine, imma-  
culáta purificent: & méntibus  
nostris supérnæ grátie dent vigô-  
rem. Per Dóminum nostrum Je-  
sum Christum Fílium tuum: Qui  
tecum vivit & regnat in unitate  
Spíritus sancti Deus.



Pro Ascensione. Suscipe Dómine múnera. ut suprà. Pag. 330.

**Communio.** Pater, cum essem cum eis, ego servabam eos quos dedisti mihi, Allelúja: nunc autem ad te vénio: non rogo ut tollas eos de mundo, sed ut serves eos à malo. Allelúja, allelúja.

**Postcommunio.**

**R**epléti, Dómine, munéribus sacris: da quæsumus; ut in gratiarum semper actiōne maneamus. Per Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus.

Pro Ascensione. Præsta nobis. ut suprà. Pag. 330.

In Octava Ascensionis dicitur Missa sicut in die, cum una tantum Oratione.

**P** FERIA sexta post Octavam Ascensionis; si non fuerit Festum Duplex, vel Semiduplex, Missa dicitur de Dominica præterita, cum commemoratione de S. Maria, Concède nos, & Ecclesiæ tuæ. vel Deus omnium fidélium. Pag. 315. de Simplici fit tantum commemoratio. Et non dicitur. Credo.

## SABBATO

In Vigilia Pentecostes.

Statio ad S. Joannem in Laterano.

**D**ie nona, Sacerdos & ministri induti paramentis violacei coloris, accedunt ad Altare, & facta reverentia Sacerdos illud oscu-

latur in medio. Deinde leguntur Prophetiæ sine titulo, candelis Altaris extinctis usque ad principium Missæ; sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine Flectamus genua.

**Prophetia prima.**

**I**n diēbus illis: Tentavit Deus Abraham, & dixit ad eum: Abraham, Abraham. At ille respondit: Adsum. Ait illi: Tolle filium tuum unigenitum, quem diligis, Isaac, & vade in terram visionis: atque ibi offeres eum in holocaustum super unum montium quem monstravero tibi. Igitur Abraham de nocte consurgens, stravit asinum suum: ducens secum duos juvenes, & Isaac filium suum. Cumque concidisset ligna in holocaustum, abiit ad locum quem præceperat ei Deus. Die autem tertio, elevatis oculis, vidit locum procul: dixitque ad pueros suos: Expectate hic cum asino: ego & puer illuc usque properantes, postquam adoraverimus, revertemur ad vos. Tulit quoque ligna holocausti, & imposuit super Isaac filium suum: ipse vero portabat in manibus ignem & gladium. Cumque duo pergerent simul, dixit Isaac patri suo: Pater mi. At ille respondit: Quid vis fili? Ecce, inquit, ignis & ligna: ubi est victima holocausti? Dixit autem Abraham: Deus providēbit sibi victimam holocausti, fili mi. Pergēbant ergo pariter: & venerunt ad locum, quem ostēderat ei Deus, in quo ædificavit altare, & desu-

per

per ligna composuit: cumque alligasset Isaac filium suum, posuit eum in altare super struem lignorum. Extenditque manum, & arripuit gladium, ut immolaret filium suum. Et ecce Angelus Dómini de cælo clamavit, dicens: Abraham, Abraham. Qui respondit: Adsum. Dixitque ei: Non extendas manum tuam super puerum, neque facias illi quidquam: nunc cognovi quod times Deum, & non pepercisti unigenito filio tuo propter me. Levavit Abraham oculos suos, viditque post tergum arietem inter vepres hærentem cornibus, quem assumens obtulit holocaustum pro filio. Appellavitque nomen loci illius, Dóminus videt. Unde usque hodie dicitur: In monte Dóminus videbit. Vocavit autem Angelus Dómini Abraham secundò de cælo, dicens: Per memetipsum iuravi, dicit Dóminus: quia fecisti hanc rem, & non pepercisti filio tuo unigenito propter me: benedicam tibi, & multiplicabo semen tuum sicut stellas cæli, & velut arēnam quæ est in litore maris: Possidebit semen tuum portas inimicorum suorum, & benedicentur in semine tuo omnes gentes terræ, quia obedisti voci meo. Reversus est Abraham ad pueros suos, abieruntque Bersabée simul, & habitavit ibi.

**Qua finita, Sacerdos dicit:**

**Orémus. Oratio.**

**D**EUS, qui in Abraham famulitui opere, humano generi obedientiæ exempla præbuit:

concede nobis, & nostræ voluntatis pravitatem frangere, & tuorum præceptorum rectitudinem in omnibus adimplere. Per Dóminum nostrum Jesum Christum Filium tuum.

**Prophetia secunda.**

**I**n diēbus illis: factum est in vigilia matutina, & ecce respiciens Dóminus super castra Ægyptiorum per columnam ignis & nubes: interfecit exercitum eorum: & subvertit rotas currum, ferebanturque in profundum. Dixerunt ergo Ægyptii: Fugiamus Israel: Dóminus enim pugnat pro eis contra nos. Et ait Dóminus ad Moysen: Extēde manum tuam super mare, ut revertantur aquæ ad Ægyptios super currus & equites eorum. Cumque extendisset Moyses manum contra mare, reversum est primo diluvio ad priorem locum: fugientibusque Ægyptiis occurrerunt aquæ, & involvit eos Dóminus in mediis fluctibus: reversæque sunt aquæ, & operuerunt currus & equites cuncti exercitus Pharaonis, qui sequentes ingressi fuerant mare: nec unus quidem superstit ex eis. Filii autem Israel perrexerunt per medium sicci maris, & aquæ eis erant quasi pro muro à dextris & à sinistris: liberavitque Dóminus in die illa Israel de manu Ægyptiorum. Et viderunt Ægyptios mortuos super litus maris, & manum magnam quam exercuerat Dóminus contra eos: timuitque populus Dóminum, & crediderunt Dómino, & Moysi servo ejus. Tunc

I i

cécinit



cecinit Mōyses & filii Israhēl carmen hoc Dōmino, & dixerunt.

**Tractus.** Cantēmus Dōmino; gloriōsē enim honorificātus est: equum & ascensōrem projecit in mare: adiutor & protector factus est mihi in salūtem. ✠. Hic Deus meus, & honorificābo eum: Deus patris mei, & exaltābo eum. ✠. Dōminus cōterens bella: Dōminus nomen est illi.

**Orēmus. Oratio.**

**D**EUS, qui primis tempōribus implēta miracula, novi testamēti luce referāsti, ut & mare Rubrum forma sacri fontis existeret, & liberāta plebs ab Ægyptiaca servitūte, Christiāni pōpuli sacramēta praeferret: da, ut omnes Gentes Israhēlis privilegium merito fidei consecutæ, Spiritus tui participatiōne regenerentur. Per Dōminum. in unitate ejusdem Spiritus sancti Deus.

**Prophetia tertia.**

**I**N diēbus illis: Scripsit Mōyses canticum, & docuit filios Israhēl. Præcepitque Dōminus Jósue filio Nun, & ait: Confortāre, & esto robūstus: tu enim introduces filios Israhēl in Terram, quam pollicitus sum, & ego ero tecum. Postquam ergo scripsit Mōyses verba legis hujus in volumine, atque complēvit: præcepit Levitis, qui portābant arcam fœderis Dōmini, dicens: Tōllite librum istum, & pōnite eum in latere arcæ fœderis Dōmini Dei vestri: ut sit ibi contra te in testimonium. Ego enim scio contentiōnem tuam, & cervicem tuam durissimam. Adhuc vi-

vente me, & ingrediente vobiscum, semper contentiōsē egistis contra Dōminum: quantō magis cū mortuus fuero? Congregāte ad me omnes majōres natu per tribus vestras, atque doctōres, & loquar audientibus eis sermōnes istos, & invocābo contra eos cælum & terram. Novi enim quod post mortem meam iniquē agētis, & declinābitis citō de via, quam præcepī vobis: & occurrent vobis mala in extrēmo tempore, quando feceritis malum in conspectu Dōmini, ut irritētis eum per ōpera mānuum vestrarum. Locutus est ergo Mōyses, audiente univēso cœtu Israhēl, verba carminis hujus, & ad finem usque complēvit.

**Tractus.** Attēde cælum & loquar: & audiat terra verba ex ore meo. ✠. Expectetur sicut pluvia elōquium meum: & descendant sicut ros verba mea. ✠. Sicut imber super gramen, & sicut nix super scœnum: quia nomen Dōmini invocābo. ✠. Date magnitudinem Deo nostro: Deus, vera ōpera ejus, & omnes viæ ejus iudicia. ✠. Deus fidēlis, in quo non est iniquitas: justus & sanctus Dōminus.

**Orēmus. Oratio.**

**D**EUS, glorificatio fidēlium, & vita iustōrum, qui per Mōysen famulum tuum nos quoque modulatiōne sacri carminis erudisti: univēsis Gētibus misericordiæ tuæ munus operāre, tribuendo beatitudinem, auferendo terrorem: ut quod pronuntiātum est ad supplicium, in remedium trans-

feratur

**Orēmus. Oratio.**

**O**Mnipotens sempiternus Deus, qui per unicum Filium tuum, Ecclēsiae tuæ demonstrāsti te esse cultōrem: omnem palmitem, fructum in eodem Christo tuo, qui vera vitis est, afferentem, clementer excolens, ut fructus afferat ampliores: fidelibus tuis, quos velut vineam ex Ægypto per fontem baptisimi transtulisti, nullæ peccatorum spinæ prævaleant: ut Spiritus tui sanctificatiōne muniti, perpetua fruge ditentur. Per eundem Dōminum. in unitate ejusdem Spiritus sancti Deus.

**Prophetia quinta.**

**A**udi Israhēl mandata vitæ: auribus percipe, ut scias prudentiam. Quid est Israhēl, quod in terra inimicōrum es? inveterāsti in terra aliēna, coinquinātus es cum mortuis: deputātus es cum descendētibz in infēnum. Dereliquisti fontem sapiētiæ. Nam si in via Dei ambulāsses, habitāsses utique in pace sempiterna. Disce ubi sit prudentia, ubi sit virtus, ubi sit intellēctus: ut scias simul, ubi sit longiturnitas vitæ & victus, ubi sit lumen oculōrum, & pax. Quis invēnit locum ejus? & quis intrāvit in thesauros ejus? Ubi sunt principes Gēntium, & qui dominantur super bēstias, quæ sunt super terram? qui in avibus cœli ludunt, qui argentum thesaurizant, & aurum, in quo confidunt homines, & non est finis acquisitiōnis eōrum? qui argentum fabricant, & solliciti sunt, nec est inventio ōperum illorum? exter-

minati

feratur aeternum. Per Dōminum nostrum Jesum Christum Filium tuum: Qui tecum vivit & regnat in unitate Spiritus sancti Deus. Per ōmnia sæcula.

**Prophetia quarta.**

**A**pprehendent septem mulieres virum unum in die illa, dicentes: Panem nostrum comedimus, & vestimentis nostris operiemur: tantummodō invocetur nomen tuum super nos, aufer oprobrium nostrum. In die illa erit germen Dōmini in magnificētia, & glōria, & fructus terræ sublimis, & exultatio his, qui salvati fuerint de Israhēl. Et erit: Omnis qui relictus fuerit in Sion, & residuus in Jerūsalem, sanctus vocabitur, omnis qui scriptus est in vita in Jerūsalem. Si abluerit Dōminus fordes filiārum Sion, & sanguinem Jerūsalem laverit de medio ejus, in Spiritu iudicii, & spiritu ardōris. Et creabit Dōminus super omnem locum montis Sion, & ubi invocātus est, nubem per diem, & fumum & splendorem ignis flammantis in nocte: super omnem enim glōriam protectio. Et tabernaculum erit in umbraculum diēi ab æstu, & in securitatem, & absconditiōem à turbine, & à pluvia.

**Tractus.** Vineā facta est dilectio in cornu, in loco uberi. ✠. Et maceriam circumdedit, & circumfodit: & plantavit vineam Sorec, & ædificavit turrin in medio ejus. ✠. Et torcular fodit in ea: vinea enim Dōmini, Sabaōth, domus Israhēl est.



minati sunt, & ad inferos descendunt, & alii loco eorum surrexerunt. Juvenes viderunt lumen, & habitaverunt super terram: viam autem disciplinæ ignoraverunt, neque intellexerunt semitas ejus, neque filii eorum suscepunt eam, à facie ipsorum longè facta est: non est audita in Terra Chanaan, neque visa est in Theman. Filii quoque Agar, qui exquirunt prudentiam quæ de terra est, negotiatores Merhæ, & Theman, & fabulatores, & exquisitores prudentiæ & intelligentiæ: viam autem sapientiæ nescierunt, neque commemorati sunt semitas ejus. O Israël, quàm magna est domus Dei, & ingens locus possessionis ejus! Magnus est, & non habet finem: excelsus & immensus. Ibi fuerunt gigantes nominati illi, qui ab initio fuerunt, statura magna, scientes bellum. Non hos elegit Dominus, neque viam disciplinæ invenerunt: propterea perierunt. Et quoniam non habuerunt sapientiam, interierunt propter suam insipientiam. Quis ascendit in cælum, & accepit eam, & eduxit eam de nubibus? Quis transfretavit mare, & invenit illam? & attulit illam super aurum electum? Non est qui possit scire vias ejus, neque qui exquirat semitas ejus: sed qui scit universa, novit eam, & adinvenit eam prudentia sua; qui præparavit terram in æterno tempore, & replèvit eam pecudibus, & quadrupedibus: qui emittit lumen, & vadit: & vocavit illud, & obedit illi in tremore. Stellæ autem descenderunt lumen in custodiis suis, &

latatae sunt: vocatae sunt, & dixerunt: Adsumus: & luxerunt ei cum jucunditate, qui fecit illas. Hic est Deus noster, & non aestimabitur alius adversus eum. Hic adinvenit omnem viam disciplinæ, & tradidit illam Jacob puero suo, & Israël dilecto suo. Post hæc in terris visus est, & cum hominibus conversatus est.

Orémus. Oratio.

**D**EUS, qui nobis per prophetarum ora præcepisti temporalia relinquere, atque ad æterna festinare: da famulis tuis, ut, quæ à te jussa cognovimus, implere cœlesti inspiratione valeamus. Per Dominum nostrum Jesum Christum Filium tuum.

Prophetia sexta.

**I**N diebus illis: Facta est super me manus Domini, & eduxit me in spiritu Domini: & dimisit me in medio campi, qui erat plenus ossibus: & circumdixit me per ea in gyro: erant autem multa valde super faciem campi, siccaque vehementer. Et dixit ad me: Fili hominis putasne vivent ossa ista? Et dixi: Domine Deus, tu nosti. Et dixit ad me: Vaticinare de ossibus istis, & dices eis: Ossa arida audite verbum Domini. Hæc dicit Dominus Deus ossibus his: Ecce ego intromittam in vos spiritum, & vivetis. Et dabo super vos nervos, & succrescere faciam super vos carnes, & superextendam in vobis cutem: & dabo vobis spiritum, & vivetis, & sciētis quia ego Dominus. Et prophetavi sicut præceperat mihi: factus

est

est autem sonitus prophetante me, & ecce commotio: & accesserunt ossa ad ossa, unumquodque ad juncturam suam. Et vidi, & ecce super ea nervi & carnes ascendebant: & extenta est in eis cutis desuper, & spiritum non habebant. Et dixit ad me: Vaticinare ad spiritum, vaticinare fili hominis, & dices ad spiritum. Hæc dicit Dominus Deus: A quatuor ventis veni spiritus, & insuffla super interfectos istos, & reviviscant. Et prophetavi sicut præceperat mihi: & ingressus est in ea spiritus, & vixerunt: steteruntque super pedes suos exercitus grandis nimis valde. Et dixit ad me: Fili hominis, ossa hæc universa, domus Israël est: ipsi dicunt: Aruerunt ossa nostra, & perit spes nostra, & abscessi fumus. Propterea vaticinare, & dices ad eos: Hæc dicit Dominus Deus: Ecce ego aperiam tumulos vestros, & educam vos de sepulchris vestris, populus meus: & inducam vos in terram Israël. Et sciētis quia ego Dominus, cum aperiero sepulchra vestra, & educero vos de tumulis vestris, populus meus: & dederō spiritum meum in vobis, & vixeritis, & requiescere vos faciam super humum vestram: dicit Dominus omnipotens.

Orémus. Oratio.

**D**omine Deus virtutum, qui collapsa reparas, & reparata conservas: auge populos in tui nominis sanctificatione renovandos: ut omnes, qui sacro baptismo diluuntur, tua semper inspiratione dirigantur. Per Dominum nostrum Jesum Christum.

His expletis, Celebrans accipit pluviale violaceum, & descendendo ad fontem cantatur

**Tractus.** Sicut cervus desiderat ad fontes aquarum: ita desiderat anima mea ad te, Deus. **Ps.** Sitivit anima mea ad Deum vivum: quando veniam, & apparebo ante faciem Dei? **Ps.** Fuerunt mihi lacrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit. **Ps.** Dominus vobiscum. **Ps.** Et cum spiritu tuo.

Orémus. Oratio.

**C**oncède quaesumus omnipotens Deus: ut qui solemnitatem doni sancti Spiritus colimus, cœlestibus desideriis accensi, fontem vitæ sitiāmus. Per Dominum nostrum Jesum Christum Filium tuum: Qui tecum vivit & regnat in unitate ejusdem Spiritus sancti Deus, per omnia sæcula sæculorum. **Ps.** Amen.

Deinde proceditur ad benedictionem fontis, ut supra in Sabbato sancto. Pag. 223.

**U**bi verò non fuerint fontes, finita sexta Prophetia cum sua Oratione, Celebrans deponit casulam, & cum ministris ante Altare procumbit: & aliis omnibus genuflexis, cantantur Litanie à duobus cantoribus in medio chori, utroque choro idem simul respondente. Cum autem perventum fuerit ad **Ps.** Peccatores, Te rogāmus, Sacerdos & ministri surgunt, & accedentes ad Sacristiam, induuntur

lii 3

paramentis



paramentis rubeis, & accenduntur luminaria circa Altare. In fine Litaniarum cantatur solemniter Kyrie eleison, pro Missa, & repetuntur, ut moris est. Quo incepto, Sacerdos cum ministris procedit ad Altare, & facit Confessionem: deinde ascendens, illud osculatur, & incensat more solito. Finitis Kyrie eleison. incipit solemniter Glória in excelsis Deo. Et campanae pulsantur.

## Oratio.

**P**raesta, quaesumus omnipotens Deus, ut claritatis tuae super nos splendor effulgeat: & lux tuae lucis corda eorum, qui per gratiam tuam renati sunt, sancti Spiritus illustratione confirmet. Per Dominum nostrum. in unitate ejusdem Spiritus sancti Deus.

## Lectio Actuum Apostolorum.

**I**n diebus illis: Factum est, cum Apóllo esset Corinthi, ut Paulus peragratis superioribus partibus veniret Ephesum, & inveniret quosdam discipulos: dixitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille vero ait: In quo ergo baptizati estis? Qui dixerunt: In Joannis baptismo. Dixit autem Paulus: Joannes baptizavit baptismo poenitentiae populum, dicens: In eum, qui venturus esset post ipsum, ut crederent, hoc est, in Jesum. His auditis, baptizati sunt in nomine Domini Jesu. Et cum imposuisset illis manus Paulus, venit Spiritus sanctus

super eos, & loquebantur linguis, & prophetabant. Erant autem omnes viri fere duodecim. Introgressus autem synagogam, cum fiducia loquebatur per tres menses, disputans, & svadens de regno Dei.

**Allelúja.** ✠ Confitemini Domino, quoniam bonus: quoniam in saeculum misericordia ejus. Non repetitur, Allelúja. sed immediate sequitur

**Tractus.** Laudate Dominum omnes Gentes: & collaudate eum omnes populi. ✠. Quoniam confirmata est super nos misericordia ejus: & veritas Domini manet in aeternum.

**Ad Evangelium non portantur luminaria, sed incensum tantum.**

**Sequentia sancti Evangelii secundum Joannem.**

**I**n illo tempore: Dixit Jesus discipulis suis: Si diligitis me, mandata mea servate. Et ego rogabo Patrem, & alium Paraclitum dabit vobis, ut maneat vobiscum in aeternum: Spiritum veritatis, quem mundus non potest accipere, quia non videt eum, nec scit eum. Vos autem cognoscetis eum: quia apud vos manebit, & in vobis erit. Non relinquam vos orphanos: veniam ad vos. Adhuc modicum: & mundus me jam non videt. Vos autem videtis me: quia ego vivo, & vos vivetis. In illo die vos cognoscetis, quia ego sum in Patre meo, & vos in me, & ego in vobis. Qui habet mandata mea, & servat ea: ille est qui diligit me. Qui autem diligit me, diligetur a Patre

meo:

meo: & ego diligam eum, & manifestabo ei meipsum.

**Non dicitur Credo.**

**Offertorium.** Emitte spiritum tuum, & creabuntur, & renovabis faciem terrae: sit gloria Domini in saecula. Allelúja.

**Secreta.**

**M**unera, quaesumus Domine, oblata sanctifica: & corda nostra sancti Spiritus illustratione emunda. Per Dominum nostrum Jesum Christum Filium tuum: Qui tecum vivit & regnat in unitate ejusdem Spiritus sancti Deus.

**Præfatio.** Qui ascendens super omnes celos. **Pag. 256.**

**Infra actionem.** Communicantes, & diem sacratissimum Pentecostes celebrantes. & Hanc igitur oblationem, ut supra **Pag. 257.** Et dicuntur usque ad sequens **Sabbatum inclusivè.**

**Communio.** Ultimo festivitatis die dicebat Jesus: Qui in me credidit, flumina de ventre ejus fluent aquae vivae, hoc autem dixit de Spiritu, quem accepturi erant credentes in eum. Allelúja, allelúja.

## Postcommunio.

**S**ancti Spiritus, Domine, corda nostra mundet infusio: & sui roris intima aspersione fecundet. Per Dominum nostrum Jesum Christum Filium tuum: Qui tecum vivit & regnat in unitate ejusdem Spiritus sancti Deus.

**In Missis privatis hujus Vigiliae, omittis Prophetias, Orationibus, & Litanis, Missa absolute incipitur ab introitu, ut infra.**

## Introitus.

**U**m sanctificatus fuero in vobis, congregabo vos de universis terris: & effundam super vos aquam mundam, & mundabimini ab omnibus inquinamentis vestris: & dabo vobis spiritum novum. Allelúja, allelúja. **Psalmus.** Benedicam Dominum in omni tempore: semper laus ejus in ore meo. ✠. Glória Patri.

**Deinde dicitur, Kyrie eleison. Glória in excelsis. & alia ut supra.**







Repleti sunt omnes Spiritu Sancto et ceperunt loqui variis linguis magnalia Dei

# IN DOMINICA PENTECOSTES.

Statio ad S. Petrum.

Introitus.

**S**piritus Domini replevit orbem terrarum, Allelúja: & hoc quod continet omnia, scientiam habet vocis, Allelúja, allelúja, allelúja. *Psalmus.* Exurgat Deus, & dissipentur inimici ejus: & fugiant, qui odérunt eum, à facie ejus. *V.* Glória Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen.

Oratio.

**D**EUS, qui hodierna die corda fidélium sancti Spiritus illustratione docuisti: da nobis in eodem Spiritu recta sapere; & de ejus semper consolatione gaudere. Per Dóminum nostrum in unitate ejusdem Spiritus sancti Deus.

Lectio Actuum Apostolorum.

**C**um complerentur dies Pentecostes, erant omnes discipuli pariter in eodem loco: & factus est repente de cælo sonus, tamquam adveniéntis spiritus vehementis, & replevit totam domum

ubi erant sedéntes. Et apparuerunt illis dispersitæ linguæ tamquam ignis, seditque supra singulos eorum: & repleti sunt omnes Spiritu sancto, & ceperunt loqui variis linguis, prout Spiritus sanctus dabat eloqui illis. Erant autem in Jerúsalem habitantes Judæi, viri religiosi ex omni natione quæ sub cælo est. Facta autem hac voce, convénit multitúdo, & mente confusa est, quóniam audiebat unusquisque lingua sua illos loquéntes. Stupébant autem omnes, & mirabántur, dicéntes: Nónne ecce omnes isti, qui loquúntur, Galilæi sunt, & quómodo nos audivimus unusquisque linguam nostram, in qua nati sumus? Parthi, & Medi, & Elamitæ, & qui hâbitant Mesopotámiam, Judæam, & Cappadóciam, Pontum, & Asiam, Phrygiam, & Pamphyliam, Ægyptum, & partes Libyæ, quæ est circa Cyrénen, & advenæ Románi, Judæi quoque, & Prosélyti, Cretes, & Arabes: audivimus eos loquéntes nostris linguis magnalia Dei.

Allelúja, allelúja. *V.* Emítte spiritum tuum, & creabúntur: & renovabis faciém terræ: Allelúja. *V.* Veni sancte Spiritus, reple tuórum corda fidélium: & tui amoris in eis ignem accénde.

K k k

Sequentia.



## Sequentia.

**V**eni sancte Spiritus, & emitte  
cœlitus lucis tuæ radium.

Veni pater pauperum, veni dator  
munerum, veni lumen cor-  
dium.

Consolator optime, dulcis hospes  
animæ, dulce refrigerium.

In labore requies, in æstu tempé-  
ries, in fletu solatium.

O lux beatissima, reple cordis in-  
tima tuorum fidélium.

Sine tuo numine, nihil est in hó-  
mine, nihil est innóxiū.

Lava quod est sordidum, riga  
quod est aridum, sana quod est  
faucium.

Flecte quod est rigidum, fove  
quod est frigidum, rege quod  
est devium.

Da tuis fidélibus, in te confidénti-  
bus sacrum septenáriū.

Da virtutis méritum, da salutis éxi-  
tum, da perénne gaudium. A-  
men. Allelúja.

Et dicitur quotidie usque ad se-  
quens Sabbatum inclusivè.

Sequentia sancti Evangelii se-  
cundum Joánnem.

**I**N illo témpore: Dixit Jesus di-  
scípulis suis: Si quis diligit me,  
sermónem meum servábit, & Pa-  
ter meus diliget eum, & ad eum ve-  
niémus, & mansiónem apud eum  
faciémus: qui non diligit me, ser-  
mónes meos non servat. Et ser-  
mónem quem audistis, non est  
meus: sed ejus, qui misit me, Pa-  
tris. Hæc locútus sum vobis, apud  
vos manens. Paráclitus autem Spi-  
ritus sanctus, quem mittet Pater in  
nómine meo, ille vos docébit ó-

mnia, & suggeret vobis ómnia,  
quæcúmque dixeró vobis. Pacem  
relínquo vobis, pacem meam do  
vobis: non quómodo mundus dat,  
ego do vobis. Non turbétur cor  
vestrum, neque formidet. Audi-  
stis quia ego dixi vobis: Vado &  
venio ad vos. Si diligerétis me,  
gauderétis útrique, quia vado ad  
Patrem: quia Pater major me est.  
Et nunc dixi vobis priúsqvam fiat:  
ut cum factum fuerit, credátis.  
Jam non multa loquar vobiscum.  
Venit enim princeps mundi hujus,  
& in me non habet quidquam. Sed  
ut cognóscat mundus, quia diligo  
Patrem, & sicut mandátum dedit  
mihi Pater, sic fácio. **Credo.**

**Offertorium.** Confirma hoc De-  
us, quod operátus es in nobis: á  
templo tuo, quod est in Jerúsalem,  
tibi offerent reges múnera. Alle-  
lúja.

## Secreta.

**M**unera, quæsumus Dómine,  
oblata sanctifica: & corda  
nostra sancti Spiritus illustratióne  
emúnda. Per Dóminum nostrum.  
in unitate ejusdem Spiritus sancti  
Deus.

**Præfatio.** Qui ascéndens. Com-  
municantes. & Hanc igitur. Pag.  
256.

**Communio.** Factus est repéntè  
de cœlo sonus tamquam advenién-  
tis spiritus vehementis, ubi erant  
sedéntes, Allelúja, & repléri sunt  
omnes Spiritu sancto, loquéntes  
magnália Dei. Allelúja, allelúja.

## Postcommunio.

**S**ancti Spiritus, Dómine, corda  
nostra mundet infusio: & sui  
roris íntima aspersiõe fecúndet.

Per

Per Dóminum nostrum. in unitate  
ejusdem Spiritus sancti Deus.


Infra Octavam Pentecostes non  
fit de aliquo festo duplici, vel Se-  
miduplici, sed post Octavam ce-  
lebrantur: de Simplici occurren-  
ti post triduum fit commemoratio  
tantum.

## FERIA II.

post Pentecosten.

Statio ad S. Petrum ad Vincula.

## Introitus.



Ibávit eos ex ádi-  
pe frumenti, Al-  
lelúja: & de pe-  
tra, melle satu-  
rávit eos, Alle-  
lúja, allelúja.

**Psalmus.** Exultáte Deo adjutori no-  
stro: jubiláte Deo Jacob. **V.** Gló-  
ria Patri.

## Oratio.

**D**EUS, qui Apóstolis tuis san-  
ctum dedísti Spiritum: con-  
cede plebi tuæ, pia petitióne effe-  
ctum; ut quibus dedísti fidem, lar-  
giáris & pacem. Per Dóminum  
nostrum. in unitate ejusdem Spi-  
ritus sancti Deus.

Lectio Actuum Aposto-  
lorum.

**I**N diébus illis: Apériens Petrus  
os suum, dixit: Viri fratres, no-  
bis præcepit Dóminus prædicáre  
pópulo, & testificári quia ipse est,  
qui constitútus est á Deo iudex vi-  
vórum & mortuórum. Huic omnes  
Prophætæ testimónium pérhibent,  
remissiõe peccatórum accipere

per nomen ejus omnes, qui cre-  
dunt in eum. Adhuc loquente Pe-  
tro verba hæc, cecidit Spiritus san-  
ctus super omnes, qui audiébant  
verbum. Et obstupuerunt ex cir-  
cumcisiõe fidéles, qui vénerant  
cum Petro: quia & in nátiões grá-  
tia Spiritus sancti effusa est. Au-  
diébant enim illos loquéntes lin-  
guis, & magnificántes Deum. Tunc  
respóndit Petrus: Numquid aquam  
quis prohibére potest, ut non ba-  
ptizéntur hi, qui Spiritum sanctum  
accepérunt sicut & nos? & iussit  
eos baptizári in nómine Dómini  
Jesu Christi.

**Allelúja, allelúja.** **V.** Loque-  
bántur váriis linguis Apóstoli ma-  
gnália Dei. Allelúja. **V.** Veni san-  
cte Spiritus, reple tuorum corda fi-  
délium: & tui amóris in eis ignem  
accénde.

**Sequentia.** Veni sancte Spiritus.  
& in fine, Allelúja. ut suprà in Do-  
minica Pentecostes. Pag. 342.

Sequentia sancti Evangelii se-  
cundum Joánnem.

**I**N illo témpore: Dixit Jesus Ni-  
codémo: Sic Deus diléxit mun-  
dum, ut Filium suum unigénitum  
daret: ut omnis, qui credit in  
eum, non péreat, sed hábeat vitam  
etérnam. Non enim misit Deus  
Filium suum in mundum, ut júdi-  
cet mundum, sed ut salvétur mun-  
dus per ipsum. Qui credit in eum,  
non judicátur: qui autem non cre-  
dit, jam judicátus est: quia non  
credit in nómine unigéniti Filii  
Dei. Hoc est autem iudícium:  
quia lux venit in mundum, & di-  
lexérunt hómines magis ténebras,

K k k 2

quàm



quàm lucem: erant enim eorum mala opera. Omnis enim qui male agit, odit lucem, & non venit ad lucem, ut non arguantur opera ejus: qui autem facit veritatem, venit ad lucem, ut manifestentur opera ejus, quia in Deo sunt facta.

Credo.

**Offertorium.** Intónuit de cœlo Dominus, & Altissimus dedit vocem suam: & apparuerunt fontes aquarum. Allelúja.

Secreta.

**P**ropitius, Domine quæsumus, hæc dona sanctifica: & hostiæ spiritalis oblatione suscepta, nosmetipsos tibi perfice munus æternum. Per Dominum nostrum Jesum Christum Filium tuum: Qui tecum vivit & regnat.

**Communio.** Spiritus sanctus docebit vos, Allelúja: quæcúmque dixerò vobis. Allelúja, allelúja.

Postcommunio.

**A**desto, quæsumus Domine, populo tuo: & quem mysteriis cœlestibus imbuisti, ab hostium furóre defende. Per Dominum nostrum Jesum Christum Filium tuum: Qui tecum vivit & regnat.

## FERIA III.

post Pentecosten.

Statio ad sanctam Anastasiam.

Introitus.



4. Esd. 2. c.

**A**ccepit. jucunditatem gloriæ vestræ. Allelúja: grátias agentes Deo. Allelúja: Qui vos ad cœlestia regna vocavit, Allelúja, alle-

lúja, allelúja. **Psalmus.** Attendite popule meus legem meam: inclinate aurem vestram in verba oris mei. **V.** Glória Patri.

Oratio.

**A**d sit nobis, quæsumus Domine, virtus Spiritus sancti: quæ & corda nostra clementer expurget, & ab omnibus tueatur adversis. Per Dominum nostrum, in unitate ejusdem Spiritus sancti Deus.

Lectio Actuum Apostolorum.

**I**n diebus illis: Cum audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum & Joannem. Qui cum venissent oraverunt pro ipsis, ut acciperent Spiritum sanctum: nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, & accipiebant Spiritum sanctum.

**Allelúja, allelúja. V.** Spiritus sanctus docebit vos quæcúmque dixerò vobis. Allelúja. **V.** Veni sancte Spiritus, reple tuorum corda fidelium: & tui amoris in eis ignem accende.

**Sequentia.** Veni sancte Spiritus, ut supra in Dominica Pentecostes. Pag. 342.

Sequentia sancti Evangelii secundum Joannem.

**I**n illo tempore: Dixit Jesus Pharisæis: Amen, amen dico vobis: qui non intrat per ostium in ovile ovium, sed ascendit aliunde, ille fur est & latro. Qui autem intrat per

per

per ostium, pastor est ovium. Huic ostiarius aperit, & oves vocem ejus audiunt, & proprias oves vocat nominatim, & educit eas. Et cum proprias oves emisit, ante eas vadit: & oves illum sequuntur, quia sciunt vocem ejus. Alienum autem non sequuntur, sed fugiunt ab eo: quia non novērunt vocem alienorum. Hoc proverbium dixit eis Jesus. Illi autem non cognoverunt quid loqueretur eis. Dixit ergo eis iterum Jesus: Amen, amen dico vobis, quia ego sum ostium ovium. Omnes quotquot venerunt, fures sunt, & latrones, & non audierunt eos oves. Ego sum ostium. Per me si quis introierit, salvabitur: & ingrediatur, & egrediatur, & pascua inveniet. Fur non venit nisi ut furatur, & mactet, & perdat. Ego veni ut vitam habeant, & abundantius habeant.

Credo.

**Offertorium.** Portas cœli aperuit Dominus, & pluit illis manna, ut ederent: panem cœli dedit eis, panem Angelorum manducavit homo. Allelúja.

Secreta.

**P**urificet nos, quæsumus Domine, muneris præsentis oblatio: & dignos sacra participatione efficiat. Per Dominum nostrum Jesum Christum Filium tuum.

**Communio.** Spiritus qui à Patre procedit, Allelúja: ille me clarificabit. Allelúja, allelúja.

Postcommunio.

**M**entes nostras, quæsumus Domine, Spiritus sanctus divinis replet sacramentis: quia ipse est remissio omnium peccatorum.

Per Dominum nostrum, in unitate ejusdem Spiritus sancti Deus.

## FERIA IV.

Quatuor Temporum Pentecostes.

Statio ad S. Mariam majorem.

Introitus.

**D**EUS, dum egredieris coram populo tuo, iter faciens eis, habitans in illis, Allelúja: terra mota est, cœli distillaverunt, Allelúja, allelúja. **Psalmus.** Exurgat Deus, & dissipentur inimici ejus: & fugiant, qui oderunt eum, à facie ejus. **V.** Glória Patri.

**Post Kyrie eleison. dicitur, Oremus. & non dicitur, Flectamus genua.**

Oratio.

**M**entes nostras, quæsumus Domine, Paráclitus, qui à te procedit, illuminet, & inducat in omnem, sicut tuus promissit Filius, veritatem. Qui tecum vivit & regnat in unitate ejusdem Spiritus sancti Deus.

Lectio Actuum Apostolorum.

**I**n diebus illis: Stans Petrus cum undecim, levavit vocem suam, & locutus est eis: Viri Judæi, & qui habitatis Jerusalem universi, hoc vobis notum sit, & auribus percipite verba mea. Non enim, sicut vos æstimatis, hi ebrii sunt, cum sit hora diæi tertia: sed hoc est, quod

K k k 3

dictum



dictum est per Prophétam Joël: Et erit in novissimis diebus (dicit Dominus) effundam de Spiritu meo super omnem carnem, & prophetabunt filii vestri, & filiae vestrae, & juvenes vestri visiones videbunt, & seniores vestri somnia somniabunt. Et quidem super servos meos, & super ancillas meas in diebus illis effundam de Spiritu meo, & prophetabunt: & dabo prodigia in caelo sursum, & signa in terra deorsum, sanguinem, & ignem, & vaporem fumi. Sol convertetur in tenebras, & luna in sanguinem, antequam veniat dies Domini magnus & manifestus. Et erit: omnis quicumque invocaverit nomen Domini, salvus erit.

**Allelúja.** *Ps.* Verbo Domini caeli firmati sunt: & spiritu oris ejus omnis virtus eorum. **Hic dicitur.** Glória in Excelsis. & postea, Dominus vobiscum.

## Oratio.

**P**raesta quæsumus omnipotens & misericors Deus; ut Spiritus sanctus adveniens, templum nos glóriæ suæ dignanter inhabitando perficiat. Per Dominum nostrum in unitate ejusdem Spiritus sancti Deus.

**Ab hac die usque ad Sabbatum sequens inclusive, post Orationem diei dicitur.**

**Contra persecutores Ecclesiæ.**

## Oratio.

**E**cclésiæ tuæ, quæsumus Domine, preces placatus admitte: ut, destructis adversitatibus, & erroribus universis, secúra tibi serviat libertate. Per Dominum nostrum Jesum Christum Filium tuum.

## Vel pro Papa. Oratio.

**D**EUS omnium fidélium Pastor & rector, famulum tuum **N.** quem pastorem Ecclesiæ tuæ præfisse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

## Lectio Actuum Apostolorum.

**I**n diebus illis: Per manus autem Apostolorum fiebant signa & prodigia multa in plebe. Et erant unanimiter omnes in porticu Salomonis. Cæterorum autem nemo audēbat se conjungere illis: sed magnificabat eos populus. Magis autem augebatur credentium in Domino multitudo virorum, ac mulierum, ita ut in plateas ejicerent infirmos, & ponerent in lectulis ac grabatibus, ut, veniente Petro, saltem umbra illius obumbraret quemquam illorum, & liberarentur ab infirmitatibus suis. Concurrēbat autem & multitudo vicinarum civitatum Jerusalem, afferentes ægros, & vexatos à spiritibus immundis: qui curabantur omnes.

**Allelúja, allelúja.** *Ps.* Veni sancte Spiritus, reple tuorum corda fidelium: & tui amoris in eis ignem accende.

**Sequentia. Veni sancte Spiritus. ut in Dominica Pentecostes.** Pag. 342.

Sequentia

## Sequentia sancti Evangelii secundum Joannem.

**I**n illo tempore: Dixit Jesus turbis Judæorum: Nemo potest venire ad me, nisi Pater, qui misit me, traxerit eum: & ego resuscitabo eum in novissimo die. Est scriptum in Prophétis: Et erunt omnes docibiles Dei. Omnis, qui audit à Patre, & dicit, venit ad me. Non quia Patrem vidit quicumque, nisi is, qui est à Deo, hic vidit Patrem. Amen, amen dico vobis: Qui credit in me, habet vitam æternam. Ego sum panis vitae. Patres vestri manducaverunt manna in deserto, & mortui sunt. Hic est panis de caelo descendens: ut si quis ex ipso manducaverit, non moriatur. Ego sum panis vivus, qui de caelo descendi. Si quis manducaverit ex hoc pane, vivet in æternum: & panis, quem ego dabo, caro mea est pro mundi vita. **Credo.**

**Offertorium.** Meditabor in mandatis tuis, quæ dilexi valde: & levabo manus meas ad mandata tua quæ dilexi. Allelúja.

## Secrera.

**A**ccipe, quæsumus Domine, munus oblatum: & dignanter operare; ut quod mysteriis agimus, piis effectibus celebremus. Per Dominum nostrum Jesum Christum Filium tuum: Qui tecum vivit & regnat in unitate.

## Alia Secrera.

**P**rotege nos, Domine, tuis mysteriis serviētes: ut divinis rebus inhaerentes, & corpore tibi famulēmur, & mente. Per Domi-

num nostrum Jesum Christum Filium tuum: Qui tecum vivit.

## Vel pro Papa. Secrera.

**O**blatis, quæsumus Domine, placare munibus: & famulum tuum **N.** quem pastorem Ecclesiæ tuæ præfisse voluisti, assidua protectione guberna. Per Dominum nostrum Jesum Christum Filium tuum: Qui tecum vivit & regnat.

**Communio.** Pacem relinquo vobis, Allelúja: pacem meam do vobis. Allelúja.

## Postcommunio.

**S**umētes, Domine, cœlestia sacramenta, quæsumus clemenciam tuam: ut quod temporaliter gerimus, æternis gaudiis consequamur. Per Dominum nostrum Jesum Christum Filium tuum: Qui tecum vivit & regnat.

## Alia Postcommunio.

**Q**uæsumus Domine Deus noster: ut quos divina tribuis participatione gaudere, humanis non sinas subjacere periculis. Per Dominum nostrum Jesum Christum Filium tuum: Qui tecum vivit & regnat.

## Vel pro Papa.

## Postcommunio.

**H**æc nos, quæsumus Domine, divini sacramenti perceptio protegat: & famulum tuum **N.** quem pastorem Ecclesiæ tuæ præfisse voluisti; unâ cum commisso sibi grege, salvet semper & muniat. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

FERIA



## FERIA V.

post Pentecosten.

Statio ad S. Laurentium extra muros.

Introitus.

**S**piritus Domini  
replevit orbem  
terrarum, Alle-  
lúja: & hoc quod  
continet omnia,  
scientiam habet  
vocis, Allelúja, allelúja, allelúja.

**Psalmus.** Exurgat Deus, & dissipen-  
tur inimici ejus: & fugiant, qui o-  
derunt eum, à facie ejus. *Gló-  
ria Patri.*

Oratio.

**D**EUS, qui hodierna die corda  
fidélium sancti Spiritus illu-  
stratione docuisti: da nobis in eò-  
dem Spiritu recta sapere, & de ejus  
semper consolatione gaudere. Per  
Dóminum nostrum. in unitate e-  
júsdem Spiritus sancti Deus.

**Alia Oratio.** Ecclesiæ tuæ. vel  
Deus ómnium. *ut supra. Pag. 346.*

**Lectio Actuum Apo-  
stolorum.**

**I**n diébus illis: Philippus descen-  
dens in civitatem Samariæ, præ-  
dicabat illis Christum. Intendebant  
autem turbæ his quæ à Philip-  
po dicebantur, unánimiter audien-  
tes, & videntes signa quæ faciebat.  
Multi enim eorum, qui habebant  
spiritus immundos, clamantes voce  
magna exíbant. Multi autem para-  
lytici & claudi curati sunt. Factum  
est ergo gáudium magnum in illa  
civitáte.

**Allelúja, allelúja. *Psalmus.*** Emítte Spí-  
ritum tuum, & creabuntur: & re-

novabis faciem terræ. Allelúja. *Psalmus.*  
Veni sancte Spiritus, reple tuorum  
corda fidélium: & tui amoris in eis  
ignem accende.

**Sequentia.** Veni sancte Spiritus.  
*ut supra in Dominica Pentecostes.*  
*Pag. 342.*

**Sequentia sancti Evangelii**  
secundum Lucam.

**I**n illo tempore: Convocatis Je-  
sus duodecim Apóstolis, dedit il-  
lis virtutem & potestatem super ó-  
mnia dæmónia, & ut languores cu-  
rarent. Et misit illos prædicare re-  
gnum Dei, & sanare infirmos. Et  
ait ad illos: Nihil tuléritis in via,  
neque virgam, neque peram, neque  
panem, neque pecuniam, neque  
duas tunicas habeatis. Et in quam-  
cúmque domum intravéritis, ibi  
manete, & inde ne exeatis. Et qui-  
cúmque non receperint vos: ex-  
eúntes de civitate illa, étiam pulve-  
rem pedum vestrorum excutite in  
testimónium supra illos. Egressi  
autem circuibant per castella, evan-  
gelizantes, & curantes ubique.  
**Credo.**

**Offertorium.** Confirma hoc De-  
us, quod operatus es in nobis: à  
templo tuo, quod est in Jerúsalem,  
tibi offerent reges múnera. Allelúja.

Secreta.

**M**unera, quæsumus Domine,  
oblata sanctifica: & corda  
nostra sancti Spiritus illustratione  
emunda. Per Dóminum nostrum.  
in unitate ejúsdem Spiritus sancti  
Deus.

**Altera Secreta.** Prótege nos. vel  
Oblatis, quæsumus. *ut supra. Pag.*  
*347.*

Commu-

**Communio.** Factus est repente  
de cælo sonus tamquam adveniën-  
tis spiritus vehementis, ubi erant  
sedentes, Allelúja: & repleti sunt  
omnes Spiritu sancto, loquentes  
magnalia Dei. Allelúja, allelúja.

Postcommunio.

**S**ancti Spiritus, Domine, corda  
nostra mundet infusio: & sui  
roris íntima aspersiõe fecundet.  
Per Dóminum nostrum. in unitate  
ejúsdem Spiritus sancti Deus.

**Alia Postcommunio.** Quæsumus  
Domine. vel Hæc nos. *ut supra in*  
*Feria IV. Pag. 347.*

## FERIA VI.

Quatuor Temporum.

Pentecostes.

Statio ad SS. duodecim Apostolos.

Introitus.

**R**epleatur os me-  
um laude tua,  
Allelúja: ut pos-  
sim cantare, Al-  
lelúja: gaudé-  
bunt lábia mea,  
dum cantávero tibi, Allelúja, alle-  
lúja. **Psalmus.** In te Domine spe-  
ravi, non confundar in ætérnum:  
in justitia tua libera me, & eripe  
me. *Glória Patri, & Filio.*

Oratio.

**D**A, quæsumus, Ecclesiæ tuæ mi-  
sericors Deus: ut sancto Spí-  
ritu congregata, hostili nullatenus  
incursiõe turbetur. Per Dóminum  
nostrum. in unitate ejúsdem Spí-  
ritus sancti Deus.

**Secunda Oratio.** Ecclesiæ tuæ.  
vel Deus ómnium fidélium. *ut su-  
pra in Feria IV. Pag. 346.*

Lectio Joëlis Prophætæ.

**H**æc dicit Dóminus Deus: Ex-  
ultate filii Sion, & lætámini in  
Dómino Deo vestro: quia dedit  
vobis doctórem justitiæ, & descen-  
dere faciet ad vos imbrem maturi-  
num & serótinum, sicut in princí-  
pio. Et implebuntur aræ frumén-  
to, & redundabunt torcularia vino  
& oleo. Et comedétis vescéntes, &  
saturabimini: & laudábitis nomen  
Dómini Dei vestri, qui fecit mirabí-  
lia vobiscum: & non confundetur  
pópulus meus in sempitérnum. Et  
sciétis quia in médio Ísraël ego sum:  
Et ego Dóminus Deus vester, &  
non est ampliùs: & non confundé-  
tur pópulus meus in ætérnum: ait  
Dóminus omnipotens.

**Allelúja, allelúja. *Psalmus.*** O quàm  
bonus & suavis est, Domine, spí-  
ritus tuus in nobis. Allelúja. *Ve-  
ni sancte Spiritus, reple tuorum*  
*corda fidélium: & tui amoris in eis*  
*ignem accende.*

**Sequentia.** Veni sancte Spiritus.  
*ut supra in Dominica. Pag. 342.*

**Sequentia sancti Evangelii se-  
cundum Lucam.**

**I**n illo tempore: Factum est in  
una diérum, & Jesus sedebat do-  
cens. Et erant Pharisei sedentes,  
& legis doctóres, qui venerant ex  
omni castèllo Galilææ, & Judææ, &  
Jerúsalem: & virtus Dómini erat  
ad sanándum eos. Et ecce viri por-  
tantes in lecto hóminem, qui erat  
paralyticus: & quærebant eum in-  
ferre, & pónere ante eum. Et non  
inveniéntes qua parte illum infer-  
rent præ turba, ascendérunt supra  
tectum, & per tégulas summisérunt  
eum



eum cum lecto in médium ante Jesum. Quorum fidem ut vidit, dixit: Homo remittuntur tibi peccata tua. Et cœperunt cogitare Scribæ, & Pharisei, dicentes: Quis est hic, qui loquitur blasphemias? Quis potest dimittere peccata, nisi solus Deus? Ut cognôvit autem Jesus cogitationes eorum, respondens, dixit ad illos: Quid cogitatis in cordibus vestris? Quid est facilius dicere: Dimittuntur tibi peccata; an dicere: Surge, & ambula? Ut autem sciatis, quia Filius hominis habet potestatem in terra dimittendi peccata (ait paralytico:) Tibi dico, surge, tolle lectum tuum, & vade in domum tuam. Et confestim surgens coram illis, tulit lectum, in quo jacēbat: & abiit in domum suam, magnificans Deum. Et stupor apprehendit omnes, & magnificabant Deum. Et repleti sunt timore, dicentes: Quia vidimus mirabilia hodie. **Credo.**

**Offertorium.** Lauda anima mea Dominum: laudabo Dominum in vita mea: psallam Deo meo, quamdiu ero. Allelûja.

**Secreta.**

**S**acrificia, Domine, tuis oblata conspēctibus, ignis ille divinus absumat, qui discipulorum Christi Filii tui per Spiritum sanctum corda succendit. Per eundem Dominum nostrum, in unitate ejusdem Spiritus sancti Deus.

**Alia Secreta.** Prôtege nos. vel Oblatis, quasumus. ut in Feria IV. Pag. 347.

**Communio.** Non vos relinquam orphanos: veniam ad vos iterum,

Allelûja, & gaudēbit cor vestrum. Allelûja.

**Postcommunio.**

**S**umpsimus, Domine, sacri donamysterii, humiliter deprecantes: ut quæ in tui commemoratiōnem nos facere præcepisti, in nostræ proficiant infirmitatis auxiliū. Qui vivis & regnas cum Deo Patre, in unitate.

**Altera Postcommunio.** Quasumus Domine. vel Hæc nos. ut in Feria IV. Pag. 347.

**SABBATO**

Quatuor Temporum  
Pentecostes.

Statio ad sanctum Petrum.

**Introitus.**

**C**haritas Dei diffusa est in cordibus nostris, Allelûja: per inhabitantem Spiritum ejus in nobis. Allelûja, allelûja. **Psalmus.** Benedic anima mea Domino: & omnia quæ intra me sunt, nōmini sancto ejus. **Glória Patri.**

**Post Kyrie eleison, dicitur. Orémus, tantum sine.** Flectamus genua. & similiter ad Orationes sequentes. **Oratio.**

**M**entibus nostris, quasumus Domine, Spiritum sanctum benignus infunde: cujus & sapientia cōditi sumus, & providētia gubernāmur. Per Dominum nostrum, in unitate ejusdem Spiritus sancti Deus.

Lectio

**Lectio libri Joëlis Prophætæ.**

**H**æc dicit Dominus Deus: Effundam spiritum meum super omnem carnem: & prophetabunt filii vestri, & filiae vestrae: senes vestri somnia somniabunt, & juvenes vestri visiones videbunt. Sed & super servos meos & ancillas in diebus illis effundam spiritum meum. Et dabo prodigia in cælo & in terra, sanguinem, & ignem, & vaporem fumi. Sol convertetur in tenebras, & luna in sanguinem: antequam veniat dies Domini magnus, & horribilis. Et erit: omnis qui invocaverit nomen Domini, salvus erit.

**Allelûja.** **Oratio.** Spiritus est qui vivificat: caro autem non prodest quidquam.

**Orémus. Oratio.**

**I**llo nos igne, quasumus Domine, Spiritus sanctus inflāmet: quem Dominus noster Jesus Christus misit in terram: & voluit vehementer accendi. Qui tecum vivit & regnat in unitate ejusdem Spiritus sancti Deus.

**Lectio libri Levitici.**

**I**n diebus illis: Locutus est Dominus ad Moysen, dicens: Loquere filiis Israël, & dices ad eos: Cum ingressi fueritis terram, quam ego dabo vobis, & messueritis segetem, feretis manipulos spicarum, primitias messis vestrae, ad sacerdotem: qui elevabit fasciculum coram Domino, ut acceptabile sit pro vobis, altero die Sabbati, & sanctificabit illum. Numerabitis ergo ab altero die Sabbati, in quo obtulistis

manipulum primitiarum: septem hebdomadas plenas, usque ad alteram diem expletiōnis hebdomadae septimæ, id est, quinquaginta dies: & sic offeretis sacrificium novum Domino ex omnibus habitaculis vestris, panes primitiarum duos de duabus decimis similæ fermentatæ, quos coquētis in primitias Domini. Et vocabitis hunc diem celebrissimum, atque sanctissimum: omne opus servile non facietis in eo. Legitimum sempiternum erit in cunctis habitaculis, & generatiōibus vestris: dicit Dominus omnipotens.

**Allelûja.** **Oratio.** Spiritus ejus ornavit celos.

**Orémus. Oratio.**

**D**eus, qui ad animarum meditationem, jejunii devotiōne castigari corpora præcepisti: concede nobis propitius: & mente, & corpore tibi semper esse devotos. Per Dominum nostrum Jesum Christum Filium tuum.

**Lectio libri Deuteronomii.**

**I**n diebus illis: Dixit Moyses filiis Israël: Audi Israël, quæ ego præcipio tibi hodie. Cum intraveris Terram quam Dominus Deus tuus tibi daturus est possidendam, & obtinueris eam, atque habitaveris in ea: tolles de cunctis frugibus tuis primitias, & pones in cartallo, pergēsque ad locum, quem Dominus Deus tuus elegerit, ut ibi invocetur nomen ejus: accedēsque ad sacerdotem, qui fuerit in diebus illis, & dices ad eum: Prositeor hodie coram Domino Deo tuo, qui exaudivit nos, & respexit humilitatem

L112

tem



tem nostram, & laborem, atque angustiam: & eduxit nos de Aegypto in manu forti, & brachio extenso, in ingenti pavore, in signis atque portentis: & introduxit ad locum istum, & tradidit nobis Terram lacte & melle manantem. Et idcirco nunc offero primitias frugum Terræ, quam Dominus dedit mihi. Et dimittes eas in conspectu Domini Dei tui: & adorato Domino Deo tuo. Et epulaberis in omnibus bonis, quæ Dominus tuus dedit tibi.

**Allelûja.** ✠. Cum complerentur dies Pentecostes, erant omnes pariter sedentes.

**Orémus. Oratio.**

**P**resta quæsumus omnipotens Deus: ut salutaribus jejuniis eruditi, ab omnibus etiam vitiis abstinentes, propitiacionem tuam facilius impetremus. Per Dominum nostrum Jesum Christum.

### Lectio libri Levitici.

**I**n diebus illis: Dixit Dominus ad Moysen: Loquere filiis Israël, & dices ad eos: Si in præceptis meis ambulaveritis, & mandata mea custodiéritis, & feceritis ea, dabo vobis pluvias temporibus suis, & terra gignet germen suum, & pomis arbores replebuntur. Apprehendet messium tritura vindemiam, & vindemia occupabit sementem: & comedetis panem vestrum in saturitate, & absque pavore habitabitis in terra vestra. Dabo pacem in finibus vestris: dormietis, & non erit qui extérreat. Auferam malas bestias: & gladius non transibit terminos vestros. Persequemi-

ni inimicos vestros, & corrueant coram vobis. Persequentur quinque de vestris centum alienos, & centum de vobis decem millia: cadent inimici vestri gladio in conspectu vestro. Respiciam vos, & crescere faciam: multiplicabimini, & firmabo pactum meum vobiscum. Comedētis vetustissima veterum, & vetera novis superveniētibz projiciētis. Ponam tabernaculum meum in medio vestri, & non abiciet vos anima mea. Ambulabo inter vos, & ero Deus vester, vosque eritis populus meus: dicit Dominus omnipotens.

**Allelûja.** ✠. Veni sancte Spiritus, reple tuorum corda fidelium: & tui amoris in eis ignem accende.

**Orémus. Oratio.**

**P**resta quæsumus omnipotens Deus, sic nos ab epulis carnalibus abstinere: ut à vitiis irruentibus pariter jejunemus. Per Dominum nostrum Jesum Christum Filium tuum: Qui tecum.

### Lectio Daniëlis Prophætæ.

**I**n diebus illis: Angelus Domini descendit cum Azaria, & sociis ejus, in fornacem: & excussit flammam ignis de fornace, & fecit medium fornacis quasi ventum roris flantem. Flamma autem effundebatur super fornacem cubitis quadraginta novem: & erupit, & incendit quos reperit juxta fornacem de Chaldæis ministros regis, qui eam incendebant. Et non tetigit eos omnino ignis, neque contristavit, nec quidquam molestiæ intulit. Tunc hi tres quasi ex uno ore laudabant, & glorificabant, &

benedi-

benedicébant Deum in fornace, dicentes.

**Ille non respondetur, Deo grátias.** **Allelûja.** ✠. Benedictus es Domine Deus patrum nostrorum, & laudabilis in sæcula.

**Finis Versu, dicitur Glória in excelsis. deinde, Dominus vobiscum.** **Et cum spiritu tuo.**

**Orémus. Oratio.**

**D**EUS, qui tribus pueris miti-gasti flammam ignium: concede propitius; ut nos famulos tuos non exurat flamma vitiatorum. Per Dominum nostrum Jesum Christum Filium tuum.

**Contra persecutores Ecclesiæ.**

**Oratio.**

**E**cclésiæ tuæ, quæsumus Domine, preces placatus admittre: ut, destructis adversitatibus, & erroribus universis, secunda tibi serviat libertate. Per Dominum nostrum Jesum Christum Filium tuum.

**Vel pro Papa. Oratio.**

**D**EUS omnium fidelium Pastor & rector, famulum tuum N. quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, una cum grege sibi credito, perveniat sempiternam. Per Dominum nostrum Jesum Christum Filium tuum: Qui tecum.

**Lectio Epistolæ beati Pauli Apóstoli ad Romanos.**

**F**ratres: Justificati ex fide, pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in

quam stamus, & gloriamur in spe gloriæ filiorum Dei. Non solum autem, sed & gloriamur in tribulationibus: scientes quod tribulatio patientiam operatur, patientia autem probationem, probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

**Tractus.** Laudate Dominum omnes Gentes: & collaudate eum omnes populi. ✠. Quoniam confirmata est super nos misericordia ejus: & veritas Domini manet in æternum.

**Sequentia. Veni sancte Spiritus. ut supra in Dominica Pentecostes. Pag. 342. sed in fine non dicitur, Allelûja.**

**Sequentia sancti Evangelii secundum Lucam.**

**I**n illo tempore: Surgens Jesus de synagoga, introivit in domum Simonis. Socrus autem Simonis tenebatur magnis febribus: & rogaverunt illum pro ea. Et stans super illam, imperavit febre: & dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia à multis, clamantia & dicentia: Quia tu es Filius Dei: & increpans, non sinebat ea loqui: quia sciebant ipsum esse Christum. Facta autem die, egressus ibat in desertum locum, & turbæ requirebant eum, & venerunt usque ad ipsum: & deti-

L 113

nebant



nébant illum ne discederet ab eis. Quibus ille ait: Quia & aliis civitatibus oportet me evangelizare regnum Dei: quia ideo missus sum. Et erat prædicans in synagógis Galilææ. **Credo.**

**Offertorium.** Dómine Deus salútis meæ, in die clamavi, & nocte coram te: intret oratio mea in conspectu tuo Dómine. Allelúja.

**Secreta.**

**U**T accepta tibi sint, Dómine, nostra jejúnia: præsta nobis, quæsumus, hujus múnere sacraménti purificatú tibi pectus offerre. Per Dóminum nostrum Jesum Christum Fílium tuum: Qui tecum vivit.

**Altera Secreta.**

**P**rótege nos, Dómine, tuis mystériis serviéntes: ut divinis rebus inhærentes, & corpore tibi famulémur, & mente. Per Dóminum nostrum Jesum Christum Fílium tuum: Qui tecum.

**Vel pro Papa. Secreta.**

**O**blátis, quæsumus Dómine, placare munéribus: & famulum tuum **N.** quem pastórem Ecclésiæ tuæ præesse voluisti, assídua protectióne guberná. Per Dóminum nostrum Jesum Christum Fílium tuum: Qui tecum.

**Communio.** Spíritus ubi vult spirat: & vocem ejus audis. Allelúja, allelúja: sed nescis unde veniat, aut quò vadit. Allelúja, allelúja, allelúja.

**Postcommunio.**

**P**rebeant nobis, Dómine, divinum tua sancta fervórem, quò eórum páriter & actu delectémur, & fructu. Per Dóminum nostrum

Jesum Christum Fílium tuum: Qui tecum vivit & regnat.

**Altera Postcommunio.**

**O**uæsumus Dómine Deus noster: ut quos divína tribuis participatióne gaudere, humanis non sinas subjacere periculis. Per Dóminum nostrum Jesum Christum Fílium tuum: Qui tecum vivit & regnat.

**Vel pro Papa.**

**Postcommunio.**

**H**æc nos, quæsumus Dómine, divini sacraménti percéptio prótegar: & famulum tuum **N.** quem pastórem Ecclésiæ tuæ præesse voluisti: uná cum commissio sibi grege, salvet semper & múniat. Per Dóminum nostrum Jesum Christum Fílium tuum: Qui tecum vivit & regnat.

## IN FESTO SS. TRINITATIS.

**Introitus.**



**B**enedicta sit sancta Trinitas, atque indivisa Unitas: confitebimur ei, quia fecit nobiscum

misericórdiam suam. **Psalmus.** Dómine Dóminus noster, quàm admirabile est nomen tuum in universa terra! **✠.** Glória Patri.

**Oratio.**

**O**mnipotens sempitérne Deus, qui dedisti famulis tuis in confessióne veræ fidei, æternæ Trinitatis glóriam agnoscere, & in potentia majestátis adorare unitatem:

quæsumus;

quæsumus; ut ejusdem fidei firmitate, ab omnibus semper muniámur adversis. Per Dóminum nostrum Jesum Christum Fílium tuum: Qui tecum vivit & regnat.

**Deinde fit commemoratio de Dominica prima post Pentecosten.**

**Oratio.**

**D**EUS in te sperantium fortitúdo, adesto propítius invocatióibus nostris: & quia sinè te nihil potest mortális infirmitas; præsta auxiliúm grátia tuæ, ut in exequendis mandátis tuis, & voluntate tibi & actióne placeámus. Per Dóminum nostrum Jesum Christum Fílium tuum: Qui tecum vivit & regnat.

**Lectio Epistolæ beati Pauli Apóstoli ad Romanos.**

**O** Altitúdo divitiarum sapiéntiæ, & scientiæ Dei: quàm incomprehensibília sunt judícia ejus, & investigábiles viæ ejus! Quis enim cognóvit sensum Dómini? aut quis consiliarius ejus fuit? aut quis prior dedit illi, & retribuétur ei? Quóniam ex ipso, & per ipsum, & in ipso sunt omnia: ipsi honor & glória in sæcula, Amen.

**Graduale.** Benedíctus es Dómine, qui intuéris abyssos, & sedes super Chérubim. **✠.** Benedíctus es Dómine in firmaménto cæli, & laudábilis in sæcula. Allelúja, allelúja. **✠.** Benedíctus es Dómine Deus patrum nostrórum, & laudábilis in sæcula. Allelúja.

✠ (o) ✠

**Sequéntia sancti Evangélii** secúndum Matthæum.

**I**N illo tēpore: Dixit Jesus discipulis suis: Data est mihi omnis potestas in cælo, & in terra. Eúntes ergo docete omnes Gentes: baptizantes eos in nómine Patris, & Fílii, & Spíritus sancti: docétes eos servare omnia quæcúmque mandávi vobis. Et ecce ego vobiscum sum omnibus diébus, usque ad consummationem sæculi. **Credo.**

**Offertorium.** Benedíctus sit Deus Pater, unigenitúsque Dei Fílius, sanctus quoque Spíritus: quia fecit nobiscum misericórdiam suam.

**Secreta.**

**S**anctifica, quæsumus Dómine Deus noster, per tui sancti nominis invocatióem, hujus oblatiós hóstiam: & per eam nosmetipsos tibi pèrfice munus æternum. Per Dóminum nostrum Jesum Christum Fílium tuum: Qui tecum vivit & regnat.

**Pro Dominica.**

**Secreta.**

**H**ostias nostras, quæsumus Dómine, tibi dicatas placátus assúme: & ad perpétuum nobis tribue provenire subsidium. Per Dóminum nostrum Jesum Christum Fílium tuum: Qui tecum vivit & regnat.

**Præfatio.** Qui cum unigénito Fílio tuo. **ut suprà. Pag. 258.**

**Communio.** Benedícimus Deum cæli, & coram omnibus vivéntibus confitebimur ei: quia fecit nobiscum misericórdiam suam.

**Postcom-**



## Postcommunio.

**P**roficiat nobis ad salutem corporis & animæ, Domine Deus noster, huius sacramenti susceptio: & sempiternæ sanctæ Trinitatis, ejusdemque individue unitatis confessio. Per Dominum nostrum Jesum Christum Filium tuum: Qui tecum vivit & regnat.

## Pro Dominica.

## Postcommunio.

**T**antis, Domine, repleti muneribus, præsta quæsumus: ut & salutaria dona capiâmus; & à tua numquam laude cessemus. Per Dominum nostrum Jesum Christum Filium tuum: Qui tecum vivit & regnat.

In fine Missæ legitur Evangelium  
Dominicæ sequentis.

## DOMINICA I.

Post Pentecosten.

## Introitus.



Psal.

12.

Domine, in tua misericordia speravi: exultavit cor meum in salutari tuo, cantabo Domino, qui bona tribuit mihi. **Psalmus.** Usquequò Domine oblivisceris me in finem? usquequò avertis faciem tuam à me? **V.** Gloria Patri.

## Oratio.

**D**EUS in te sperantium fortitudo, adesto propitius invocationibus nostris: & quia sine te nihil potest mortalis infirmitas, præsta auxilium gratiæ tuæ; ut in

exequendis mandatis tuis, & voluntate tibi & actione placeamus. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Lectio Epistolæ beati Joannis**  
Apóstoli.

**C**harissimi, Deus charitas est. In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum: In hoc est charitas: non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris. Charissimi, si sic Deus dilexit nos: & nos debemus alterutrum diligere. Deum nemo vidit umquam. Si diligamus invicem, Deus in nobis manet, & charitas ejus in nobis perfecta est. In hoc cognoscimus quoniam in eo manemus, & ipse in nobis: quoniam de Spiritu suo dedit nobis. Et nos vidimus, & testificamur, quoniam Pater misit Filium suum salvatorem mundi. Quisquis confessus fuerit quoniam Jesus est Filius Dei, Deus in eo manet, & ipse in Deo. Et nos cognovimus, & credidimus charitati, quam habet Deus in nobis. Deus charitas est: & qui manet in charitate, in Deo manet, & Deus in eo. In hoc perfecta est charitas Dei nobiscum, ut fiduciam habeamus in die iudicii: quia sicut ille est, & nos sumus in hoc mundo. Timor non est in charitate: sed perfecta charitas foras mittit timorem, quoniam

niam

## Oratio.

**D**A nobis, quæsumus Domine, ut & mundi cursus pacifice nobis tuo ordine dirigatur: & Ecclesia tua tranquilla devotione lætetur. Per Dominum nostrum Jesum Christum Filium tuum.

**Secunda Oratio.** A Cunctis nos. **Ant.** supra. Pag. 363. **Tertia ad libitum.**

**Lectio Epistolæ beati Pauli**  
Apóstoli ad Romanos.

**R**atres, Existimo, quod non sunt condignæ passionēs huius temporis ad futuram gloriam, quæ revelabitur in nobis. Nam expectatio creaturæ, revelationem filiorum Dei expectat. Vanitatem enim creatura subiecta est, non volens, sed propter eum, qui subiecit eam in spe: quia & ipsa creatura liberabitur à servitute corruptionis, in libertatem gloriæ filiorum Dei. Scimus enim quod omnis creatura ingemiscit, & parturit usque adhuc. Non solum autem illa, sed & nos ipsi primitias spiritus habentes, & ipsi intra nos gemimus, adoptionem filiorum Dei expectantes, redemptionem corporis nostri: in Christo Jesu Domino nostro.

**Graduale.** Propitius esto Domine peccatis nostris: ne quando dicant Gentes, Ubi est Deus eorum? **V.** Adjuva nos Deus salutaris noster, & propter honorem nominis tui Domine libera nos. **Alleluja,** alleluja. **V.** Deus, qui sedes super thronum, & iudicas æquitatem, esto refugium pauperum in tribulatione. **Alleluja.**

**Sequentia sancti Evangelii**  
secundum Lucam.

**I**n illo tempore: Cum turbæ iruerent in Jesum, ut audirent verbum Dei, & ipse stabat secus stagnum Genesareth. Et vidit duas naves stantes secus stagnum: piscatores autem descenderant, & lavabant retia. Ascendens autem in unam navim, quæ erat Simonis, rogavit eum à terra reducere pusillum. Et sedens, docebat de navicula turbas. Ut cessavit autem loqui, dixit ad Simonem: Duc in altum, & laxare retia vestra in capturam. Et respondens Simon, dixit illi: Præceptor, per totam noctem laborantes, nihil cepimus: in verbo autem tuo laxabo rete. Et cum hoc fecissent, conclusérunt piscium multitudinem copiosam: rumpebatur autem rete eorum. Et annuerunt sociis, qui erant in alia navi, ut venirent, & adjuvarent eos: Et venérunt, & impleverunt ambas navículas, ita ut pænè mergerentur. Quod cum videt Simon Petrus, pròcidit ad gēna Jesu, dicens: Exi à me, quia homo peccator sum, Domine. Stupor enim circumdederat eum, & omnes qui cum illo erant, in captura piscium quam ceperant: similiter autem Jacobum & Joannem, filios Zebedæi, qui erant socii Simonis. Et ait ad Simonem Jesus: Noli timere: ex hoc jam homines eris capiens. Et subductis ad terram navibus, relictis omnibus secuti sunt eum. **Credo.**

**Offertorium.** Illumina oculos meos, ne umquam obdormiam in

N n n

morte:



morte: nè quando dicat inimicus meus, præválui adversus eum.

**Secreta.**

**O**blationibus nostris, quæsumus Dómine placare suscéptis: & ad te nostras etiam rebelles compelle propitius voluntates. Per Dóminum nostrum Jesum Christum Fílium tuum: Qui tecum vivit & regnat.

**Alia Secreta.** Exáudi nos Deus, ut suprà. Pag. 364. Tertia ad libitum.

**Communio.** Dóminus firmamentum meum, & refúgium meum, & liberátor meus, Deus meus, adjutor meus.

**Postcommunio.**

**M**ysteria nos, Dómine quæsumus, sumpta purificent, & suo múnere tueántur. Per Dóminum nostrum Jesum Christum Fílium tuum: Qui tecum vivit & regnat.

**Alia Postcommunio.** Mundet, & múniat. Pag. 364. Tertia ad libitum.

**DOMINICA V.**

**Post Pentecosten.**

**Introitus.**

**E**xáudi Dómine vocem meam, qua clamávi ad te: adjutor meus esto, nè derelinquas me, neque despicias me Deus salutaris meus. **Psalmus.** Dóminus illuminatio mea, & salus mea, quem timebo? **Glória Patri.**

**Oratio.**

**D**EUS, qui diligentibus te bona invisibilia præparasti: infunde córdibus nostris tui amoris affectum; ut te in ómnibus & super ómnia diligentes, promissiones tuas, quæ omne desiderium superant, consequámur. Per Dóminum nostrum Jesum Christum Fílium tuum: Qui tecum vivit & regnat.

**Secunda Oratio.** A cunctis nos, ut suprà. Pag. 363. Tertia ad libitum.

**Lectio Epístolæ beati Petri Apóstoli.**

**C**harissimi: Omnes unánimes in oratione estote, patientes, fraternitatis amatores, misericordes, modesti, humiles: non reddentes malum pro malo, nec maledictum pro maledicto, sed e contrariis benedicentes: quia in hoc vocati estis, ut benedictionem hereditate possideatis. Qui enim vult vitam diligere, & dies videre bonos, coerceat linguam suam a malo, & labia ejus nè loquantur dolum. Declinet a malo, & faciat bonum: inquirat pacem, & sequatur eam. Quia óculi Dómini super justos, & aures ejus in preces eorum: vultus autem Dómini super facientes mala. Et quis est qui vobis nóceat, si boni amulatores fueritis? sed & si quid parimini propter justitiam, beati. Timorem autem eorum nè timueritis, & non conturbemini. Dóminum autem Christum sanctificate in córdibus vestris.

**Graduale.** Protéctor noster aspice Deus: & respice super servos tuos.

tuos. **Glória Patri.** Dómine Deus virtutum, exáudi preces servorum tuorum. **Allelúja, allelúja.** Dómine in virtute tua latábitur Rex: & super salutare tuum exultábit vehementer. **Allelúja.**

**Sequentia sancti Evangelii** secundum Matthæum.

**I**n illo tempore: Dixit Jesus discipulis suis: Nisi abundáverit justitia vestra plus quam Scribarum, & Phariseorum, non intrábitis in regnum cælorum. Audistis, quia dictum est antiquis: Non occides: qui autem occiderit, reus erit iudicio. Ego autem dico vobis: quia omnis, qui irascitur fratri suo, reus erit iudicio. Qui autem dixerit fratri suo, raca: reus erit concilio. Qui autem dixerit, fatue: reus erit gehennæ ignis. Si ergo offers munus tuum ad altare, & ibi recordatus fueris quia frater tuus habet aliquid adversum te: relinque ibi munus tuum ante altare, & vade prius reconciliari fratri tuo: & tunc veniens offeres munus tuum. **Credo.**

**Offertorium.** Benedicam Dóminum, qui tribuit mihi intellectum: providébam Deum in conspectu meo semper: quoniam a dextris est mihi, nè commovear.

**Secreta.**

**P**ropitiare Dómine supplicationibus nostris: & has oblationes famulorum famularumque tuarum benignus assúme; ut, quod singuli obtulerunt ad honorem nóminis tui, cunctis proficiat ad salutem. Per Dóminum nostrum Jesum Christum Fílium tuum.

**Alia Secreta.** Exáudi nos Deus, ut suprà. Pag. 364. Tertia ad libitum.

**Communio.** Unam petii a Dómino, hanc requiram: ut inhábitem in domo Dómini ómnibus diebus vitæ meæ.

**Postcommunio.**

**Q**uos cælesti, Dómine, dono satiasti: presta quæsumus; ut a nostris mundemur occultis, & ab hostium liberemur insidiis. Per Dóminum nostrum Jesum Christum Fílium tuum: Qui tecum.

**Altera Postcommunio.** Mundet, & múniat. ut suprà. Pag. 364. Tertia ad libitum.

**DOMINICA VI.**

**Post Pentecosten.**

**Introitus.**

**D**ominus fortitudo plebis suæ, & protéctor salutarium Christi sui est: saluum fac pópulum tuum Dómine, & benedic hereditatibus, & rege eos usque in sæculum. **Psalmus.** Ad te Dómine clamábo, Deus meus nè sileas a me: nè quando taceas a me, & assimilabor descendéntibus in lacum. **Glória Patri.**

**Oratio.**

**D**EUS virtutum, cujus est totum quod est optimum: insere pectoribus nostris amorem tui nóminis, & presta in nobis religionis augmentum: ut quæ sunt bona, nutrias, ac pietatis studio,



quæ sunt nutrita, custodias. Per Dñm nostrum Jesum Christum Filium tuum.

**Secunda Oratio.** A Cunctis nos. ut in Dominica III. post Pentecosten. Pag. 363. Tertia ad libitum.

**Lectio Epistolæ beati Pauli** Apóstoli ad Romános.

**R**atres, Quicumque baptizati sumus in Christo Jesu, in morte ipsius baptizati sumus. Consepulti enim sumus cum illo per baptismum in mortem: ut quomodo Christus surrexit à mortuis per glóriam Patris, ita & nos in novitate vitæ ambulemus. Si enim complantati facti sumus similitudini mortis ejus: simul & resurrectionis erimus. Hoc sciéntes, quia verus homo noster simul crucifixus est, ut destruatur corpus peccati, & ultra non serviámus peccato. Qui enim mortuus est, justificatus est à peccato. Si autem mortui sumus cum Christo: credimus quia simul etiam vivemus cum Christo: sciéntes quod Christus resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo. Ita & vos existimate, vos mortuos quidem esse peccato, vivéntes autem Deo, in Christo Jesu Dño nostro.

**Graduale.** Convertere Dñmine aliquantulum: & deprecare super servos tuos. **V.** Dñmine refugium factus es nobis, à generatione & progénie. **Allelúja, allelúja.** **V.** In te Dñmine speravi, non confundar in ætérnum: in justitia tua li-

bera me, & eripe me: inclina ad me aurem tuam, accelera, ut eripias me. **Allelúja.**

**Sequéntia sancti Evangelii** secundum Marcum.

**I**n illo tempore: Cum turba multa esset cum Jesu, nec haberent quod manducarent: convocatis discipulis, ait illis: Misereor super turbam: quia ecce jam triduo sustinent me, nec habent quod manducent: & si dimisero eos jejunos in domum suam, deficient in via: quidam enim ex eis de longè venerunt. Et responderunt ei discipuli sui: Unde illos quis poterit hic saturare panibus in solitudine? Et interrogavit eos: Quot panes habetis? Qui dixerunt: Septem. Et præcepit turbæ discumbere super terram. Et accipiens septem panes, grátias agens fregit, & dabat discipulis suis, ut apponerent, & apposuerunt turbæ. Et habebant pisciculos paucos: & ipsos benedixit, & jussit apponi. Et manducaverunt, & saturati sunt, & sustulerunt quod superáverat de fragmentis, septem sportas. Erant autem qui manducáverant, quasi quatuor millia: & dimisit eos. **Credo.**

**Offertorium.** Perfice gressus meos in semitis tuis, ut non moveántur vestigia mea: inclina aurem tuam, & exaudi verba mea: mirifica misericórdias tuas, qui salvos facis sperántes in te, Dñmine.

**Secreta.** Propitiare, Dñmine, supplicationibus nostris, & has populi tui oblationes benígnus asúme: &

ut

ut nullus sit irritum votum, nullus vácuus postulatio, præsta; ut quod fideliter pétimus, efficaciter consequámur. Per Dñm nostrum Jesum Christum Filium tuum.

**Alia Secreta.** Exaudi nos Deus. ut suprà. Pag. 364. Tertia ad libitum.

**Communio.** Circúibo, & immolábo in tabernáculo ejus hostiam jubilatiónis: cantábo, & psalmum dicam Dño.

**Postcommunio.**

**R**epleri sumus, Dñmine, munéribus tuis: tribue quæsumus; ut eorum & mundemur effectú, & muniámur auxilio. Per Dñm nostrum Jesum Christum Filium tuum: Qui tecum.

**Alia Postcommunio.** Mundet & muniat. Pag. 364. Tertia ad libitum.

## DOMINICA VII.

Post Pentecosten.

**Introitus.**



Mnes Gentes pláudite máribus: jubilate Deo in voce exultatiónis. **Psalmus.** Quoniam

Dñminus excelsus, terribilis: Rex magnus super omnem terram. **V.** Glória Patri.

**Oratio.**

**D**EUS, cujus providéntia in sua dispositiõe non fallitur: te supplices exorámus; ut nóxia cuncta submóveas, & ómnia nobis profutura concédas. Per Dñm

nostrum Jesum Christum Filium tuum: Qui tecum.

**Secunda Oratio.** A Cunctis nos. ut suprà. Pag. 363. Tertia ad libitum.

**Lectio Epistolæ beati Pauli** Apóstoli ad Romános.

**R**atres, Humánum dico, propter infirmitatem carnis vestra: sicut enim exhibuistis membra vestra servire immunditiæ, & iniquitati ad iniquitatem; ita nunc exhibete membra vestra servire justitiæ in sanctificatiõe. Cum enim servi esetis peccati, liberi fuistis justitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc verò liberati à peccato, servi autem facti Deo, habetis fructum vestrum in sanctificatiõe, finem verò vitam ætérnam. Stipéndia enim peccati, mors. Grátia autem Dei, vita ætérna: in Christo Jesu Dño nostro.

**Graduale.** Venite filii, audite me: timórem Dñmi docébo vos. **V.** Accédite ad eum, & illuminámini: & fácies vestra non confundentur. **Allelúja, allelúja.** **V.** Omnes Gentes pláudite máribus; jubilate Deo in voce exultatiónis. **Allelúja.**

**Sequéntia sancti Evangelii** secundum Matthæum.

**I**n illo tempore: Dixit Jesus discipulis suis: Atténdite à falsis prophétis, qui veniunt ad vos in vestiméntis óvium, intrínsecus autem sunt lupi rapaces. A fructibus eorum cognoscetis eos. Num-

N n n 3

quid



quid colligunt de spinis uvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus facere: neque arbor mala bonos fructus facere. Omnis arbor, quæ non facit fructum bonum, excidetur, & in ignem mittetur. Igitur ex fructibus eorum cognoscetis eos. Non omnis qui dicit mihi, Domine, Domine, intrabit in regnum celorum: sed qui facit voluntatem Patris mei, qui in celis est, ipse intrabit in regnum celorum. **Credo.**

Dan.  
3. d.

**Offertorium.** Sicut in holocaustis arietum & taurorum, & sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quia non est confusio confidentibus in te, Domine.

**Secreta.**

**DEUS**, qui legalium differentiam hostiarum, unus sacrificii perfectione sanxisti: accipe sacrificium à devotis tibi famulis, & pari benedictione, sicut munera Abel, sanctifica: ut quod singuli obtulerunt ad maiestatis tuæ honorem, cunctis proficiat ad salutem. Per Dominum nostrum Jesum Christum.

**Alia Secreta.** Exaudi nos Deus. ut supra. Pag. 364. **Tertia ad libitum.**

Psal.  
30.

**Communio.** Inclina aurem tuam, accelera, ut eripias me.

**Postcommunio.**

**T**ua nos, Domine, medicinalis operatio, & à nostris pervertatibus clementer expediat, & ad

ea quæ sunt recta, perducat. Per Dominum nostrum Jesum Christum Filium tuum: Qui tecum.

**Altera Postcommunio.** Mundet & muniat. Pag. 364. **Tertia ad libitum.**

\*\*\*\*\*

## DOMINICA VIII. Post Pentecosten.

**Introitus.**

**U**scépi<sup>47.</sup>mus Deus misericórdiam tuam in medio templi tui: secundum nomen tuum Deus, ita

& laus tua in fines terræ: iustitia plena est dextera tua. **Psalms.** Magnus Dominus, & laudabilis nimis: in civitate Dei nostri, in monte sancto ejus. **Glória Patri.**

**Oratio.**

**L**argire nobis, quæsumus Domine, semper spiritum cogitandi quæ recta sunt, propitius & agendi: ut qui sine te esse non possumus, secundum te vivere valeamus. Per Dominum nostrum Jesum Christum Filium tuum.

**Secunda Oratio.** A cunctis nos, ut supra. Pag. 363. **Tertia ad libitum.**

**Lectio Epistolæ beati Pauli**  
Apóstoli ad Romanos.

**F**ratres, Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim

spiritu

spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba (Pater.) Ipse enim Spiritus testimonium reddit spiritui nostro, quod sumus filii Dei. Si autem filii, & heredes: heredes quidem Dei, coheredes autem Christi.

Psal.  
30.

**Graduale.** Esto mihi in Deum protectorem, & in locum refugii, ut salvum me facias. **Deus** in te speravi: Domine non confundar in æternum. **Alleluja, alleluja.** **Magnus Dominus, & laudabilis valde, in civitate Dei nostri, in monte sancto ejus. Alleluja.**

**Sequencia sancti Evangelii** secundum Lucam.

Luc.  
16. a.

**I**n illo tempore: Dixit Jesus discipulis suis parabolam hanc: Homo quidam erat dives, qui habebat villicum: & hic diffamatus est apud illum quasi dissipasset bona ipsius. Et vocavit illum, & ait illi: Quid hoc audio de te? rede rationem villicationis tuæ: jam enim non poteris villicare. Ait autem villicus intra se: Quid faciam, quia dominus meus aufert à me villicationem? fodere non valeo, mendicare erubescio. Scio quid faciam, ut, cum amotus fuero à villicatione, recipiant me in domos suas. Convocatis itaque singulis debitoribus domini sui, dicebat primo: Quantum debes domino meo? At ille dixit: Centum cados olei. Dixitque illi: Accipe cautionem tuam: & sede citò, scribe quinquaginta. Deinde alii di-

xit: Tu verò quantum debes? Qui ait: Centum coros tritici. Ait illi: Accipe litteras tuas, & scribe octoginta. Et laudavit Dominus villicum iniquitatis, quia prudenter fecisset: quia filii huius sæculi prudentiores filiis lucis in generatione sua sunt. Et ego vobis dico: facite vobis amicos de mammona iniquitatis: ut, cum defeceritis, recipiant vos in æterna tabernacula. **Credo.**

Psal.  
17.

**Offertorium.** Populum humilem salvum facies Domine, & oculos superborum humiliabis: quoniam quis Deus præter te Domine?

**Secreta.**

**S**uscipe, quæsumus Domine, munera, quæ tibi de tua largitate deferimus: ut hæc sacrosancta mysteria, gratiæ tuæ operante virtute, & præsentis vitæ nos conversatione sanctificent, & ad gaudia sempiterna perducant. Per Dominum nostrum Jesum Christum Filium tuum: Qui tecum.

**Alia Secreta.** Exaudi nos Deus. ut supra. Pag. 364. **Tertia ad libitum.**

**Communio.** Gustate, & videte, quoniam suavis est Dominus: beatus vir, qui sperat in eo.

**Postcommunio.**

**S**it nobis, Domine, reparatio mentis & corporis cælestis mysterium: ut cujus exequimur cultum, sentiâmus effectum. Per Dominum nostrum Jesum Christum Filium tuum.

**Alia Postcommunio.** Mundet, & muniat. Pag. 364. **Tertia ad libitum.**

DOM I.



## DOMINICA IX.

Post Pentecosten.

Introitus.

**E**cce Deus adjuvat me, & Dominus susceptor est animæ meæ: avertite mala inimicis meis, & in veritate tua disperde illos, protector meus Domine. *Psalmus.* Deus in nomine tuo saluum me fac: & in virtute tua libera me. *V.* Gloria Patri.

Oratio.

**P**ateant aures misericordiæ tuæ, Domine, precibus supplicantiū: & ut petentibus desiderata concedas; fac eos, quæ tibi sunt placita, postulare. Per Dominum nostrum Jesum Christum Filium tuum: Qui tecum vivit & regnat.

*Secunda Oratio.* A Cunctis nos. *ut suprà. Pag. 363. Tertia ad libitum.*

**Lectio Epistolæ beati Pauli**  
Apóstoli ad Corinthios.

**R**atres, Non sumus concupiscentes malorum, sicut & illi concupiérunt. Neque idololatras efficiamini, sicut quidam ex ipsis: quemadmodum scriptum est: Sedit populus manducare & bibere, & surrexerunt ludere. Neque fornicemur, sicut quidam ex ipsis fornicati sunt; & ceciderunt una die viginti tria millia. Neque tentemus Christum: sicut quidam eorum tentaverunt, & à serpentibus perierunt. Neque murmuraveri-

ris, sicut quidam eorum murmuraverunt, & perierunt ab exterminatore. Hæc autem omnia in figura contingebant illis: scripta sunt autem ad Correptionem nostram, in quos fines sæculorum devenérunt. Itaque qui se existimat stare, videat nè cadat. Tentatio vos non apprehendat, nisi humana: fidelis autem Deus est, qui non patietur vos tentari suprà id quod potestis, sed faciet etiam cum tentatione provéntum, ut possitis sustinere.

*Graduale.* Domine Dominus noster, quam admirabile est nomen tuum in universa terra! *V.* Quoniam elevata est magnificentia tua super coelos. *Allelúja, allelúja.* *V.* Eripe me de inimicis meis Deus meus: & ab insurgentibus in me libera me. *Allelúja.*

**Sequentia sancti Evangelii**  
secundum Lucam.

**I**n illo tempore: Cum appropinquaret Jesus Jerúsalem, videns civitatem, flevit super illam, dicens: Quia si cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis. Quia venient dies in te: & circumdabunt te inimici tui vallo, & circumdabunt te: & coangustabunt te undique: & ad terram prosternent te, & filios tuos, qui in te sunt, & non relinquent in te lapidem super lapidem: eò quod non cognoveris tempus visitationis tuæ. Et ingressus in templum, cepit ejicere vendentes in illo, & ementes, dicens illis: Scriptum est: Quia domus mea

domus

domus orationis est. Vos autem fecistis illam speluncam latronum. Et erat docens quotidie in templo.

Credo.

*Offertorium.* Justitiæ Domini rectæ, lætificantes corda, & iudicia ejus dulcióra super mel & favum: nam & servus tuus custodit ea.

Secreta

**C**oncede nobis, quæsumus Domine, hæc dignè frequentare mysteria: quia quoties hujus hostiæ commemoratio celebratur, opus nostræ redemptionis exercetur. Per Dominum nostrum Jesum Christum Filium tuum.

*Alia Secreta.* Exaudi nos. *Pag. 364. Tertia ad libitum.*

*Communio.* Qui manducat meam carnem, & bibit meum sanguinem, in me manet, & ego in eo dicat Dominus.

Postcommunio.

**T**ui nobis, quæsumus Domine, communio sacramenti, & purificationem conferat, & tribuat unitatem. Per Dominum nostrum Jesum Christum Filium tuum.

*Alia Postcommunio.* Mundet & muniat. *Pag. 364. Tertia ad libitum.*

## DOMINICA X.

Post Pentecosten.

Introitus.

**D**um clamarem ad Dominum, exaudivit vocem meam, ab his qui appropinquant mihi: &

humiliavit eos, qui est ante sæcula, & manet in æternum: iacta cogitatum tuum in Domino, & ipse te enutriet. *Psalmus.* Exaudi Deus orationem meam, & nè despexeris deprecationem meam: intende mihi, & exaudi me. *V.* Gloria Patri.

Oratio.

**D**EUS, qui omnipotentiam tuam parcendo maxime & miserando manifestas: multiplica super nos misericordiam tuam; ut ad tua promissa currentes, cælestium bonorum facias esse confortes. Per Dominum nostrum Jesum Christum Filium tuum.

*Secunda Oratio.* A Cunctis nos. *ut suprà. Pag. 363. Tertia ad libitum.*

**Lectio Epistolæ beati Pauli**  
Apóstoli ad Corinthios.

**R**atres, Scitis quoniam cum gentes essetis, ad simulacra muta prout ducebamini euntes. Ideò notum vobis facio, quod nemo in spiritu Dei loquens, dicit anathema Jesu. Et nemo potest dicere, Dominus Jesus, nisi in spiritu sancto. Divisiones verò gratiarum sunt; idem autem Spiritus. Et divisiones ministratorum sunt, idem autem Dominus. Et divisiones operationum sunt, idem verò Deus, qui operatur omnia in omnibus. Unicuique autem datur manifestatio spiritus ad utilitatem. Alii quidem per spiritum datur sermo sapientiæ: alii autem sermo scientiæ secundum eundem spiritum: alii fides in eodem spiritu: alii gratia sanitatum in uno spiritu: alii operatio virtutum,

O o o

alii



alii prophetia, alii discretio spirituum, alii genera linguarum, alii interpretatio sermonum. Hæc autem omnia operatur unus atque idem Spiritus, dividens singulis prout vult.

**Graduale.** Custodi me Domine ut pupillam oculi: sub umbra alarum tuarum protege me. **✠.** De vultu tuo iudicium meum prodeat: oculi tui videant æquitatem. **Alleluja, alleluja.** **✠.** Te decet hymnus Deus in Sion: & tibi reddetur votum in Ierusalem. **Alleluja.**

**Sequentia sancti Evangelii**  
secundum Lucam.

**I**n illo tempore: Dixit Jesus ad quosdam, qui in se confidebant tamquam iusti, & aspernabantur ceteros, parabolam istam: Duo homines ascenderunt in templum ut orarent: unus Phariseus, & alter publicanus. Phariseus stans, hæc apud se orabat: Deus gratias ago tibi, quia non sum sicut ceteri hominum: raptores, iniusti, adulteri: velut etiam hic publicanus. Jejuno bis in sabbato: decimas decimarum omnium quæ possideo. Et publicanus à longè stans, nolèbat nec oculos ad cælum levare: sed percutiebat pectus suum, dicens: Deus propitius esto mihi peccatori. Dico vobis: descendit hic justificatus in domum suam ab illo: quia omnis qui se exaltat, humiliabitur: & qui se humiliat, exaltabitur.

**Credo.**

**Offertorium.** Ad te Domine levavi animam meam: Deus meus in te confido, non erubescam: neque irideant me inimici mei: ete-

nim universi qui te expectant, non confundentur.

**Secreta.**

**T**ibi Domine sacrificia dicata reddantur: quæ sic ad honorem nominis tui deferenda tribuisti, ut eadem remedia fieri nostra præstares. Per Dominum nostrum Jesum Christum Filium tuum.

**Alia Secreta.** Exaudi nos Deus. **ut supra. Pag. 364. Tertia ad libitum.**

**Communio.** Acceptabis sacrificium iustitiæ, oblationes, & holocausta, super altare tuum Domine.

**Postcommunio.**

**Q**uæsumus Domine Deus noster: ut quos divinis reparare non desinis sacramentis; tuis non destituas benignus auxiliis. Per Dominum nostrum Jesum Christum Filium tuum: Qui tecum.

**Alia Postcommunio.** Mundet & muniat. **Pag. 364. Tertia ad libitum.**

**DOMINICA XI.**

**Post Pentecosten.**

**Introitus.**

**D**EUS in loco sancto suo: Deus, qui inhabitare facit unanimes in domo: ipse dabit virtutem

& fortitudinem plebi suæ. **Psalmus.** Exurgat Deus, & dissipentur inimici ejus: & fugiant, qui oderunt eum, à facie ejus. **✠.** Gloria Patri

**Oratio.**

**Oratio.**

**O**mnipotens sempiternæ Deus, qui abundantia pietatis tuæ & merita supplicum excedis & vota: effunde super nos misericordiam tuam; ut dimittas quæ conscientia meruit, & adjicias quod oratio non præsumit. Per Dominum nostrum Jesum Christum Filium tuum: Qui tecum.

**Secunda Oratio.** A Cunctis nos. **ut supra. Pag. 363. Tertia ad libitum.**

**Lectio Epistolæ beati Pauli**  
Apóstoli ad Corinthios.

**F**ratres, Notum vobis facio Evangelium, quod prædicavi vobis, quod & accepistis, in quo & statis, per quod & salvamini: quæ ratione prædicaverim vobis, si tenetis, nisi frustra credidistis. Trádidisti enim vobis in primis, quod & accepi: quoniam Christus mortuus est pro peccatis nostris secundum Scripturas: & quia sepultus est, & quia resurrexit tertia die secundum Scripturas: & quia visus est Cepha, & post hoc undecim. Deinde visus est plusquam quingentis fratribus simul: ex quibus multi manent usque adhuc, quidam autem dormierunt. Deinde visus est Jacobo, deinde Apóstolis omnibus: novissime autem omnium tamquam abortivo, visus est & mihi. Ego enim sum minimus Apostolorum, qui non sum dignus vocari Apóstolus, quoniam persecutus sum Ecclesiam Dei. Grátia autem Dei sum id quod sum: & grátia ejus in me vacua non fuit.

**Graduale.** In Deo speravit cor meum, & adjutus sum: & restituit caro mea: & ex voluntate mea confitebor illi. **✠.** Ad te Domine clamavi: Deus meus ne sileas: ne discedas à me. **Alleluja, alleluja.** **✠.** Exultate Deo adjutori nostro, jubilate Deo Jacob: sumite psallum jucundum cum cithara. **Alleluja.**

**Sequentia sancti Evangelii**  
secundum Marcum.

**I**n illo tempore: Exiens Jesus de finibus Tyri, venit per Sidonem ad mare Galilææ, inter medios fines Decapoleos. Et adducunt ei surdum & mutum, & deprecabantur eum, ut imponat illi manum. Et apprehendens eum de turba seorsum, misit digitos suos in aurículas ejus: & exspuens, tetigit linguam ejus: & suspiciens in cælum, ingemuit, & ait illi: Epheta, quod est, adaperire. Et statim apertæ sunt aures ejus, & solutum est vinculum linguæ ejus, & loquebatur rectè. Et præcepit illis, ne cui dicerent. Quantò autem eis præcipiebat, tantò magis plus prædicabant: & eò ampliùs admirabantur, dicentes: Benè omnia fecit: & surdos fecit audire, & mutos loqui. **Credo.**

**Offertorium.** Exaltabo te Domine, quoniam suscepisti me, nec delectasti inimicos meos super me: Domine clamavi ad te, & sanasti me.

**Secreta.**

**R**espice, Domine quæsumus, nostram propitius servitutem: ut quod offerimus, sit tibi munus ac-

O o o 2

ceptum,



céptum; & sit nostræ fragilitatis subsidium. Per Dóminum nostrum Jesum Christum.

**Alia Secreta.** Exáudi nos Deus.

**Pag. 364. Tertia ad libitum.**

**Communio.** Honóra Dóminum de tua substantia, & de primitiis frugum tuarum: & implebuntur hórrea tua saturitate, & vino torcularia redundabunt.

**Postcommunio.**

**S**entiámus, quæsumus Dómine, tui perceptiõne sacramenti, subsidium mentis & corporis: ut in utrõque salvati, cœlestis remedii plenitudine glóriemur: Per Dóminum nostrum Jesum Christum Fílium tuum.

**Altera Postcommunio.** Mundet & múniat. **Pag. 364. Tertia ad libitum.**

## DOMINICA XII.

Post Pentecosten.

**Inroitus.**

**D**EUS in adiutorium meum intende: Dómine ad adjuvandum me festina: confundantur & revereantur inimici mei, qui quærunt animam meam. **Psalms. A.** vertantur retrorsum, & erubescant: qui cógitant mihi mala. **Glória Patri.**

**Oratio.**

**O**mnipotens & misericors Deus, de cujus munere venit, ut tibi à fidelibus tuis dignè & laudabiliter serviatur: tribue quæsu-

mus nobis; ut ad promissiones tuas sine offensione currámus. Per Dóminum nostrum Jesum Christum Fílium tuum.

**Secunda Oratio.** A Cunctis nos. ut suprâ. **Pag. 363. Tertia ad libitum.**

**Lectio Epistolæ beati Pauli**  
Apóstoli ad Corínthios.

**F**ratres, fiduciam talem habemus per Christum ad Deum: non quod sufficientes simus cogitare aliquid à nobis, quasi ex nobis: sed sufficientia nostra ex Deo est: qui & idoneos nos fecit ministros novi testamenti; non littera, sed Spíritu: littera enim occidit, Spíritus autem vivificat. Quod si ministratio mortis, litteris deformata in lapidibus, fuit in glória; ita ut non possent intendere filii Israël in faciem Móysi, propter glóriam vultus ejus, quæ evacuatur: quomodo non magis ministratio Spíritus erit in glória? Nam si ministratio damnationis glória est: multò magis abundat ministerium justitiæ in glória.

**Graduale.** Benedicam Dóminum in omni tempore: semper laus ejus in ore meo. **Psalm.** In Dómino laudabitur anima mea: audiant mansueti, & lætentur. **Allelúja, allelúja.** **Psalm.** Dómine Deus salútis meæ, in die clamavi, & nocte coram te Allelúja.

**Sequéntia sancti Evangelii secundum Lucam.**

**I**n illo tempore: Dixit Jesus discipulis suis: Beati óculi, qui vident quæ vos videtis. Dico enim vobis,

vobis, quod multi Prophætæ & reges voluerunt videre quæ vos videtis, & non viderunt; & audire quæ auditis, & non audierunt. Et ecce, quidam Legisperitus surrexit, tentans illum, & dicens: Magister, quid faciéndò vitam æternam possidebo? At ille dixit ad eum: In lege quid scriptum est? quomodo legis? Ille respondens, dixit: Diliges Dóminum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua: & proximum tuum sicut teipsum. Dixitque illi: Rectè respondisti: hoc fac, & vives. Ille autem volens justificare seipsum, dixit ad Jesum: Et quis est meus proximus? Suscipiens autem Jesus, dixit: Homo quidam descendebat ab Jerúsalem in Jericho, & incidit in latrones, qui etiam despoliaverunt eum: & plagis impositis abiierunt, semivivo relicto. Accidit autem ut sacerdos quidam descenderet eadem via: & viso illo, præterivit. Similiter & Levita, cum esset secus locum, & videt eum, pertransiit. Samaritanus autem quidam iter faciens, venit secus eum: & videns eum, misericórdia motus est. Et appropians, alligavit vulnera ejus, infundens óleum, & vinum: & imponens illum in jumentum suum, duxit in stabulum, & curam ejus egit. Et altera die protulit duos denarios, & dedit stabulario, & ait: Curam illius habe: & quodcumque super erogaveris, ego cum rediero reddam tibi. Quis horum trium videtur tibi proximus? fuisse illi, qui incidit in latrones?

At ille dixit: Qui fecit misericórdiam in illum. Et ait illi Jesus: Vade, & tu fac similiter. **Credo.** **Offertorium.** Precátus est Móyses in conspectu Dómini Dei sui, & dixit: Quare Dómine irasceris in pópulo tuo? parce iræ animæ tuæ: meménto Abraham, Isaac, & Jacob, quibus jurásti dare terram fluentem lac & mel: & placátus factus est Dóminus de malignitate, quàm dixit facere pópulo suo.

**Secreta.**

**H**ostias, quæsumus Dómine, propitiùs intende, quas sacris altaribus exhibemus: ut nobis indulgentiam largiéndò, tuo nómini dent honórem. Per Dóminum nostrum Jesum Christum Fílium tuum: Qui tecum vivit & regnat in unitate Spíritus sancti Deus.

**Alia Secreta.** Exáudi nos. **Pag. 364. Tertia ad libitum.**

**Communio.** De fructu óperum tuorum, Dómine, satiabitur terra: ut educas panem de terra, & vinum lætificet cor hóminis: ut exhilaret faciem in óleo, & panis cor hóminis confirmet.

**Postcommunio.**

**V**ivificet nos, quæsumus Dómine, hujus participatio sancta mystérii: & pariter nobis expiationem tríbuat, & munimen. Per Dóminum nostrum Jesum Christum Fílium tuum: Qui tecum vivit & regnat in unitate Spíritus sancti Deus, per ómnia sæcula sæculórum. **Amen.**

**Alia Postcommunio.** Mundet & múniat. **Pag. 364. Tertia ad libitum.**



## DOMINICA XIII.

Post Pentecosten.

Introitus.

**R**espice Domine in testamentum tuum; & animas pauperum tuorum ne derelinquas in finem: exurge Domine, & iudica causam tuam, & ne obliviscaris voces querentium te. **Psalms.** Ut quid Deus repulisti in finem: iratus est furor tuus super oves pascuæ tuæ? **Glória Patri.**

Oratio.

**O**mnipotens sempiternæ Deus, da nobis fidei, spei, & charitatis augmentum: & ut mereamur assequi quod promittis; fac nos amare quod præcipis. Per Dominum nostrum Jesum Christum Filium tuum: Qui tecum.

**Secunda Oratio.** A Cunctis nos. **ut supra. Pag. 363. Tertia ad libitum.**

**Lectio Epistolæ beati Pauli**  
Apóstoli ad Galatas.

**F**ratres, Abraham dictæ sunt promissiones, & semini ejus. Non dicit: & seminibus, quasi in multis: sed quasi in uno: & semini tuo, qui est Christus. Hoc autem dico, testamentum confirmatum à Deo: quæ post quadringentos & triginta annos facta est lex, non irritum facit ad evacuandam promissionem. Nam si ex lege hæreditas, jam non ex promissione. Abraham autem per repromissionem

donavit Deus. Quid igitur lex? Propter transgressionem posita est, donec veniret semen, cui promiserat, ordinata per Angelos in manu mediatoris. Mediator autem unus non est: Deus autem unus est. Lex ergo adversus promissam Dei? Absit. Si enim data esset lex, quæ posset vivificare, verè ex lege esset iustitia. Sed conclusit Scriptura omnia sub peccato; ut promissio ex fide Jesu Christi daretur credentibus.

**Graduale.** Respice Domine in testamentum tuum: & animas pauperum tuorum ne obliviscaris in finem. **Exurge Domine, & iudica causam tuam: memor esto opprobrii servorum tuorum. Alleluya, alleluya.** Domine refugium factus es nobis à generatione & progénie. Alleluya.

**Sequentia sancti Evangelii**  
secundum Lucam.

**I**n illo tempore: Dum iret Jesus in Jerusalem, transibat per mediam Samariam & Galilæam. Et cum ingrederetur quoddam castellum, occurrerunt ei decem viri leprosi, qui steterunt à longè: & levaverunt vocem, dicentes: Jesu præceptor, miserere nostri. Quos ut vidit, dixit: Ite, ostendite vos sacerdotibus. Et factum est, dum irent, mundati sunt. Unus autem ex illis, ut vidit quia mundatus est, regressus est, cum magna voce magnificans Deum, & cecidit in faciem ante pedes ejus, gratias agens: & hic erat Samaritanus. Respondens autem Jesus, dixit: Nonne decem mundati sunt? & non

vem

vem ubi sunt? Non est inventus qui rediret, & daret gloriam Deo, nisi hic alienigena. Et ait illi: Surge, vade: quia fides tua te salvum fecit. **Credo.**

**Offertorium.** In te speravi Domine: dixi, Tu es Deus meus, in manibus tuis tempora mea.

Secreta.

**P**ropitiare Domine populo tuo, propitiare munerebus: ut hac oblatione placatus, & indulgentiam nobis tribuas, & postulata concedas. Per Dominum nostrum Jesum Christum Filium tuum.

**Alia Secreta.** Exaudi nos Deus. **ut supra. Pag. 364. Tertia ad libitum.**

**Communio.** Panem de cælo dedisti nobis, Domine, habentem omne delectamentum, & omnem saporem suavitatis.

Postcommunio.

**S**umptis, Domine, cælestibus sacramentis, ad redemptionis æternæ, quæsumus, proficiamus augmentum. Per Dominum nostrum Jesum Christum Filium tuum.

**Altera Postcommunio.** Mundet & muniat. **Pag. 364. Tertia ad libitum.**

## DOMINICA XIV.

Post Pentecosten.

Introitus

**R**otector noster aspice Deus, & respice in faciem Christi tui: quia melior est dies una in atriis tuis super millia. **Psalms.** Quam

dilecta tabernacula tua Domine virtutum! concupiscit, & deficit anima mea in atriis Domini. **Glória Patri.**

Oratio.

**C**ustodi, Domine quæsumus, Ecclesiam tuam propitiatione perpétua: & quia sine te labitur humana mortalitas; tuis semper auxiliis & abstrahatur à noxiis, & ad salutaria dirigatur. Per Dominum nostrum Jesum Christum.

**Secunda Oratio.** A Cunctis nos. **ut supra. Pag. 363. Tertia ad libitum.**

**Lectio Epistolæ beati Pauli**  
Apóstoli ad Galatas.

**F**ratres, Spiritu ambulate, & desideria carnis non perficietis. Caro enim concupiscit adversus spiritum: spiritus autem adversus carnem: hæc enim sibi invicem adversantur: ut non quæcumque vultis, illa faciatis. Quod si spiritu ducimini, non estis sub lege. Manifesta sunt autem opera carnis: quæ sunt fornicatio, immunditia, impudicitia, luxuria, idolorum servitus, veneficia, inimicitia, contentiones, æmulationes, ira, rixæ, dissensiones, sectæ, invidia, homicidia, ebrietates, commestiones, & his similia: quæ prædico vobis, sicut prædixi; quoniam qui talia agunt, regnum Dei non consequentur. Fructus autem Spiritus est: charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam

cruci-



crucifixérunt cum vitiis & concupiscéntiis.

**Graduale.** Bonum est confidere in Dómino, quàm confidere in hómine. *✠.* Bonum est sperare in Dómino, quàm sperare in princípibus. Allelúja, allelúja. *✠.* Venite, exultemus Dómino: jubilemus Deo salutári nostro. Allelúja.

### Sequéntia sancti Evangelii secundum Matthæum.

**I**n illo témpore: Dixit Jesus discipulis suis: Nemo potest duobus dómibus servire: aut enim unum ódio habébit, & álterum diliget: aut unum sustinébít, & álterum contémnet. Non potéstis Deo servire, & mammonæ. Ideò dico vobis, nè solíciti sitis animæ vestræ quid manducétis, neque corpore vestro quid induámini. Nónne anima plus est quàm esca: & corpus plus quàm vestiméntum? Respícite volatília cæli, quóniam non serunt, neque metunt, neque congregant in hórrea: & Pater vester cæléstis pascit illa. Nónne vos magis pluris estis illis? Quis autem vestrum cogitans, potest adjicere ad statúram suam cubitum unum? Et de vestiménto quid solíciti estis? Consideráte lília agri quómodo crescunt: non labórant, neque nent. Dico autem vobis: quóniam nec Sálomon in omni glória sua coopértus est sicut unum ex istis. Si autem scenum agri, quod hódie est, & cras in clibanum mittitur, Deus sic vestit: quantò magis vos módicæ fidei? Nolite ergo solíciti esse, dicéntes: Quid manducábimus, aut quid bibémus,

aut quò: operiémur? hæc enim ómnia Gentes inquirunt. Scit enim Pater vester, quia his ómnibus indigétis. Quærite ergo primum regnum Dei, & iustitiam ejus: & hæc ómnia adjiciéntur vobis. *Credo.*

**Offertorium.** Immittet Angelus Dómini in circuitu tíméntium eum, & eripiet eos: gustáte & vidéte, quóniam suavis est Dóminus.

### Secreta.

**C**oncède nobis, Dómine, quæsumus, ut hæc hóstia salutáris & nostrórum fiat purgatio delictórum, & tuæ propitiatio potéstatis. Per Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus.

**Alia Secreta.** Exáudi nos Deus. *ut suprà. Pag. 364. Tertia ad libitum.*

**Communio.** Primum quærite regnum Dei, & ómnia adjiciéntur vobis, dicit Dóminus.

### Postcommunio.

**P**urificent semper & múmiant tua sacraménta nos Deus: & ad perpétuæ ducant salvatiónis effectum. Per Dóminum nostrum Jesum Christum Filium tuum: Qui tecum vivit & regnat in unitate Spíritus sancti Deus, per ómnia sæcula sæculórum. *✠. Amen.*

**Alia Postcommunio.** Múndet & múniat. *Pag. 364. Tertia ad libitum.*



## DOMINICA XV.

Post Pentecosten.

### Introitus.

**I**nclina Dómine aurem tuam ad me, & exáudi me: saluum fac servum tuum Deus meus sperántem in te: miserere mihi Dómine, quóniam ad te clamávi tota die. **Psalmus.** Lætifica ánimam servi tui: quia ad te Dómine ánimam meam levávi. *✠. Glória Patri.*

### Oratio.

**E**cclésiám tuam, Dómine, miseratio continuáta mundet & múniat: & quia sinè te non potest salva consístere, tuo semper munere gubernétur. Per Dóminum nostrum Jesum Christum Filium tuum: Qui tecum vivit & regnat in unitate.

**Secunda Oratio.** A Cunctis nos. *ut suprà. Pag. 363. Tertia ad libitum.*

### Lectio Epístolæ beati Pauli Apóstoli ad Gálaras.

**F**ratres. Si spíritu vivimus, spíritu & ambulémus. Non efficiámur inánis glóriæ cupidi, invicem provocántes, invicem invidentes. Fratres, & si præoccupátus fuerit homo in aliquo delicto, vos, qui spirituáles estis, hujusmodi instruite in spíritu lenitátis, considerans teípsum, nè & tu tentéris. Alter altéris ónera portáte, & sic adimplébitis legem Christi. Nam si quis exístimat se áli-

quid esse, cum nihil sit, ipse se sedúcit. Opus autem suum probet unusquisque, & sic in semetípso tantum glóriam habébit, & non in áltero. Unusquisque enim onus suum portábit. Commúnicet autem is, qui catechizátur verbo, ei qui se catechizat, in ómnibus bonis. Nolite errare: Deus non irridétur. Quæ enim semináverit homo, hæc & metet. Quóniam qui seminat in carne sua, de carne & metet corruptiõnem: qui autem seminat in spíritu, de spíritu metet vitam ætérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operémur bonum ad omnes, máximè autem ad domésticos fidei.

**Graduale.** Bonum est confiteri Dómino: & psállere nómini tuo, Altíssime. *✠.* Ad annuntiándum manè misericórdiam tuam, & veritatem tuam per noctem. Allelúja, allelúja. *✠.* Quóniam Deus magnus Dóminus, & Rex magnus super omnem terram. Allelúja.

### Sequéntia sancti Evangelii secundum Lucam.

**I**n illo témpore: Ibat Jesus in civitatem, quæ vocátur Naim: & ibant cum eo discípuli ejus, & turba copiósa. Cum autem appropinquaret portæ civitátis, ecce defunctus efferebátur filius únicus matris suæ: & hæc vídua erat: & turba civitátis multa cum illa. Quam cum vidisset Dóminus, misericórdia motus super eam, dixit illi: Noli flere. Et accéssit, & tetigit ló-



culum. (Hi autem, qui portabant, steterunt.) Et ait: Adolēscens, tibi dico surge. Et resēdit qui erat mortuus, & cœpit loqui. Et dedit illum matri suæ. Accēpit autem omnes timor: & magnificabant Deum, dicētes: Quia Prophēta magnus surrēxit in nobis: & quia Deus visitāvit plebem suam. **Credo.**

**Offertorium.** Exspēctans exspēctāvi Dōminum, & respēxit me: & exaudivit deprecationem meam, & immisit in os meum canticum novum, hymnum Deo nostro.

**Secreta.**

**T**ua nos, Dōmine, sacramenta custodiant: & contra diabólicos semper tueantur incursus. Per Dōminum nostrum Jesum Christum Filium tuum: Qui tecum vivit & regnat.

**Alia Secreta.** Exaudi nos Deus. ut suprà. Pag. 364. **Tertia ad libitum.**

**Communio.** Panis, quem ego dedero, caro mea est pro sæculi vita.

**Postcommunio.**

**M**entes nostras & corpora possideat, quæsumus Dōmine, doni cœlestis operatio: ut non nostro sensus in nobis, sed jūgiter ejus præveniat effectus. Per Dōminum nostrum Jesum Christum Filium tuum: Qui tecum vivit & regnat in unitate Sp̄itus sancti Deus, per omnia sæcula sæculōrum. **R.** Amen.

**Alia Postcommunio.** Mundet, & muniat. Pag. 364. **Tertia ad libitum.**

## DOMINICA XVI.

Post Pentecosten.

Introitus.

**M**iserere mihi Dōmine, quoniam ad te clamavi tota die: quia tu Dōmine suavis ac mitis es, & copiosus in misericordia omnibus invocantibus te. **Psalmus.** Inclina Dōmine aurem tuam mihi, & exaudi me: quoniam inops & pauper sum ego. **V.** Glória Patri.

**Oratio.**

**T**ua nos, quæsumus Dōmine, grātia semper & præveniat & sequatur: ac bonis op̄ibus jūgiter præstet esse intētos. Per Dōminum nostrum Jesum Christum Filium tuum: Qui tecum.

**Secunda Oratio.** A Cunctis nos. ut suprà. Pag. 363. **Tertia ad libitum.**

**Lectio Epistolæ beati Pauli** Ap̄stoli ad Ephēsius.

**F**ratres, Obsecro vos, nē deficiatis in tribulationibus meis pro vobis: quæ est glória vestra. Hujus rei grātia flecto gēna mea ad Patrem Dōmini nostri Jesu Christi, ex quo omnis Paternitas in cœlis & in terra nominatur, ut det vobis secundum divitias gloriæ suæ, virtute corroborari per Sp̄ritum ejus in interiorem hominem, Christum habitare per fidem in cordibus vestris: in charitate radicati, & fundati, ut possitis comprehendere cum omnibus sanctis,

quæ

quæ sit latitudo, & longitudo, & sublimitas, & profundum: scire etiam supereminentem scientiæ charitatem Christi, ut impleamini in omnem plenitudinem Dei. Ei autem, qui potens est omnia facere superabundanter quam petimus, aut intelligimus secundum virtutem, quæ operatur in nobis: Ipsi gloria in Ecclesia, & in Christo Jesu, in omnes generationes sæculi sæculōrum. Amen.

**Graduale.** Timebunt Gentes nomen tuum Dōmine, & omnes reges terræ gloriā tuam. **V.** Quoniam edificavit Dōminus Sion: & videbitur in majestate sua. **Alleluja, alleluja.** **V.** Cantate Dōmino canticum novum: quia mirabilia fecit Dōminus. **Alleluja.**

**Sequentia sancti Evangelii** secundum Lucam.

**I**n illo tempore: Cum intraret Jesus in domum cujusdam principis Phariseorum sabbato manducare panem, & ipsi observabant eum. Et ecce homo quidam hydropticus erat ante illum. Et respondens Jesus dixit ad Legisperitos, & Phariseos, dicens: Si licet sabbato curare? At illi tacuerunt. Ipse verò apprehensum sanavit eum, ac dimisit. Et respondens ad illos, dixit: Cujus vestrum asinus aut bos in puteum cadet, & non continuo extrahet illum die sabbati? Et non poterant ad hæc respondere illi. Dicebat autem & ad invitatos parabolam, intēdens quomodo primos accubitus eligerent, dicens ad illos: Cum invitatus fueris ad nuptias, non discum-

bas in primo loco, ne forte honoratior te sit invitatus ab illo; & veniens is, qui te & illum vocavit, dicat tibi: Da huic locum: & tunc incipias cum rubore novissimum locum tenere. Sed cum vocatus fueris, vade, recumbe in novissimo loco: ut, cum venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis qui se exaltat, humiliabitur: & qui se humiliat, exaltabitur. **Credo.**

**Offertorium.** Dōmine in auxilium meum respice: confundantur & reveantur, qui quærunt animam meam, ut auferant eam: Dōmine in auxilium meum respice.

**Secreta.**

**M**unda nos, quæsumus Dōmine, sacrificii præsentis effectus: & perfice miseratus in nobis, ut ejus mereamur esse participes. Per Dōminum nostrum Jesum Christum Filium tuum.

**Alia Secreta.** Exaudi nos. Pag. 364. **Tertia ad libitum.**

**Communio.** Dōmine, memorabor justitiæ tuæ solius: Deus docuisti me à juventute mea: & usque in senectam & senium, Deus nē derelinquas me.

**Postcommunio.**

**P**urifica, quæsumus Dōmine, mentes nostras benignus, & renova cœlestibus sacramentis: ut consequenter & corporum præsens pariter & futurum capiamus auxilium. Per Dōminum nostrum Jesum Christum Filium tuum: Qui tecum vivit & regnat.

P p p 2

Alia



Alia Postcommunio. Mundet & muniat. Pag. 364. Tertia ad libitum.

## DOMINICA XVII.

Post Pentecosten

Introitus.

**I**ustus es Domine, & rectum iudicium tuum: fac cum servo tuo secundum misericordiam

tuam. **Psalmus.** Beati immaculati in via: qui ambulant in lege Domini. **Gloria Patri.**

Oratio.

**D**A, quaesumus Domine, populo tuo diabolica vitare contagia: & te solum Deum pura mente sectari. Per Dominum nostrum Iesum Christum.

**Secunda Oratio.** A Cunctis nos. ut supra. Pag. 363. Tertia ad libitum.

**Lectio Epistolae beati Pauli** Apostoli ad Ephesios.

**F**ratres, Obsecro vos ego vinctus in Domino, ut digne ambulatis vocatione, qua vocati estis, cum omni humilitate, & mansuetudine, cum patientia, supportantes invicem in charitate, solliciti servare unitatem Spiritus in vinculo pacis. Unum corpus, & unus Spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus & Pater omnium, qui est super omnes, & per omnia, &

in omnibus nobis. Qui est benedictus in saecula saeculorum. Amen.

**Graduale.** Beata gens, cujus est Dominus Deus eorum: populus quem elegit Dominus in hereditatem sibi. **V.** Verbo Domini caeli firmati sunt: & spiritu oris ejus omnis virtus eorum. **Alleluja, alleluja.** **V.** Domine exaudi orationem meam: & clamor meus ad te perveniat. **Alleluja.**

**Sequentia sancti Evangelii** secundum Matthaeum.

**I**n illo tempore: Accesserunt ad Iesum Pharisei: & interrogavit eum unus ex eis legis doctor, tentans eum: Magister, quod est mandatum magnum in lege? Ait illi Iesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum mandatum. Secundum autem simile est huic: Diliges proximum tuum, sicut teipsum. In his duobus mandatis universa lex pendet, & Prophetarum. Congregatis autem Phariseis, interrogavit eos Iesus, dicens: Quid vobis videtur de Christo? cujus filius est? Dicunt ei: David. Ait illis: Quomodo ergo David in Spiritu vocat eum Dominum, dicens: Dixit Dominus Domino meo: Sede a dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? & nemo poterat ei respondere verbum: neque ausus fuit quisquam ex illa die eum amplius interrogare. **Credo.**

Offerto-

**Offertorium.** Oravi Deum meum ego Daniel, dicens: Exaudi Domine preces servi tui: illumina faciem tuam super sanctuarium tuum: & propitius intende populum istum, super quem invocatum est nomen tuum, Deus.

Secreta.

**M**ajestatem tuam, Domine, suppliciter deprecamur: ut haec sancta quae gerimus, & a praeteritis nos delictis exuant, & futuris. Per Dominum nostrum Iesum Christum Filium tuum: Qui tecum vivit & regnat in unitate Spiritus sancti Deus.

**Alia Secreta.** Exaudi nos Deus. ut supra. Pag. 364. Tertia ad libitum.

**Communio.** Vovete, & reddite Domino Deo vestro omnes qui in circuitu ejus offertis munera: terribili, & ei qui aufert spiritum principum: terribili apud omnes Reges terrarum.

Postcommunio.

**S**anctificationibus tuis, omnipotens Deus, & vitia nostra curentur, & remedia nobis aeterna proveniant. Per Dominum nostrum Iesum Christum Filium tuum: Qui tecum vivit & regnat in unitate Spiritus sancti Deus, per omnia saecula saeculorum. **Amen.**

**Alia Postcommunio.** Mundet & muniat. Pag. 364. Tertia ad libitum.

✠ (o) ✠

## FERIA IV.

Quatuor Temporum Septembris.

Statio ad S. Mariam Majorem.

Introitus

**E**xultate Deo ad iutori nostro: jubilate Deo Jacob: sumite psallimum jucundum cum cithara: canite in initio mensis tuba, quia praecipuum in Israel est, & iudicium Deo Jacob. **Psalmus.** Testimonium in Joseph posuit illud, cum exiret de terra Aegypti: linguam, quam non noverat audivit. **Gloria Patri.**

**Post Kyrie** eleison, dicitur Oramus. Flectamus genua. **V.** Levate.

Oratio.

**M**isericordiae tuae remediis, quaesumus Domine, fragilitas nostra subsistat: ut quae sua conditione atterritur, tua clementia reparetur. Per Dominum nostrum Iesum Christum.

**Lectio Amos Prophetarum.**

**H**ec dicit Dominus Deus: Ecce dies veniunt: & comprehendet arator messorem: & calcator vineae mittentem semen: & stillabunt montes dulcedinem, & omnes colles culti erunt. Et convertam captivitatem populi mei Israel: & edificabunt civitates desertas, & inhabitabunt: & plantabunt vineas, & bibent vinum earum: & facient hortos, & comedent fructus eorum. Et plantabo eos super humum suam: & non e-

P p p 3

vellam



vellam eos ultrà de terra sua, quam dedi eis: dicit Dóminus Deus tuus.

**Graduale.** Quis sicut Dóminus Deus noster, qui in altis hábitat: & humília respicit in cælo & in terra? **✠.** Súscitans à terra ínopem: & de stercore érigens páuperem. **Hic dicitur,** Dóminus vobíscum. **fi. nē** Flectámus génua.

**Oremus. Oratio.**

**P**resta, quæsumus Dómine, famíliæ tuæ supplicánti: ut, dum à cibis corporálibus se ábstinet, à vitiis quoque mente jejúnet. Per Dóminum nostrum Jesum Christum Filium tuum.

**Secunda Oratio. A** Cunctis nos. **ut suprà. Pag. 363. Tertia ad libitum.**

**Lectio libri Esdræ.**

**I**N diébus illis: Congregátus est omnis pópulus quasi vir unus, ad platéam quæ est ante portam aquarum: & dixerunt Esdræ Scribæ ut afférret librum legis Móysi, quam præcéperat Dóminus Israël. Attulit ergo Esdras sacerdos legem coram multitudine virórum & mulierum, cunctisque qui póterant intelligere, in die prima mensis séptimi. Et legit in eo apértè in platéa quæ erat ante portam aquarum, de manè usque ad médiam diem, in conspéctu virórum & mulierum & sapiéntium: & aures omnis pópuli erant erectæ ad Librum. Stetit autem Esdras Scriba super gradum ligneum, quem fécerat ad loquéndum. Et aperuit Librum coram omni pópulo: super univérsum quippe pópulum e-

minébat: & cum aperuíset eum, stetit omnis pópulus. Et benedixit Esdras Dómino Deo magno: & respóndit omnis pópulus: Amen, Amen: elevans manus suas. Et incurvati sunt, & adoravérunt Deum proni in terram. Porro Levitæ siléntium faciébant in pópulo ad audiéndam legem: pópulus autem stabat in gradu suo. Et legérunt in Libro legis Dei distinctè, & apértè ad intelligéndum: & intellexérunt cum legerétur. Dixit autem Nehemias, & Esdras sacerdos & Scriba, & Levitæ interpretántes univérso pópulo: Dies sanctificátus est Dómino Deo nostro, nolite lugère, & nolite flere. Et dixit eis: Ite, comédite pinguia, & bibite mulsum, & mittite partes his qui non præparavérunt sibi: quia sanctus dies Dómini est, & nolite contristári: gáudium etenim Dómini est fortitúdo nostra.

**Graduale.** Beáta gens, cujus est Dóminus Deus eórum: pópulus, quem elégit Dóminus in hæreditátem sibi. **✠.** Verbo Dómini cæli firmati sunt: & spíritu oris ejus omnis virtus eórum.

**Sequentia sancti Evangelii secundum Marcum.**

**I**N illo témpore: Respóndens unus de turba, dixit ad Jesum: Magíster, attuli filium meum ad te habéntem spíritum mutum: qui ubicúmque eum apprehénderit, alídidit illum, & spumat, & stridet dentibus, & aréscit: & dixi discipulis tuis, ut ejicerent illum, & non potuerunt. Qui respóndens eis, dixit: O generátio incrédula, quám-

diu

diu apud vos ero? quám diu vos pátiar? afférte illum ad me. Et attulérunt eum. Et cum vidisset eum, statim spíritus conturbávit illum: & elísus in terram, volubátur spumans. Et interrogávit patrem ejus: Quantum témporis est ex quo ei hoc áccidit? At ille ait: Ab infántia: & frequénter eum in ignem, & in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi: Si potes credere, ómnia possibília sunt credénti. Et continúo exclámans pater púeri, cum lácrymis ajébat: Credo, Dómine: ádjuva incredulitátem meam. Et cum vidéret Jesus concurréntem turbam, comminátus est spíritui immúndo, dicens illi: Surge & mute spíritus, ego præcípio tibi, exi ab eo: & ámplius nē intróeas in eum. Et exclámans, & multum discerpens eum, exiit ab eo, & factus est sicut mórtuus, ita ut multi dicerent: Quia mórtuus est. Jesus autem tenens manum ejus, elevávit eum, & surrexit. Et cum introíisset in domum, discipuli ejus secrétò interrogábant eum: Quare nos non potuimus ejicere eum? Et dixit illis: Hoc genus in nullo potest exíre, nisi in oratione, & jejúnio.

**Offertorium.** Meditabor in mandátis tuis, quæ diléxi valdè: & levábo manus meas ad mandata tua, quæ diléxi.

**Secrera.**

**H**æc hóstia, Dómine quæsumus, emúndet nostra delícta & ad sacrificium celebrándum, subditórum tibi córpora mentésque

sanctíficet. Per Dóminum nostrum Jesum Christum.

**Alia Secrera.** Exáudi nos Deus, **ut suprà. Pag. 364. Tertia ad libitum.**

**Communio.** Comédite pinguia, & bibite mulsum, & mittite partes his qui non præparavérunt sibi: sanctus enim dies Dómini est, nolite contristári: gáudium etenim Dómini, est fortitúdo nostra.

**Postcommunio.**

**S**uméntes, Dómine dona cælestia, suppliciter deprecámur: ut quæ sédula servitúte donánte te gérimus, dignis sénsibus tuo munere capiámus. Per Dóminum nostrum Jesum Christum.

**Alia Postcommunio.** Mundet & múniat. **Pag. 364. Tertia ad libitum.**

## FERIA VI.

Quatuor Temporum Septembris.

Statio ad SS. duodecim Apostolos.

**Introitus.**

**I**stétur cor quæréntium Dóminum: quærite Dóminum, & confirmámini: quærite faciém ejus semper. **Psalmus.** Confitémini Dómino, & invocáte nomen ejus: annuntiáte inter Gentes ópera ejus. **✠.** Glória Patri.

**Oratio.**

**P**resta quæsumus omnipotens Deus: ut observatiónes sacras innua devotióne recoléntes, & corpore tibi placeámus, & mente.

Per



Per Dñm nostrum Jēsum Chrī-  
stum Fīlium tuum.

**Secunda Oratio.** A Cunctis nos.  
ut in Dominica III. post Penteco-  
sten. Pag. 363. Tertia ad libitum.

### Lectio Osée Prophētæ.

**H**æc dicit Dñs Deus: Con-  
vertere Israhel ad Dñm  
Deum tuum: quoniam corruisti in  
iniquitate tua. Tollite vobiscum  
verba, & convertimini ad Dñm:  
& dicite ei: Omnem aufer  
iniquitatem, accipe bonum: &  
reddemus vitulos labiorum nostrorū.  
Assur non salvabit nos, su-  
per equum non ascendemus, nec  
dicemus ultra: Dii nostri opera  
manuum nostrarum: quia ejus,  
qui in te est, miseraberis pupilli.  
Sanabo contritiones eorum, dili-  
gam eos spontaneè: quia aversus  
est furor meus ab eis. Ero quasi  
ros, Israhel germinabit sicut lilium,  
& erumpet radix ejus ut Libani.  
Ibunt rami ejus, & erit quasi oliva  
gloria ejus, & odor ejus ut Libani.  
Convertentur sedentes in umbra  
ejus; vivent tritico, & germinabunt  
quasi vinea: memoriale ejus  
sicut vinum Libani. Ephraim, quid  
mihi ultra idola? ego exaudiam,  
& dirigam eum ego ut abietem vi-  
rentem: ex me fructus tuus inven-  
tus est. Quis sapiens, & intelliget  
ista? intelligens, & sciet hæc?  
quia rectæ viæ Dñi, & justi am-  
bulabunt in eis: prævaricatores  
verò corruent in eis.

**Graduale.** Convertere Dñe  
aliquantulum, & deprecare super  
servos tuos. ✠. Dñe refugium

factus est nobis, à generatiōe &  
progénie.

### Sequentia sancti Evangelii secundum Lucam.

**I**n illo tempore: Rogabat Jēsum  
quidam de Phariseis, ut mandu-  
cāret cum illo. Et ingressus do-  
mum Pharisei, discubuit. Et ec-  
ce mulier, quæ erat in civitate pec-  
catrix, ut cognovit quod accubuis-  
set in domo Pharisei, attulit alaba-  
strum unguenti: & stans retrò se-  
cus pedes ejus, lacrymis cepit ri-  
gare pedes ejus, & capillis capitis  
sui tergebāt, & osculabatur pedes  
ejus, & unguento ungēbat. Vi-  
dens autem Phariseus, qui voca-  
verat eum, ait intra se, dicens:  
Hic si esset Propheta, sciret utique  
quæ & qualis est mulier, quæ tan-  
git eum: quia peccatrix est. Et  
respondens Jēsus, dixit ad illum:  
Simon, habeo tibi aliquid dicere.  
At ille ait: Magister, dic. Duo  
debitores erant cuiusdam fœnerato-  
ri: unus debēbat denarios quin-  
gentos, & alius quinquaginta. Non  
habentibus illis unde redderent,  
donavit utrisque. Quis ergo eum  
plus diligit? Respondens Simon,  
dixit: Æstimo quia is, cui plus do-  
navit. At ille dixit ei: Rectè ju-  
dicasti. Et conversus ad mulie-  
rem, dixit Simoni: Vides hanc mu-  
liera? Intravi in domum tuam,  
aquam pedibus meis non dedisti:  
hæc autem lacrymis rigavit pedes  
meos, & capillis suis terxit. Oscu-  
lum mihi non dedisti: hæc autem,  
ex quo intravit, non cessavit oscu-  
lari pedes meos. Oleo caput me-  
um non unxisti: hæc autem un-

guento

## SABBATO

Quatuor Temporum Septembris.

Statio ad sanctum Petrum.

### Introitus.

**V**enite, adorēmus  
Deum, & proci-  
dāmus ante Dñ-  
minum, plorē-  
mus ante eum  
qui fecit nos:

quia ipse est Dñs Deus noster.

**Psalmus.** Venite, exultēmus Dñ-  
mino: jubilemus Deo salutari no-  
stro. ✠. Gloria Patri.

**Post Kyrie eleison, dicitur, Orē-**  
mus. Flectāmus genua. ✠. Levate.

### Oratio.

**O**mnipotens sempiternus Deus,  
qui per continentiam salutā-  
rem, corporibus medēis & menti-  
bus: majestatem tuam supplices  
exorāmus; ut pia jejunantium de-  
precatione placatus, & præsētia  
nobis subsidia tribuas, & futura.  
Per Dñm nostrum Jēsum Chrī-  
stum Fīlium tuum.

### Lectio libri Levitici.

**I**n diebus illis: Locutus est Dñs  
ad Moysen, dicens: De-  
cimo die mensis hujus septimi, dies  
expiationum erit celeberrimus, &  
vocabitur sanctus: affligetisque a-  
nimas vestras in eo, & offeretis ho-  
locāustum Dñmo. Omne opus  
servile non facietis in tempore diei  
hujus: quia dies propitiatiōis  
est, ut propitiētur vobis Dñs  
Deus vester. Omnis anima, quæ  
afflicta non fuerit die hac, peribit  
de populis suis, & quæ operis quid-

guento unxit pedes meos. Pro-  
pter quod dico tibi: Remittuntur  
ei peccata multa, quoniam dilexit  
multum. Cui autem minus dimit-  
titur, minus diligit. Dixit autem  
ad illam: Remittuntur tibi peccā-  
ta. Et cœperunt, qui simul accum-  
bebant, dicere intra se: Quis est  
hic: qui etiam peccata dimittit?  
Dixit autem ad mulierem: Fides  
tua te salvam fecit: vade in pace.

**Offertorium.** Benedic anima  
mea Dñmo: & noli oblivisci o-  
mnes retributiones ejus: & reno-  
vabitur sicut aquilæ juvenus tua.

### Secreta.

**A**ccēpta tibi sint, Dñe quæ  
sumus, nostri dona jejunii:  
quæ & expiādo nos tua grātia di-  
gnos efficiant, & ad sempiterna  
promissā perducant. Per Dñm  
nostrum Jēsum Christum Fī-  
lium tuum.

**Alia Secreta.** Exaudi nos. Pag.  
364. Tertia ad libitum.

**Communio.** Aufer à me opprō-  
brium & contemptum, quia man-  
data tua exquisivi, Dñe: nam  
& testimonia tua, meditatio mea  
est.

### Postcommunio.

**O**uſumus omnipotens Deus:  
ut de percēptis munēribus  
grācias exhibētes, beneficia po-  
tiora sumāmus. Per Dñm  
nostrum Jēsum Christum Fīlium  
tuum: Qui tecum vivit & regnat  
in unitate Spīritus sancti Deus, per  
omnia sæcula sæculorū. ✠. A-  
men.

**Altera Postcommunio.** Mundet  
& muniat. Pag. 364. Tertia ad li-  
bitum.

Q q q

piam



piam fecerit, delebo eam de populo suo. Nihil ergo operis faciētis in eo: legitimum sempiternum erit vobis in cunctis generatiōibus, & habitatiōibus vestris. Sābbatum requietiōis est, & affligētis animas vestras die nono mensis: A véspera usque ad vésperam celebrābitis sābbata vestra: dicit Dóminus omnipotens.

Psal.  
78.

**Graduale.** Propitius esto Dómine peccātis nostris: nē quando dicant Gentes: Ubi est Deus eōrum? **✠.** Adjuva nos Deus salutāris noster: & propter honōrem nōminis tui Dómine libera nos. **Orémus.** Flectāmus gēnuā. **℞.** Levāte.

**Oratio.**

**D**A nobis, quāsumus omnipotens Deus: ut jejunādo, tua grātia satiēmur; & abstinēdo, cunctis efficiāmur hōstibus fortiōres. Per Dóminum nostrum Jesum Christum.

**Lectio libri Levitici.**Levit.  
23.

**I**N diēbus illis: Locūtus est Dóminus ad Móysen, dicens: A quintodécimo die mensis séptimi, quando congregavēritis omnes fructus terræ vestræ, celebrābitis fērias Dómini septem diēbus. Die primo, & die octāvo erit sābbatum, id est réquies. Sumerisq̃ue vobis die primo fructus arboris pulcherrimæ spatulasque palmārum, & ramos ligni densārum frōndium, & sálices de torrēte, & letābimini coram Dómino Deo vestro. Celebrābitisq̃ue solemnitātem ejus septem diēbus per annum. Legitimum sempiternum erit in generatiōibus vestris Men-

se séptimo festa celebrābitis, & habitābitis in umbrāculis septem diēbus. Omnis qui de genere est Israhēl, manēbit in tabernāculis: ut discant pōsteri vestri, quōd in tabernāculis habitāre fecerim filios Israhēl, cūm edūcerem eos de Terra Ægypti. Ego Dóminus Deus vester.

**Graduale.** Protēctor noster aspice Deus: & respice super servos tuos. **✠.** Dómine Deus virtūrum exāudi preces servōrum tuōrum. **Orémus.** Flectāmus gēnuā. **℞.** Levāte.

**Oratio.**

**T**Uēre, quāsumus Dómine, familiam tuam: ut salutis æternæ remēdia, quæ te inspirāte requirimus, te largiēte consequāmur. Per Dóminum nostrum Jesum Christum.

**Lectio Michæe Prophætæ.**

**D**omine Deus noster, pasce populum tuum in virga tua, gregem hæreditatis tuæ, habitāntes solos in saltu, juxta dies antiquos. Vidēbunt gentes, & confundētur super omni fortitudine sua. Quis Deus similis tui, qui aufers iniquitātem, & transis peccātum reliquiārum hæreditatis tuæ? non immittet ultrā furōrem suum, quoniam volens misericórdiam est. Revertētur, & miserēbitur nostri: depōnet iniquitātes nostras, & propiciet in profundum maris omnia peccāta nostra. Dabis veritātem Jacob, misericórdiam Abraham: quæ jurāsti patrīb̃us nostris a diēbus antiquis: Dómine Deus noster.

Graduale

Psal.  
89.

**Graduale.** Convertere Dómine aliquāntulū: & deprecāre super servos tuos. **✠.** Dómine refūgium factus es nobis, a generatiōe & progēnie. **Orémus.** Flectāmus gēnuā. **℞.** Levāte.

**Oratio.**

**P**ræsta quāsumus Dómine, sic nos ab épulis abstinēre carnalibus: ut a vitiis irruētib̃us pariter jejunēmus. Per Dóminum nostrum Jesum Christum.

**Lectio Zachariæ Prophætæ.**Zach.  
8.

**I**N diēbus illis: Factum est verbum Dómini ad me, dicens: Hæc dicit Dóminus exercituum: Sicut cogitavi ut affligerem vos cūm ad iracūdiam provocāssent patres vestri me, dicit Dóminus, & non sum misertus: sic conversus cogitavi in diēbus istis ut benefāciam dōm̃ui Juda, & Jerūsalem: nolite timēre. Hæc sunt ergo verba, quæ faciētis: Loquimini veritatem unusquisque cum próximo suo: veritatem, & iudiciū pacis iudicāte in portis vestris. Et unusquisque malum contra amicum suum nē cogitētis in cōrdibus vestris: & juramētum mendax nē diligātis: omnia enim hæc sunt, quæ odi, dicit Dóminus. Et factum est verbum Dómini exercituum ad me, dicens: Hæc dicit Dóminus exercituum: Jejunium quarti, & jejunium quinti, & jejunium séptimi, & jejunium décimi erit dōm̃ui Juda in gāudium & letitiam, & in solemnitates præclaras: veritatem tantū, & pacem diligite: dicit Dóminus exercituum.

**Graduale.** Dirigatur oratio mea, sicut incensum, in conspectu tuo Dómine. **✠.** Elevatio manuum meārum sacrificiū vespertinum. **Orémus.** Flectāmus gēnuā. **℞.** Levāte.

**Oratio.**

**U**T nobis, Dómine, tribuis fo-lémne tibi deferre jejūnium: sic nobis, quāsumus; indulgētiæ præsta subsidium. Per Dóminum nostrum Jesum Christum.

**Lectio Daniēlis Prophætæ.**Dan.  
3.

**I**N diēbus illis: Angelus Dómini descendit cum Azariā, & sociis ejus, in fornācem: & excussit flammam ignis de fornāce, & fecit médium fornācis quasi ventum roris flantem. Flamma autem effundebatur super fornācem cubitis quadraginta novem, & erūpit, & incēdit quos réperit juxta fornācem de Chaldæis minīstros regis, qui eam incendebant. Et non tēgit eos omnino ignis, neque contristāvit, nec quidquam molestiæ intulit. Tunc hi tres quasi ex uno ore laudābant, & glorificābant, & benedicēbant Deū in fornāce dicētes.

**Hic non respondetur, Deo grācias.****Hymnus.**

**B**enedictus es Dómine Deus patrum nostrōrum. Et laudābilis & gloriōsus in sæcula.

**Et benedictum nomen glóriæ tuæ, quod est sanctum. Et laudābile & gloriōsum in sæcula.**

**Benedictus es in templo sancto glóriæ tuæ. Et laudābilis & gloriōsus in sæcula.**

Q q q 2

Bene-



**B**enedictus es super thronum sanctum regni tui. Et laudabilis & gloriōsus in sæcula.

**B**enedictus es super sceptrum divinitatis tuæ. Et laudabilis & gloriōsus in sæcula.

**B**enedictus es qui sedes super Chérubim, intuens abyssos. Et laudabilis & gloriōsus in sæcula.

**B**enedictus es qui ambulas super pennas ventōrum, & super undas maris. Et laudabilis & gloriōsus in sæcula.

**B**enedicant te omnes Angeli, & Sancti tui. Et laudent te & glorificent in sæcula.

**B**enedicant te celi, terra, mare, & omnia quæ in eis sunt. Et laudent te & glorificent in sæcula.

**G**loria Patri, & Filio, & Spiritui sancto. Et laudabili & gloriōso in sæcula.

**S**icut erat in principio, & nunc, & semper, & in sæcula sæculōrum, Amen. Et laudabili & gloriōso in sæcula.

**B**enedictus es Dómine Deus patrum nostrōrum. Et laudabilis & gloriōsus in sæcula.

**Hic dicitur.** ✠. Dóminus vobiscum. **snē.** Flectāmus genua.

#### Oratio.

**D**EUS, qui tribus pueris mitigasti flammam ignium: concede propitius; ut nos famulos tuos non exurat flamma vitiōrum. Per Dóminum nostrum Jesum Christum Filium tuum.

**Secunda Oratio.** A Cunctis nos. **ut in Dominica III. post Pentecosten. Pag. 363. Tertia ad libitum.**

#### Lectio Epistolæ beati Pauli Apóstoli ad Hebræos.

**F**ratres, Tabernaculum factum est primum, in quo erant candelabra, & mensa, & propositio panum, quæ dicitur Sancta. Post velamentum autem secundum, tabernaculum, quod dicitur Sancta sanctorum, aureum habens thuribulum, & arcam testamenti circumtectam ex omni parte auro, in qua urna aurea habens manna, & virga Aaron, quæ fronduerat, & tabulæ testamenti, superque eam erant Chérubim gloriæ obumbrantia propitiatorium: de quibus non est modò dicendum per singula. His verò ita compositis; in priori quidem tabernaculo semper introibant sacerdotes, sacrificiorum officia consummantes: in secundo autem semel in anno solus Póntifex non sinè sanguine, quem offert pro sua & pópuli ignorantia: hoc significante Spiritu sancto, nondum propalātam esse sanctorum viam, adhuc priore tabernaculo habente statum, quæ parabola est temporis instantis: juxta quam munera, & hostiæ offeruntur, quæ non possunt juxta conscientiam perfectum facere servientem, solummodo in cibis, & in potibus, & variis baptismatibus, & justitiis carnis usque ad tempus correctionis impositis. Christus autem assistens Póntifex futurōrum bonōrum, per amplius & perfectius tabernaculum non manufactum, id est, non hujus creatiōnis, neque per sanguinem hircōrum aut vitulōrum, sed per proprium sanguinem, introi-

vit

vit semel in Sancta, æterna redemptione inventa.

**Tractus.** Laudate Dóminum omnes Gentes: & collaudate eum omnes pópuli. ✠. Quoniam confirmata est super nos misericórdia ejus: & veritas Dómini manet in ætérnum.

#### Sequéntia sancti Evangelii secundum Lucam.

**I**n illo tempore: Dicebat Jesus turbis hanc similitudinem: Arborem fici habebat quidam plantatam in vinea sua, & venit quærens fructum in illa, & non invenit. Dixit autem ad cultōrem vineæ: Ecce anni tres sunt, ex quo venio quærens fructum in ficulnea hac, & non invenio: succide ergo illam: ut quid etiam terram occupat? At ille respondens, dicit illi: Dómine dimitte illam & hoc anno, usque dum fodiam circa illam, & mittam stercora: & si quidem fecerit fructum: sin autem in futurum succides eam. Erat autem docens in synagoga eōrum sabbatis. Et ecce mulier, quæ habebat spiritum infirmitatis annis decem & octo: & erat inclināta, nec omnino poterat sursum respicere. Quam cum vidēret Jesus, vocavit eam ad se, & ait illi: Mulier dimissa es ab infirmitate tua. Et imposuit illi manus, & confestim erecta est, & glorificabat Deum. Respondens autem archisynagógus, indignans quia sabbato curasset Jesus, dicebat turbæ: Sex dies sunt, in quibus oportet operari: in his ergo venite, & curamini, & non in die sabbati. Respondens autem

ad illum Dóminus, dixit: Hypócritæ, unusquisque vestrum sabbato non solvit bovem suum aut asinum à præsepio, & ducit ad aquam? Hanc autem filiam Abraham, quam alligavit sathanas, ecce decem & octo annis, non oportuit solvi à vinculo isto die Sabbati? Et cum hæc diceret, erubescēbant omnes adversarii ejus: & omnis pópulus gaudēbat in universis, quæ gloriōse fiebant ab eo.

**Offertorium.** Dómine Deus salūtis meæ, in die clamavi, & nocte coram te: intret oratio mea in conspectu tuo, Dómine.

#### Secreta.

**C**oncede: quæsumus omnipotens Deus: ut oculis tuæ majestatis munus oblātum, & grātiam nobis devotiōnis obtineat, & effectum beatæ perennitatis acquirat. Per Dóminum nostrum Jesum Christum Filium tuum.

**Alia Secreta.** Exaudi nos Deus. **ut in Dominica III. post Pentecosten. Pag. 364. Tertia ad libitum.**

**Communio.** Mense septimo festa celebrābitis, cum in tabernaculis habitare fecerim filios Israël, cum educerem eos de Terra Ægypti, ego Dóminus Deus vester.

#### Postcommunio.

**P**erficiant in nobis, Dómine quæsumus, tua sacramenta quod continent: ut quæ nunc specie gerimus, rerum veritate capiamus. Per Dóminum nostrum Jesum Christum Filium tuum: Qui tecum vivit & regnat.

**Alia Postcommunio.** Mundet & muniat. **Pag. 364. Tertia ad libitum.**



## DOMINICA XVIII.

Post Pentecosten.

Introitus.

**D**A pacem Domine sustinentibus te, ut Propheta tui fideles inveniuntur: exaudi preces servi tui, & plebis tue Israel. **Psalmus.** Latatus sum in his quae dicta sunt mihi: in domum Domini ibimus. **V.** Gloria Patri.

Oratio.

**D**irigat corda nostra, quaesumus Domine, tuae miserationis operatio: quia tibi sine te placere non possumus. Per Dominum nostrum Jesum Christum.

**Secunda Oratio.** A Cunctis nos. **ut in Dominica III. post Pentecosten. Pag. 363. Tertia ad libitum.**

**Lectio Epistolae beati Pauli**  
Apostoli ad Corinthios.

**R**atres, Gratias ago Deo meo semper pro vobis in gratia Dei, quae data est vobis in Christo Jesu: quod in omnibus divites facti estis in illo, in omni verbo, & in omni scientia: sicut testimonium Christi confirmatum est in vobis: ita ut nihil vobis desit in ulla gratia, expectantibus revelationem Domini nostri Jesu Christi, qui & confirmabit vos usque in finem sine crimine, in die adventus Domini nostri Jesu Christi.

**Graduale.** Latatus sum in his quae dicta sunt mihi: in domum Domini ibimus. **V.** Fiat pax in

virtute tua, & abundantia in turribus tuis. **Alleluja, alleluja.** **V.** Timebunt Gentes nomen tuum Domine: & omnes reges terrae gloriam tuam. **Alleluja.**

**Sequentia sancti Evangelii**  
secundum Matthaeum.

**I**N illo tempore: Ascendens Jesus in naviculam, transfretavit, & venit in civitatem suam. Et ecce offerbant ei paralyticum jacentem in lecto. Et videns Jesus fidem illorum, dixit paralytico: Confide fili, remittuntur tibi peccata tua. Et ecce quidam de Scribis dixerunt intra se: Hic blasphematur. Et cum vidisset Jesus cogitationes eorum, dixit: Ut quid cogitatis mala in cordibus vestris? Quid est facilius, dicere: Dimittuntur tibi peccata tua; an dicere: Surge, & ambula? Ut autem sciatis, quia Filius hominis habet potestatem in terra dimittendi peccata, tunc ait paralytico: Surge, tolle lectum tuum, & vade in domum tuam. Et surrexit, & abiit in domum suam. Videntes autem turbae timuerunt & glorificaverunt Deum, qui dedit potestatem talem hominibus. **Credo.**

**Offertorium.** Sanctificavit Moses altare Domino, offerens super illud holocausta, & immolans victimas: fecit sacrificium vespertinum in odorem suavitatis Domino Deo, in conspectu filiorum Israel.

Secreta.

**D**EUS, qui nos per huius sacrificii veneranda commercia, unus summae divinitatis participes efficis: praesta quaesumus; ut, sicut

tuam

tuam cognoscimus veritatem, sic eam dignis moribus assequamur. Per Dominum nostrum Jesum Christum Filium tuum.

**Alia Secreta.** Exaudi nos Deus. **ut supra. Pag. 364. Tertia ad libitum.**

**Communio.** Tollite hostias, & introite in atria ejus: adorare Dominum in aula sancta ejus.

Postcommunio.

**G**ratias tibi referimus, Domine, sacro munere vegetati: tuam misericordiam deprecantes; ut dignos nos ejus participatione perficias. Per Dominum nostrum Jesum Christum Filium tuum.

**Alia Postcommunio.** Mundet & muniat. **Pag. 364. Tertia ad libitum.**

## DOMINICA XIX.

Post Pentecosten.

Introitus.

**S**alus populi ego sum, dicit Dominus: de quacunque tribulatione clamaverint ad me, exaudiam eos: & ero illorum Dominus in perpetuum. **Psalmus.** Attendite popule meus legem meam: inclinate aurem vestram in verba oris mei. **V.** Gloria Patri.

Oratio.

**O**mnipotens & misericors Deus, universa nobis adversantia propitiatus excludere: ut mente & corpore pariter expediti; quae tua sunt, liberis mentibus exequamur.

mur. Per Dominum nostrum Jesum Christum Filium tuum: Qui tecum.

**Secunda Oratio.** A Cunctis nos. **ut supra. Pag. 363. Tertia ad libitum.**

**Lectio Epistolae beati Pauli**  
Apostoli ad Ephesios.

**R**atres, Renovamini spiritu mentis vestrae, & induite novum hominem, qui secundum Deum creatus est in justitia, & sanctitate veritatis. Propter quod deponentes mendacium, loquimini veritatem unusquisque cum proximo suo: quoniam sumus invicem membra. Irascimini, & nolite peccare: sol non occidat super iracundiam vestram. Nolite locum dare diabolo: qui furabatur, jam non furetur: magis autem laboret, operando manibus suis quod bonum est, ut habeat unde tribuat necessitatem patienti.

**Graduale.** Dirigatur oratio mea:

sicut incensum in conspectu tuo Domine. **V.** Elevatio manuum mearum, sacrificium vespertinum. **Alleluja, alleluja.** **V.** Confitemini Domino: & invocare nomen ejus, annuntiare inter Gentes opera ejus. **Alleluja.**

**Sequentia sancti Evangelii**  
secundum Matthaeum.

**I**N illo tempore: Loquebatur Jesus principibus sacerdotum & Phariseis in parabolis, dicens: Simile factum est regnum celorum homini regi, qui fecit nuptias filio suo. Et misit servos suos vocare invitatos ad nuptias, & nolabant venire.



venire. Iterum misit alios servos, dicens: Dicite invitatis: Ecce prandium meum paravi, tauri mei, & altilia occisa sunt, & omnia parata: venite ad nuptias. Illi autem neglexerunt: & abiierunt, alius in villam suam, alius vero ad negotiationem suam: reliqui vero tenuerunt servos ejus, & contumeliis affectos occiderunt. Rex autem cum audisset, iratus est: & missis exercitibus suis, perdidit homicidas illos, & civitatem illorum succendit. Tunc ait servis suis: Nuptiae quidem paratae sunt, sed qui invitati erant, non fuerunt digni. Ite ergo ad exitus viarum, & quoscunque inveneritis, vocate ad nuptias. Et egressi servi ejus in vias, congregaverunt omnes quos invenerunt, malos & bonos: & impletae sunt nuptiae discumbentium. Intravit autem rex, ut videret discumbentes, & vidit ibi hominem non vestitum veste nuptiali. Et ait illi: Amice, quomodo huc intrasti, non habens vestem nuptialem? At ille obmutuit. Tunc dixit rex ministris: Ligatis manibus & pedibus ejus, mittite eum in tenebras exteriores: ibi erit fletus, & stridor dentium. Multi enim sunt vocati, pauci vero electi. **Credo.**

**Offertorium.** Si ambulâvero in medio tribulationis, vivificabis me Domine: & super iram inimicorum meorum extendes manum tuam, & salvum me faciet dextera tua.

**Secreta.**

**H**aec munera, quaesumus Domine, quae oculis tuae majestatis offerimus, salutaria nobis esse

concede. Per Dominum nostrum Jesum Christum Filium tuum.

**Alia Secreta.** Exaudi nos. **Pag. 364. Tertia ad libitum.**

**Communio.** Tu mandasti, mandata tua custodiri nimis: utinam dirigantur viae meae, ad custodiendas justificationes tuas.

**Postcommunio.**

**T**ua nos, Domine, medicinalis operatio, & a nostris perveritatibus clementer expediat, & tuis semper faciat inhærere mandatis. Per Dominum nostrum.

**Alia Postcommunio.** Mundet & muniat. **Pag. 364. Tertia ad libitum.**

## DOMINICA XX.

Post Pentecosten.

Introitus.



**O**mnia quae fecisti nobis Domine, in vero judicio fecisti, quia peccavimus tibi, & mandatis tuis non obedivimus: sed da gloriam nomini tuo, & fac nobiscum secundum multitudinem misericordiae tuae. **Psalmus.** Beati immaculati in via: qui ambulant in lege Domini. **Gloria Patri.**

**Oratio.**

**L**argire, quaesumus Domine, fidelibus tuis indulgentiam placatus & pacem: ut pariter ab omnibus mundentur offensas, & secunda tibi mente deserviant. Per Dominum nostrum Jesum Christum Filium tuum.

Secunda

**Secunda Oratio.** A Cunctis nos, ut supra. **Pag. 363. Tertia ad libitum.**

**Lectio Epistolae beati Pauli** Apóstoli ad Ephésios.

**F**ratres, Videte quomodo caute ambulatis: non quasi insipientes, sed ut sapientes: redimentes tempus, quoniam dies mali sunt. Propterea nolite fieri imprudentes: sed intelligentes, quae sit voluntas Dei. Et nolite inebriari vino, in quo est luxuria: sed implemini Spiritu sancto, loquentes vobismetipsis in psalmis, & hymnis, & canticis spiritalibus, cantantes & psallentes in cordibus vestris Domino, gratias agentes semper pro omnibus, in nomine Domini nostri Jesu Christi, Deo & Patri. Subjuncti invicem in timore Christi.

**Graduale.** Oculi omnium in te sperant Domine: & tu das illis escam in tempore opportuno. **Aperis tu manum tuam, & imple omne animal benedictione. Allelúja, allelúja.** **Paratum cor meum Deus, paratum cor meum: cantabo, & psallam tibi, gloria mea. Allelúja.**

**Sequentia sancti Evangelii secundum Joannem.**

**I**n illo tempore: Erat quidam regulus, cujus filius infirmabatur Capharnaum. Hic cum audisset quia Jesus adveniret a Judaea in Galilaeam, abiit ad eum: & rogabat eum ut descenderet & sanaret filium ejus: incipiebat enim mori. Dixit ergo Jesus ad eum: Nisi signa & prodigia videritis, non cre-

ditis. Dicit ad eum regulus: Domine: descende priusquam moriatur filius meus. Dicit ei Jesus: Vade, filius tuus vivit. Credidit homo sermóni, quem dixit ei Jesus, & ibat. Jam autem eo descendente, servi occurrerunt ei, & nuntiaverunt dicentes, quia filius ejus viveret. Interrogabat ergo horam ab eis, in qua melius haberet. Et dixerunt ei: Quia heri hora septima reliquit eum febris. Cognovit ergo pater, quia illa hora erat, in qua dixit ei Jesus: Filius tuus vivit: & credidit ipse, & domus ejus tota. **Credo.**

**Offertorium.** Super flumina Babilonis illic sedimus & flevimus, dum recordarémur tui Sion.

**Secreta.**

**C**oelstem nobis praebeant haec mysteria, quaesumus Domine, medicinam: & vitia nostri cordis expurgent. Per Dominum nostrum Jesum Christum Filium tuum: Qui tecum.

**Alia Secreta.** Exaudi nos. **ut supra. Pag. 364. Tertia ad libitum.**

**Communio.** Meménto verbi tui servo tuo Domine, in quo mihi spem dedisti: haec me consolata est in humilitate mea.

**Postcommunio.**

**U**t sacris, Domine, reddamur digni munéribus: fac nos, quaesumus; tuis semper obedire mandatis. Per Dominum nostrum Jesum Christum Filium tuum: Qui tecum vivit & regnat.

**Alia Postcommunio.** Mundet & muniat. **Pag. 364. Tertia ad libitum.**

R r r

DOMI-



# DOMINICA XXI.

Post Pentecosten.

## Introitus.

Eph.  
13. c.

**N** voluntate tua, Domine, universa sunt posita: & non est qui possit resistere voluntati tuæ, tu enim fecisti omnia: cælum & terram, & universa quæ cœli ambitu continentur: Dominus universorum tu es. **Psalmus.** Beati immaculati in via: qui ambulant in lege Domini. **Gloria Patri.**

## Oratio.

**F**amiliam tuam, quæsumus Domine, continua pietate custodi: ut à cunctis adversitatibus, te protegente, sit libera; & in bonis actibus tuo nomini sit devota. Per Dominum nostrum Jesum Christum Filium tuum.

**Secunda Oratio.** A Cunctis nos, ut in Dominica III. post Pentecosten. Pag. 363. Tertia ad libitum.

**Lectio Epistolæ beati Pauli** Apostoli ad Ephesios.

Eph.  
6. b.

**F**ratres, Confortamini in Domino, & in potentia virtutis ejus. Induite vos armaturam Dei, ut possitis stare adversus insidias diaboli. Quoniam non est nobis colluctatio adversus carnem & sanguinem: sed adversus principes, & potestates, adversus mundi rectores tenebrarum harum, contra spiritualia nequitiae, in cœlestibus. Propterea accipite armaturam Dei, ut possitis resistere in die malo,

& in omnibus perfecti stare. Stare ergo succincti lumbos vestros in veritate, & induiti loriceam justitiæ, & calceati pedes in preparatione Evangelii pacis: in omnibus sumentes scutum fidei, in quo possitis omnia tela nequissimi ignea extingueret: & galeam salutis assumite: & gladium spiritus, quod est verbum Dei.

**Graduale.** Domine refugium factus es nobis à generatione & progenie. **Psalmus.** Priusquam montes fierent, aut formaretur terra & orbis: à sæculo & usque in sæculum tu es Deus. **Alleluja, alleluja.** In exitu Israël de Ægypto, domus Jacob de populo barbaro. **Alleluja.**

**Sequentia sancti Evangelii** secundum Matthæum.

**I**n illo tempore: Dixit Jesus discipulis suis parabolam hanc: Assimilatum est regnum cœlorum homini regi, qui voluit rationem ponere cum servis suis. Et cum cepisset rationem ponere, oblatus est ei unus, qui debebat ei decem millia talenta. Cum autem non haberet unde redderet, jussit eum dominus ejus venditari, & uxorem ejus, & filios, & omnia quæ habebat, & reddi. Procidens autem servus ille, orabat eum, dicens: Patientiam habe in me, & omnia reddam tibi. Misertus autem dominus servi illius, dimisit eum, & debitum dimisit ei. Egressus autem servus ille, invenit unum de conservis suis, qui debebat ei centum denarios: & tenens suffocabat eum, dicens: Redde quod debes. Et procidens servus ejus,

rogabat

rogabat eum, dicens: patientiam habe in me, & omnia reddam tibi. Ille autem noluit: sed abiit, & misit eum in carcerem, donec redderet debitum. Videntes autem conservi ejus quæ fiebant, contristati sunt valde: & venerunt, & narraverunt domino suo omnia quæ facta fuerant. Tunc vocavit illum dominus suus; & ait illi: Serve nequam, omne debitum dimisi tibi, quoniam rogasti me: nonne ergo oportuit & te misereri conservi tui, sicut & ego tui misertus sum? Et iratus dominus ejus, tradidit eum tortoribus, quoadusque redderet universum debitum. Sic & Pater meus cœlestis faciet vobis, si non remisistis unusquisque fratri suo de cordibus vestris. **Credo.**

**Offertorium.** Vir erat in terra Hus nomine Job, simplex & rectus, ac timens Deum: quem Satan petiit, ut tentaret: & data est ei potestas à Domino in facultates & in carnem ejus: perdiditque omnem substantiam ipsius, & filios: carnem quoque ejus gravi ulcere vulneravit.

## Secreta.

**S**uscipe Domine propitius hostias, quibus & te placari voluisti, & nobis salutem potenti pietate restitui. Per Dominum nostrum Jesum Christum.

**Alia Secreta.** Exaudi nos Deus, ut in Dominica III. post Pentecosten. Pag. 364. Tertia ad libitum.

**Communio.** In salutari tuo anima mea, & in verbum tuum speravi: quando facies de persecutoribus me iudicium? iniqui perse-

cuti sunt me, adjuva me Domine Deus meus.

## Postcommunio.

**I**mortalitatis alimoniam consecuti, quæsumus Domine, ut quod ore percipimus, pura mente sectemur. Per Dominum nostrum Jesum Christum Filium tuum: Qui tecum vivit.

**Altera Postcommunio.** Mundet & muniat. ut in Dominica III. post Pentecosten. Pag. 364. Tertia ad libitum.

# DOMINICA XXII.

Post Pentecosten.

## Introitus.



**S**i iniquitates observaveris Domine, Domine quis sustinebit? quia apud te propitiatio est, Deus Israël. **Psalmus.** De profundis clamavi ad te Domine: Domine exaudi vocem meam. **Gloria Patri, & Filio, & Spiritui sancto.**

## Oratio.

**D**eus refugium nostrum, & virtus: adesto piis Ecclesiæ tuæ precibus, auctor ipse pietatis, & præsta; ut quod fideliter petimus, efficaciter consequamur. Per Dominum nostrum Jesum Christum Filium tuum: Qui tecum vivit & regnat.

**Secunda Oratio.** A Cunctis nos, ut supra. Pag. 363. Tertia ad libitum.

Rrr 2

Lectio



Lectio Epistolæ beati Pauli  
Apóstoli ad Philippenses.

**F**ratres, Confidimus in Dómino Jesu, quia qui cæpit in vobis opus bonum, perficiet usque in diem Christi Jesu. Sicut est mihi justum, hoc sentire pro omnibus vobis: eò quod habeam vos in corde, & in vinculis meis, & in detensione, & confirmatione Evangelii, socios gaudii mei omnes vos esse. Testis enim mihi est Deus, quomodo cupiam omnes vos in visceribus Jesu Christi. Et hoc oro, ut charitas vestra magis ac magis abundet in scientia, & in omni sensu: ut probetis potiùs, ut sitis sinceri, & sine offensa in diem Christi, replèti fructu justitiæ per Jesum Christum, in glóriam & laudem Dei.

**Graduale.** Ecce quàm bonum & quàm jucundum, habitare fratres in unum. **V.** Sicut unguentum in capite: quod descendit in barbam, barbam Aaron. **Allelûja, allelûja.** **V.** Qui timent Dóminum, sperent in eo: adjutor & protector eorum est. **Allelûja.**

Sequëntia sancti Evangelii  
secundum Matthæum.

**I**n illo tempore: Abeuntes Pharisei consilium inierunt, ut caperent Jesum in sermone. Et mittunt ei discipulos suos cum Herodianis, dicentes: Magister, scimus quia verax es, & viam Dei in veritate doces, & non est tibi cura de aliquo: non enim respicis personam hominum: dic ergo nobis, quid tibi videtur: licet censum da-

re Cæsari, an non? Cognitionem autem Jesus nequitia eorum, ait: Quid me tentatis hypocritæ? ostendite mihi numisma census. At illi obtulerunt ei denarium. Et ait illis Jesus: Cujus est imago hæc, & superscriptio? Dicunt ei: Cæsaris. Tunc ait illis: Reddite ergo quæ sunt Cæsaris, Cæsari; & quæ sunt Dei, Deo. **Credo.**

**Offertorium.** Recordare mei Dómine, omni potentatui dominans: & da sermonem rectum in os meum, ut placeant verba mea in conspectu principis.

## Secreta.

**D**A misericors Deus: ut hæc salutaris oblatio & à propriis nos reatibus indefinenter expediat, & ab omnibus tueatur adversis. Per Dóminum nostrum Jesum Christum Filium tuum: Qui tecum vivit & regnat.

**Alia Secreta.** Exaudi nos Deus. **ut supra. Pag. 364. Tertia ad libitum.**

**Communio.** Ego clamavi, quoniam exaudisti me Deus: inclina aurem tuam: & exaudi verba mea.

## Postcommunio.

**S**umpsimus, Dómine, sacri donum mysterii, humiliter deprecantes: ut, quæ in tui commemorationem nos facere præcepisti, in nostra proficiant infirmitatis auxilium: Qui vivis & regnas, cum Deo Patre in unitate Spiritus sancti Deus.

**Alia Postcommunio.** Mundet & muniat. **Pag. 364. Tertia ad libitum.**

## DOMINICA XXIII.

**Post Pentecosten; quando non fuerit ultima post Pentecosten, quia si erit ultima, tunc loco vigesima tertia ponetur quæ inferius est xxiv. & Missa xxij. dicetur in Sab- bato præcedenti non impedito Fes- to Duplici, vel Semiduplici, alio- quin in alia præcedenti Feria simi- liter non impedita.**

## Introitus.



**I**cit Dóminus, Ego cogito cogitationes pacis, & non afflictionis: invocabitis me, & ego exaudiam

vos: & reducam captivitatem vestram de cunctis locis. **Psalmus.** Benedixisti Dómine terram tuam: avertisti captivitatem Jacob. **V.** Glória Patri.

## Oratio.

**A**bsolve, quæsumus Dómine, tuorum delicta populorum: ut à peccatorum nostrorum nexibus, quæ pro nostra fragilitate contraximus, tua benignitate liberemur. Per Dóminum nostrum Jesum Christum.

**Secunda Oratio.** A Cunctis nos. **ut supra. Pag. 363. Tertia ad libitum.**

Lectio Epistolæ beati Pauli  
Apóstoli ad Philippenses.

**F**ratres, Imitatores mei estote, & observate eos, qui ita ambulant, sicut habetis formam nostram. Multi enim ambulant, quos sæpe dicebam vobis (nunc autem

& flens dico) inimicos crucis Christi: quorum finis interitus: quorum Deus venter est: & glória in confusione ipsorum, qui terræna sapiunt. Nostra autem conversatio in cælis est: unde etiam Salvatorem expectamus Dóminum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem, qua etiam possit subicere sibi omnia. Itaque fratres mei charissimi & desideratissimi gaudium meum, & corona mea: sic state in Dómino, charissimi. Evodiam rogo, & Syntychen deprecor, idipsum sapere in Dómino. Etiam rogo & te germane compar: adjuva illas, quæ mecum laboraverunt in Evangelio cum Clemente, & ceteris adiutoribus meis, quorum nomina sunt in libro vitæ.

**Graduale.** Liberasti nos Dómine ex affligentibus nos: & eos qui nos oderunt, confundisti. **V.** In Deo laudabimur tota die, & in nomine tuo confitebimur in sæcula. **Allelûja, allelûja.** **V.** De profundis clamavi ad te Dómine, Dómine exaudi orationem meam. **Allelûja.**

Sequëntia sancti Evangelii  
secundum Matthæum.

**I**n illo tempore: Loquente Jesu ad turbas, ecce princeps unus accessit, & adorabat eum, dicens: Dómine, filia mea modò defuncta est: sed veni, impone manum tuam super eam, & vivet. Et surgens Jesus sequebatur eum, & discipuli ejus. Et ecce mulier, quæ sanguinis fluxum patiebatur duode-



decim annis, accessit retrò, & téniguit fimbriam vestiménti ejus. Dicébat enim intra se: Si terigero tantum vestiméntum ejus, salva ero. At Jesus convérsus, & videns eam, dixit: Confide filia, fides tua te salvam fecit. Et salva facta est mulier ex illa hora. Et cum venisset Jesus in domum principis, & vidisset tibícines, & turbam tumultuántem, dicébat: Recédite; non est enim mórtua puella, sed dormit. Et deridébant eum. Et cum ejécta esset turba, intrávit: & ténuit manum ejus. Et surrexit puella. Et éxiit fama hæc in univérsum terram illam.

**Credo.**

**Offertorium.** De profundis clamávi ad te Dómine, Dómine exáudi oratióem meam: de profundis clamávi ad te Dómine.

**Secreta.**

**P**ro nostræ servitútis augménto sacrificium tibi Dómine laudis offerimus: ut quod imméritis contulísti, propítius exequáris. Per Dóminum nostrum Jesum Christum Filium tuum: Qui tecum vivit & regnat in unitáte Spíritus sancti Deus.

**Alia Secreta.** Exáudi nos Deus. **ut suprà. Pag. 364. Tertia ad libitum.**

**Communio.** Amen dico vobis, quidquid orántes pétitis, créдите quia accipiétis, & fiet vobis.

**Postcommunio.**

**Q**uæsumus omnipotens Deus: ut quos divína tríbuís participatióne gaudére, humanis non finas subjacére periculis. Per Dóminum nostrum Jesum Christum

Fílium tuum: Qui tecum vivit & regnat in unitáte Spíritus sancti Deus, per ómnia sæcula sæculórum. **R. Amen.**

**Alia Postcommunio.** Mundet & múniat. **Pag. 364. Tertia ad libitum.**

**Si Dominica post Pentecosten fuerint plures viginti quatuor, tunc post xxij. resumantur (quoad Orationes, Epistolas, & Evangelia) Missæ Dominicarum, quæ superfuerunt post Epiphaniam (ut infra post Dominicam xxiv.) hoc ordine.**

**Si Dominica fuerint xxv. in Dominica xxiv. dicitur Missa Dominica vj. post Epiphaniam.**

**Si fuerint xxvj. in Dominica xxiv. dicitur Missa Dominica v. post Epiphaniam: & in xxv. Missa Dominica vj.**

**Si fuerint xxvij. in Dominica xxiv. dicitur Missa Dominica iv. post Epiphaniam: in xxv. Dominica v. & in xxvj. Dominica vj.**

**Si fuerint xxvij. in Dominica xxiv. dicitur Missa Dominica iij. post Epiphaniam: in xxv. Dominica iv. in xxvj. Dominica v. in Dominica xxvij. Dominica vj.**

**Et ultimo loco semper ponitur Missa Dominica xxiv. post Pentecosten.**

**Introitus autem, Graduale, Offertorium, & Communio in prædictis Dominicis semper dicuntur ut in Dominica xxij.**



## DOMINICA XXIV. & ultima post Pentecosten.

**Introitus.**

**D**icit Dóminus, Ego cógito cogitationes pacis, & non afflictiónis: invocábitis me, & ego exáudiam vos: & reducam captivitátem vestram de cunctis locis. **Psalmus.** Benedixisti Dómine terram tuam: avertisti captivitátem Jacob. **Gloria Patri.**

**Oratio.**

**E**xalta, quæsumus Dómine, tuórum fidélium voluntates: ut divini óperis fructum propénsius exequéntes, pietátis tuæ remédia majóra percipiant. Per Dóminum nostrum Jesum Christum Fílium tuum: Qui tecum vivit & regnat in unitáte Spíritus sancti Deus.

**Secunda Oratio.** A cunctis nos. **ut suprà. Pag. 363. Tertia ad libitum.**

**Lectio Epistolæ beati Pauli**  
Apóstoli ad Colossenses.

**F**ratres, Non cessámus pro vobis orántes, & postulántes, ut impleámini agnitióne voluntátis Dei, in omni sapiéntia & intelléctu spiritali: ut ambulétis dignè Deo per ómnia placéntes: in omni ópere bono fructificántes, & crescéntes in sciéntia Dei: in omni virtúte confortáti secúndum potentiam claritátis ejus, in omni patientia & longanimitate cum gaudio, grátias ágéntes Deo Patri, qui

dignos nos fecit in partem sortis sanctórum in lumine: qui eripuit nos de potestate tenebrarum, & trástulit in regnum Filii dilectiónis suæ; in quo habémus redemptiõem per ságuinem ejus, remissiõem peccatórum.

**Graduale.** Liberásti nos Dómine ex affligéntibus nos: & eos qui nos odérunt, confudísti. **Allelúja, allelúja.** De profundis clamávi ad te Dómine, Dómine exáudi oratióem meam. **Allelúja.**

**Sequéntia sancti Evangelii secundum Matthæum.**

**I**n illo témpore: Dixit Jesus discipulis suis: Cum vidéritis abominatiõem desolatióis, quæ dicta est à Danièle prophéta, stantem in loco sancto: qui legit, intéllegat: tunc, qui in Judæa sunt, fúgiant ad montes: & qui in tecto, non descéndat tollere áliquid de domo sua: & qui in agro, non revertátur tollere tunicam suam. Vt autem prægnántibus & nutriéntibus in illis diébus. Oráte autem, ut non fiat fuga vestra in hieme, vel sabbato. Erit enim tunc tribulatio magna, qualis non fuit ab initio mundi usque modò, neque fiet. Et nisi breviáti fuissent dies illi, non fieret salva omnis caro: sed propter electos breviabuntur dies illi. Tunc si quis vobis dixerit: Ecce hic est Christus: aut illic: nolite crédere. Surgent enim pseudochristi, & pseudoprophætæ: & dabunt signa magna, & prodigia



digia, ita ut in errorem inducātur (si fieri potest) etiam electi. Ecce prædixi vobis. Si ergo dixerint vobis, ecce in deserto est, nolite exire: ecce in penetralibus, nolite credere. Sicut enim fulgur exit ab Oriente, & paret usque in Occidentem: ita erit & adventus Filii hominis. Ubicumque fuerit corpus, illic congregabuntur & aquilæ. Statim autem post tribulationem dierum illorum sol obscurabitur, & luna non dabit lumen suum, & stellæ cadent de cælo, & virtutes cælorum commovebuntur: & tunc parëbit signum Filii hominis in cælo: & tunc plangent omnes tribus terræ: & videbunt Filium hominis venientem in núbibus cæli cum virtute multa, & majestâte. Et mittet Angelos suos cum tuba, & voce magna: & congregabunt electos ejus à quatuor ventis, à summis cælorum usque ad terminos eorum. Ab árbore autem fici discite parabolam: cum jam ramus ejus tener fuerit, & folia nata, scitis quia propè est æstas: ita & vos, cum videritis hæc omnia, scitote quia propè est in januis. Amen dico vobis: quia non præteribit generatio hæc, donec omnia hæc fiant. Cælum & terra transibunt, verba autem mea non præteribunt.

Credo.

**Offertorium.** De profundis clamavi ad te Dómine, Dómine exaudi orationem meam: de profundis clamavi ad te Dómine.

Secreta.

**P**ropitius esto, Dómine, supplicationibus nostris: & pó-

puli tui oblationibus, precibusque susceptis, omnium nostrum ad te corda converte; ut à terrenis cupiditatibus liberati, ad cælestia desideria transeamus. Per Dóminum nostrum Jesum Christum Filium tuum: Qui tecum.

**Alia Secreta.** Exaudi nos. **Pag. 364. Tertia ad libitum.**

**Communio.** Amen dico vobis, quidquid orantes pétitis, créde quia accipiétis, & fiet vobis.

Postcommunio.

**C**oncède nobis, quæsumus Dómine: ut per hæc sacramenta quæ sumpimus, quidquid in nostra mente vitiosum est, ipsorum medicatiōis dono curétur. Per Dóminum nostrum Jesum Christum Filium tuum: Qui tecum vivit & regnat.

**Alia Postcommunio.** Mundet & muniat. **Pag. 364. Tertia ad libitum.**

## DOMINICA III.

quæ superfuit post Epiphaniam, ponenda secundum superiorem Rubricam.

Introitus.



**D**icit Dóminus, Ego cōgito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis. **Psalmus.** Benedixisti Dómine terram tuam: avertisti captivitatem Jacob. **✠.** Glória Patri.

Oratio.

Oratio.

**O**mnipotens sempitérne Deus, infirmitatem nostram propitius respice: atque ad protegendum nos, dexteram tuæ majestatis extende. Per Dóminum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Secunda Oratio.** A cunctis nos. **ut suprà. Pag. 363. Tertia ad libitum.**

**Lectio Epistolæ beati Pauli** Apóstoli ad Romanos.

**R**atres, Nolite esse prudentes apud vosmetipsos: Nulli malum pro malo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: Non vosmetipsos defendentes, charissimi, sed date locum iræ. Scriptum est enim: Mihi vindicta; ego retribuam, dicit Dóminus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput ejus. Noli vinci à malo, sed vince in bono malum.

**Graduale.** Liberasti nos Dómine ex affligentibus nos: & eos qui nos oderunt, confudisti. **✠.** In Deo laudabimur tota die, & in nómine tuo confitebimur in sæcula. **Allelúja, allelúja.** **✠.** De profundis clamavi ad te Dómine, Dómine exaudi orationem meam. **Allelúja.**

**Sequéntia sancti Evangelii** secundum Matthæum.

**I**n illo tempore: Cum descendisset Jesus de monte, secutæ sunt eum turbae multæ. Et ecce leprosus veniens, adorabat eum, dicens: Dómine, si vis, potes me mundare. Et extendens Jesus manum, tetigit eum, dicens: Volo. Mundare. Et confestim mundata est lepra ejus. Et ait illi Jesus: Vide, némini dixeris: sed vade, ostende te sacerdoti, & offer munus, quod præcepit Móyses, in testimonium illis. Cum autem introisset Capharnaum, accessit ad eum Centurio, rogans eum, & dicens: Dómine, puer meus jacet in domo paralyticus, & malè torquetur. Et ait illi Jesus: Ego veniam, & curabo eum: Et respondens Centurio, ait: Dómine, non sum dignus ut intres sub testum meum: sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit: & alii, veni, & venit: & servo meo, fac hoc, & facit. Audiens autem Jesus, miratus est, & sequentibus se dixit: Amen dico vobis, non inveni tantam fidem in Israël. Dico autem vobis, quod multi ab Oriente & Occidente venient, & recumbent cum Abraham & Isaac, & Jacob in regno cælorum: filii autem regni ejicientur in tenebras exteriores ibi erit fletus, & stridor dentium. Et dixit Jesus Centurioni: Vade, & sicut credidisti, fiat tibi. Et sanatus est puer in illa hora. **Credo.**

S s s

Offerto-



**Offertorium.** De profundis clamavi ad te Domine, Domine exaudi orationem meam: de profundis clamavi ad te Domine.

**Secreta.**

**H**æc hostia, Domine quaesumus, emundet nostra delicta: & ad sacrificium celebrandum, subditorum tibi corpora, mentesque sanctificet. Per Dominum nostrum Jesum Christum Filium tuum: Qui tecum.

**Alia Secreta.** Exaudi nos. Pag. 364. **Tertia ad libitum.**

**Communio.** Amen dico vobis: quidquid orantes petitis, credite quia accipietis, & fiet vobis.

**Postcommunio.**

**Q**uos tantis, Domine, largiris uti mysteriis: quaesumus; ut effectibus nos eorum veraciter aptare digneris. Per Dominum nostrum Jesum Christum Filium tuum: Qui tecum vivit & regnat in unitate.

**Alia Postcommunio.** Mundet & muniat. Pag. 364. **Tertia ad libitum.**

## DOMINICA IV.

quæ superfuit post Epiphaniam.

**Introitus.**

Icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis. **Psalms.**

**Benedixisti** Domine terram tuam: avertisti captivitatem Jacob. **Glória Patri.**

**Oratio.**

**D**EUS, qui nos in tantis periculis constitutos, pro humana scis fragilitate non posse subsistere: da nobis salutem mentis & corporis; ut ea, quæ pro peccatis nostris patimur, te adjuvante vincamus. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus.

**Secunda Oratio.** A Cunctis nos ut supra. Pag. 363. **Tertia ad libitum.**

**Lectio Epistolæ beati Pauli** Apostoli ad Romanos.

**F**ratres, Nemihi quidquam debetis, nisi ut invicem diligatis: qui enim diligit proximum, legem implevit. Nam: Non adulterabis: Non occides: Non furaberis: Non falsum testimonium dices: Non concupisces: & si quod est aliud mandatum, in hoc verbo instauratur: Diliges proximum tuum sicut teipsum. Dillectio proximi malum non operatur. Plenitudo ergo legis est dilectio.

**Graduale.** Liberasti nos Domine ex affligentibus nos: & eos qui nos oderunt, confudisti. **Alleluja.**

**De profundis** clamavi ad te Domine, Domine exaudi orationem meam. **Alleluja.**

Sequén-

**Sequentia sancti Evangelii** secundum Matthæum.

**I**n illo tempore: Ascendente Jesu in naviculam, secuti sunt eum discipuli ejus: & ecce motus magnus factus est in mari, ita ut navicula operiretur fluctibus, ipse vero dormiebat. Et accesserunt ad eum discipuli ejus, & suscitaverunt eum, dicentes: Domine, salva nos, perimus. Et dicit eis Jesus: Quid timidi estis, modicæ fidei? Tunc surgens, imperavit ventis & mari, & facta est tranquillitas magna. Porro homines mirati sunt, dicentes: Qualis est hic, quia venti & mare obediunt ei? **Credo.**

**Offertorium.** De profundis clamavi ad te Domine, Domine exaudi orationem meam: de profundis clamavi ad te Domine.

**Secreta.**

**C**oncède quaesumus omnipotens Deus: ut hujus sacrificii munus oblatum, fragilitatem nostram ab omni malo purget semper & muniat. Per Dominum nostrum Jesum Christum Filium tuum: Qui tecum.

**Alia Secreta.** Exaudi nos Deus. ut supra. Pag. 364. **Tertia ad libitum.**

**Communio.** Amen dico vobis: quidquid orantes petitis, credite quia accipietis, & fiet vobis.

**Postcommunio.**

**M**unera tua nos Deus à delectationibus terrenis expellant: & cælestibus semper instaurant alimentis. Per Dominum nostrum Jesum Christum Filium tuum: Qui tecum.

um: Qui tecum vivit & regnat in unitate Spiritus sancti Deus.

**Alia Postcommunio.** Mundet & muniat. Pag. 364. **Tertia ad libitum.**

## DOMINICA V.

quæ superfuit post Epiphaniam.

**Introitus.**

**D**icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis. **Psalms.**

**Benedixisti** Domine terram tuam: avertisti captivitatem Jacob. **Glória Patri.**

**Oratio.**

**F**amiliam tuam, quaesumus Domine, continua pietate custodi: ut quæ in sola spe gratiæ cælestis innititur, tua semper protectione muniatur. Per Dominum nostrum Jesum Christum Filium tuum: Qui tecum.

**Secunda Oratio.** A Cunctis nos ut supra. Pag. 363. **Tertia ad libitum.**

**Lectio Epistolæ beati Pauli** Apostoli ad Colossenses.

**F**ratres, Induite vos, sicut electi Dei, sancti, & dilecti, viscera misericordiæ, benignitatem, humilitatem, modestiam, patientiam: supportantes invicem, & donantes vobismetipsis, si quis adversus aliquem habet querelam:

S s s 2

sicut



sicut & Dóminus donávit vobis, ita & vos. Super ómnia autem hæc, charitatem habete, quod est vinculum perfectiōnis: & pax Christi exultet in cōdibus vestris, in qua & vocati estis in uno corpore: & grati estote. Verbum Christi habitet in vobis abundanter, in omni sapiētia, docētes, & commonētes vosmetipsos, psalmis, hymnis, & canticis spirituālibus, in grātia cantātes in cōdibus vestris Deo. Omne quodcūque facitis, in verbo aut in opere, ómnia in nōmine Dómini Jesu Christi, grācias agētes Deo & Patri, per Jesum Christum Dóminum nostrum.

**Graduale.** Liberasti nos Dómine ex affligētibz nos: & eos qui nos odērunt, confudisti. *✠* In Deo laudābimur tota die, & in nōmine tuo confitebimur in sæcula. *Allelúja, allelúja.* *✠* De profundis clamavi ad te Dómine, Dómine exaudi oratiōem meam. *Allelúja.*

### Sequētia sancti Evangēlii secūndum Matthæum.

**I**n illo tēpore: Dixit Jesus turbis parabolam hanc: Simile factum est regnum cēlōrum hōmini, qui semināvit bonum semen in agro suo. Cū autem dormirent hōmines, venit inimicus ejus, & superfemināvit zizania in medio tritici, & abiit. Cū autem crevisset herba, & fructum fecisset, tunc apparuerunt & zizania. Accedētes autem servi patrisfamilias, dixerunt ei: Dómine, nōne bonum semen seminasti in agro

tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, & colligimus ea? Et ait: Non: nē fortē colligētes zizania, eradicētis simul cum eis & triticum. Sinite utraque crescere usque ad messem, & in tēpore messis dicam messōribz: Colligite primum zizania, & alligāte ea in fasciculos ad comburēdum, triticum autem congregāte in hōrreum meum. *Credo.*

**Offertorium.** De profundis clamavi ad te Dómine, Dómine exaudi oratiōem meam: de profundis clamavi ad te Dómine.

### Secreta.

**H**ostias tibi, Dómine, placationis offerimus: ut & delicta nostra miseratus absolvas, & nūtantia corda tu dirigas. Per Dóminum nostrum Jesum Christum Fīlium tuum.

**Alia Secreta.** Exaudi nos. *Pag. 364. Tertia ad libitum.*

**Communio.** Amen dico vobis, quidquid orātes pētitis, credite quia accipiētis, & fiet vobis.

### Postcommunio.

**Q**uæsumus omnipotens Deus: ut illius salutaris capiāmus effectum, cujus per hæc mystēria pignus accēpimus. Per Dóminum nostrum Jesum Christum Fīlium tuum: Qui tecum vivit & regnat in unitate Spīritus sancti Deus, per ómnia sæcula sæculōrum. *✠. Amen.*

**Alia Postcommunio.** Mundet & muniat. *Pag. 364. Tertia ad libitum.*

## DOMINICA VI. quæ superfuit post Epiphaniam.

### Introitus.



**D**icit Dóminus, Ego cōgito cogitationes pacis, & non afflictionis: invocābitis me, & ego exaudiam vos: & reducam captivitatem vestram de cunctis locis. *Psalmus.* Benedixisti Dómine terram tuam: avertisti captivitatem Jacob. *✠.* Glória Patri.

### Oratio.

**P**resta, quæsumus omnipotens Deus: ut semper rationabilia meditantēs; quæ tibi sunt placita, & dictis exequāmur, & factis. Per Dóminum nostrum Jesum Christum Fīlium tuum.

**Secunda Oratio.** A Cunctis nos, ut suprà. *Pag. 363. Tertia ad libitum.*

**Lectio Epistolæ beati Pauli** Apóstoli ad Thessalonicēses.

**F**ratres, Grācias ágimus Deo semper pro ómnibus vobis, mēóriam vestri faciētes in oratiōibus nostris sinē intermissiōne, mēmores operis fidei vestræ, & laboris, & charitātis, & sustinētiæ spei Dómini nostri Jesu Christi, ante Deum & Patrē nostrum: sciētes, fratres dilēcti à Deo, electiōem vestram: quia Evangēlium nostrum non fuit ad vos in sermōne tantum, sed & in virtute, & in Spīritu sancto, & in plenitudine multa: sicut scitis quales

fuērims in vobis propter vos. Et vos imitatōres nostri facti estis, & Dómini, excipiētes verbum in tribulatiōne multa, cum gaudiō Spīritus sancti: ita ut facti sitis formā ómnibus credētibz in Macedōnia, & in Achāja. A vobis enim diffamātus est sermo Dómini, non solum in Macedōnia, & in Achāja, sed & in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annūntiant qualem intritum habuerimus ad vos: & quomodo convērsi estis ad Deum à simulacris, servīre Deo vivo, & vero, & expectāre Fīlium ejus de cēlis (quem suscitāvit ex mōrtuis) Jesum, qui eripuit nos ab ira ventura.

**Graduale.** Liberasti nos Dómine ex affligētibz nos: & eos qui nos odērunt, confudisti. *✠.* In Deo laudābimur tota die, & in nōmine tuo confitebimur in sæcula. *Allelúja, allelúja.* *✠.* De profundis clamavi ad te Dómine, Dómine exaudi oratiōem meam. *Allelúja.*

### Sequētia sancti Evangēlii secūndum Matthæum.

**I**n illo tēpore: Dixit Jesus turbis parabolam hanc: Simile est regnum cēlōrum grano sināpis, quod accipiēns homo semināvit in agro suo: quod minimum quidem est ómnibus seminibus: cū autem creverit, majus est ómnibus olēribz, & fit arbor, ita ut volucres cēli veniant, & habitent in ramis ejus. Aliam parabolam